001

庫 文 有 萬 ^{極千一集一第} 編 主 五 雲 王

題解子經

著勉思吕

<u>본</u>稅퍉본뫈괎컜똰퍉뫇긙햔괁팑콗됈춙괉귅먇ૠ꽌쾫綊뀱굔팑굕팑굕굓굒굒팑팏팑팑팑맔돲곮팑팑팑팑퍉퍉궦퍞됷됷됷

行發館書印務商





自序

不能以喻之子弟者也昔人讀書之弊在於不甚講門徑令人則又失之太講門徑而不甚下切實 欲求自得必先有悟入處而悟入之處恆在單詞隻義人所不經意之處此則會心各有不同, 初學讀之苦不知熟為可據此所舉皆最後最確之說且皆持平之論三也然學問之道貴自得之 同一也從前書籍解題多僅論全書大概此多分簫論列二也論治學方法及書籍之作亦頗浩繁, 讀之書及其讀之之先後與泛論大要失之膚廓及廣羅參考之書失之浩博令人無從下手者不 既多或謂其有益初學乃加以編次裒爲一帙印以問世爲此書有益初學之處凡三切實舉出應 本書皆予講學時所論及門或筆錄之予亦稍加補正學經及先秦諸子之眞者略具於是矣所積 工夫二者皆弊心願與承學之士共勉之爲才自識民國十三年七月。 父師

自原

經子解題目錄

目 錄	荀子	列子	莊子	老子	論讀子之法	論語 孟子 孝經 爾雅	春秋	另	儀禮 禮記 大戴禮記 周禮:	書 附論逸周書	詩	論讀經之法
		列子		老子一〇四	《《》 八三	七九	七〇	六四	周禮••••••四一	附論逸周書		論讀經之法····································

經子解題

論讀經之法

為研求現象發明公理之經子一類亦無不可論其學術流別亦往往氣蒐並采不名一家此等書也然古代學術皆專門名家各不相通後世則漸不能然一書也視為記載現象之史一類固可視 治法律可云法律至不專 在經史子三部中無類可歸乃不得不別立一名而稱之曰「集」此猶編新書目錄者, 之對象書籍之以記載現象為主者是為史就現象加以研求發明公理者則爲經子。 吾國舊籍分爲經史子集四部由來已久而四者之中集爲後起蓋人類之學問必有其研究 一學之雜誌則 無類可歸編舊書目錄者 經可日經史可曰史至兼 固 政治可云政 無 所 謂 包四

經子本 相同之物自漢以後特尊儒學乃自諧子書中提出儒家之書而稱之曰經此等見解, 部之叢

論戲

經之法

書則不得不別立叢部云

爾。

在

以舊書爲藍本故在諸家中儒家之六經與前此之**古書關繫最大**。 一个日原不必存然 經之與子亦自有其不同之處孔子稱「述而不作」其書雖亦發揮己見顧

何不明白曉暢自作一書而必偽造生民虛張帝典乎皆孔子手者的無所承亦為未是六經果皆孔子手者的無所承亦為未是六經果皆孔子手者治之之法亦遂不能不因之而殊章太炎所謂「 學問之光大不徒視前人之唱導亦視後人之發揮儒學專行二千年治之者多自然日益光大又 事實諸子多明義理賈馬不能理諸子郭象張湛不能治經」是也與章行嚴論墨學第二書見華國月又 衆疏注亦詳後學鑽研自較治諸子之書爲易天下本無截然不同之理訓 **苴綴拾固非今文家之偏者至謂六經** 古文家以六經皆周公舊與孔子特補

百家 所同。 欲 治 先明一家之書其餘皆可取證然則先經後子固研 經 必先知歷代經學變遷之大勢 **今**案吾國經學可大別為漢宋二流而細別之則二者 求古籍之良法矣。

其傳

書既

話名物尤為

之中, 此後人所稱為「今文學」者也末 又各可分數派。 秦火之後西漢之初學問皆由口耳相傳其後乃用當時通行文字箸之竹帛, 造乃有自謂得古書為據而訾今文家所傳爲闕誤者於是有

太傅言書自濟南伏生言禮自魯高堂生言易自菑川 古文之學」焉今文學之初祖史記儒林傳所列 凡有八家所謂「 田生言春秋於齊魯自胡母生於趙自董仲 言詩於齊則轅固生於燕則韓

鄭同。 鄭玄 古文大盛而今文之學遂微盛 文學古文之學詩 建南北統 漢 學本各守專門不 亡此後經學乃分二 至唐 ٨ 爭名乃偽造古書以爲證據卽淸儒 是 古而皆偏於古 所 北宋 源於漢可括之於漢學 也。 東京立 之世 乃異軍蒼頭特起宋人之治經也不墨守前 相通假。 + 鄭學盛行於漢 有毛 一派一以當 应 博士: 氏 鄭玄出乃以意 書 一詩魯、齊、 有 古文尚 時 |極必衰乃又有所謂僞古文者出僞古文之案起於王肅。 之僞 末; 韓; 書 書 書 蕭 歐陽、 所 禮 玄學, 為 去 有 晉 取 力攻之偽古文尚書 C周禮易有: 大 羼入 武 牽合盡破其界限 小人夏侯 帝 其 外 Ħ, 祖 月費氏, 禮 如 其學 大 王 人傳 八小戴易施 春秋 小亦頗行 王肅 注而 案是也參看後文漢 有左氏皆 於晉初; 偽孔安國 好攻鄭而 兼 孟 憑 梁丘、 未 己所 m 凶之書是。 《得立然》 京; 兩漢 其 春 EE 不守家法 一張之義 秋 專門之學 代 一个古 嚴、 肅 東 顏 漢 仍篤 蓋 文之 末造, 皆今

欲

血

亦

郥

守

邃

讀 經

之

法

長處在能廓淸摧陷一 **播前人之障翳而直淡單微其短處則妄以今人之意見測度古人後世之**

情形議論古事遂至不合事實自南宋理宗以後程朱之學大行元延祐科舉法諸經皆采用宋人

之書明初因之永樂時又命胡廣等修四書五經大全悉取宋元人成著鈔襲成書自大全出士不 流恆不免於流蕩而忘反宋學雖未嘗教人以空疏然學其偏重義理之智而行之其弊必至於此 知有漢唐人之學并不復讀宋元人之書而明代土子之空疏遂於歷代爲最甚蓋一種學問之末

也物窮則變而清代之漢學又起。

學之中又分出宗尙今文一派與前此崇信賈馬許鄭者立別蓋淸儒意主復古剝蕉抽繭之勢非矜愼終不免於有失不如專重客觀之爲當也,其形於是屛宋而專宗漢乃成純粹之漢學最後漢 清儒之講漢學也始之以參稽博考釋善而從尙祇可稱為漢宋兼采其後知憑臆去取雖極窮則變而清代之漢學又起

至於此不止也。

經學之歷史欲詳陳之數十萬言不能盡以上所云不過因論讀經之法先提挈其綱領而已。

今請進言讀經之法。

學之法忌 偏重主 觀。 偏 重主觀者一 時似愜心貴當而終不免於差繆能 注 重客 則反 是。

成蜜型而其完多 机聚式下板 一大抵 時代相近則思想相同故前人之言即與後人同出揣度亦恆較後每近情而其究多誤用後法者說 大抵時代相近則思想相同故前人之言即與後人同出揣度亦恆較後人孰為親見孰為傳聞同傳聞也孰親聞諸失火之家孰但得諸道路傳述以是定其言之信否則注重客觀之法也用前法者說人孰為親見孰為傳聞同傳聞之明之所了言人人殊擇其最近於情理者信之則偏重主觀之法也不以已意定其然否但考其今試設一醫東門失火西門聞之甲乙丙了言人人殊擇其最近於情理者信之則偏重主觀之法也不以已意定其然否但考其今試設一醫東門失火西門聞之甲乙丙丁言人人殊擇其最近於情理者信之則偏重主觀之法也不以已意定其然否但考其

學原亦有其所長然憑臆相爭是非難定自此入手不免失之汗漫故治經當從漢人之書入此則 人為確況於師友傳述或出親聞遺物 未湮可資目驗者乎此讀書之所以重「古據」也宋人之經

或遠理而其完多眞累試不爽。

治學之法如是非有所偏好惡 也。

漢志用周官處解詁即一語不采 外田之制與漢書食貨志略同然凡古事傳至今日者率多東鳞西 **爪之談掇拾叢殘往往苦其** 治漢學者於今古文家數必須分清漢人學問最重師法各守專門絲毫不容假借。 五年何注述

博士之戰即一戰也河圖三五歷之戰司馬貞補三皇本紀列爲或說其正說則從鄭玄補三皇本紀述女媧氏事活「諸侯有共皇於天伏幾以人事紀故託發皇於人神農悉地力種穀疏故託農皇於地」可見儒家所謂三皇者義實取於天地人大傳與秦生之就也除緯書法怪別爲一說外尚書大傳爲今文說鄭玄偏重古文伏生者奏博士之一大傳云「遂人以火紀陽算故託遂以爲伏幾神農悌人或曰伏幾神農祝融者白虎通也以爲伏幾女媧神農者鄭玄也以爲天皇地皇泰皇者始皇議帝號時秦博以爲伏幾神農悌人或曰伏幾神農祝融者白虎通也以爲伏幾女媧神農者鄭玄也以爲天皇地皇泰皇者始皇議帝號時秦博皆有後。表可妻今試舉一頭立各一萬八千歲人皇九頭分長九州者河屬三五歷也以爲途人伏幾神農者尚書大傳也皆有後、崇可妻今試舉一實例如三皇五帝向來異說紛如荷以此法馭之即可分爲今古文兩說三皇之就以爲天皇十二皆有幾一宗可妻今試舉一實例如三皇五帝向來異說紛如荷以此法馭之即可分爲今古文兩說三皇之就以爲天皇十二 然苟能深知其學術派別殆 無不可整理之成兩組 者。 夫能整理之成兩組則紛然清亂之說不啻

經 Ż

法

經

也。且有時一說也主張之者祇一二人又一說也主張之者乃有多人似乎證多而強矣然苟能知知令堯不得為外德則漢不得為赤」則左氏家增入一少昊以六人為五帝之情可見矣史記世本大戴禮皆今文説左氏古文如令堯不得為外德漢書賈逵傳達言「五經家皆言顧頊代黃帝而堯不得為外德左氏以為少昊代黃帝即圖讖所謂帝宣也號)少昊今秦後漢書賈逵傳達言「五經家皆言顧頊代黃帝而堯不得為外德左氏以為少昊代黃帝即圖讖所謂帝宣也處白虎遜正說從今文以古文備或說或古文說為後入寬入也五帝之說史記世本大戴禮並以黃帝顓頊帝嚳堯舜富之鄭玄處白虎遜正說從今文以古文備或說或古文就為後入寬入也五帝之說史記世本大戴禮並以黃帝顓頊帝嚳堯舜富之鄭玄吳白虎滅正說從今文以古文備或說或古文就為後入寬入也五帝之說史記世本大義禮並以黃帝顓頊帝嚳堯舜富之鄭玄工氏與視顯氏戰不勝而禮乃頭觸不周之山天桂折地維執安媧乃鍊五色石以補天」云云上言祀熟下言女媧則祝融即女工氏與視融氏戰不勝而禮乃頭觸不周之山天桂折地維執安蝸乃鍊五色石以補天」云云上言祀熟下言女媧則祝融即女

亦必能分清家數乃不至於聽熒也。

近

其派別?

即可

知其輾轉祖述仍出一師不過一造之說傳者較多一造之說傳者較少耳凡此等處,

人指示治學門徑之書甚多然多失之浩博吾今舉出經學入門簡要之書如下。

皮錫瑞 經學歷史 此書可首讀之以知歷代經學變遷大略。

此書 廖平今古文考 |必須次讀之。 廖氏晚年著書頗涉荒怪早年則不然分別今古文之法至廖氏始精確。

事實, 康有為新學偽經考。 博之兩漢經學史也此書今頗難得如能得之者讀廖氏今古文考後可續讀之。 而 勿泥 ,其議論此書於重要事實考辨頗詳皆前列原書後抒己見讀之不啻讀一詳 吾舉此書或疑吾偏信今文其實不然也讀前人之書固可以 觀其

禮記王制 注疏。 周禮注疏。 陳立 白虎通疏證。 陳壽祺五經異義疏證。 今古文同異

今古文同異大致已可明白兩種皆須連疏注細看不可但讀白文亦不可但看注。 重要之處皆在制度今文家制度以王制爲大宗古文家制度以周禮爲總匯讀此二書於

此數書日讀一小時速則三月至遲半年必可卒業然後以讀其餘諸書即不慮其茫無把握 前下加按語並有鄭駁對照尤為明了二陳疏證間有誤處以其時今古文之別尚未大明通義為東京十四博士之說今文學之結晶也五經異義為許愼所撰列舉今古文異說於 也。 學者旣讀前列各書於今古之別已可了然亦但觀其采摭之博可矣。

往往夾雜主觀為說,甚有全出虛構者是為寓而其學問率由口耳相傳又不能無論誤古書之傳於今往往夾雜主觀為說,甚有全出虛構者是為寓而其學問率由口耳相傳又不能無論誤古書之傳於今 古代史書傳者極少古事之傳於後者大抵在經子之中而古人主客觀不甚分明客觀事實 矣。

茫昧皆由主客觀夾雜使然卽可按其學術流別將各家學說分別部居然後除去其主觀成分而

皾

經之

者又不能無闕佚是以隨舉一事輒異說蠭起令人如墮五里霧中治古史之難以此苟知古事之

Ł

焉能 異惟在文字是以知其可信則今文先師既不僞經亦必不僞傳也知之若信古文之學謂今文家所傳之經以別有古經可資核對所 者, 誤故於經傳 籍率多治其學者東鳞西 子 觀 可妄為則二者皆漢初先師所傳經可信傳亦可信傳可偽經亦 卽 否 也。 之即古事之眞相可見矣然則前述分別今古文之法不徒可施之儒家之今古文幷可施之諸 亦 此當於論讀子方法時詳之惟有一端, 字字皆由 字無 無大分別」是也 調言出於孔子之口, 互異者非執經以正 田親筆即謂於 世之尊經過甚者多執經爲孔子手定一 「爪之談 其字字皆由親筆 傳, 並 而弟子記之抑或 卽棄傳而從經。 無有條理系統之作而又皆出於叢殘掇拾之餘 論讀經方法時仍不得不先述及者。 而乳子與其弟子亦同 是以漢人引用, 推 幾視為天 行師 意 八經地義] 者卽必不免有誤哉者謂 可偽也若信今文之學則經皆漢代先 時 字無譌傳爲後學 經傳初不立別崔適春秋復始, 殊不知 人耳焉見孔子自執筆 尼山删 則 -所記不 定實在晚年 則 旣 經難私 傳之與 知 古 発有 為之 代

春秋如

此

即他

經

漢儒引公羊者皆謂之春秋可見當時所謂春秋者實合今之公羊傳而名之」甚

又如孟

子梁惠王下篇載孟子對齊宣王好勇之問曰「詩云王赫斯怒爱整其旅

亦如此太史公自序引易「失之豪釐繆以千里」此二語漢人引者

今其文但見易

以遏徂莒以

一群余謂

不但

篤周: 其助上帝龍之四方有罪無罪惟我在天下曷敢有越厥志。一人衡行於天下武王恥之此武王之 就以對於天下此文王之勇也文王一怒而安天下之民書曰天降下民作之君作之師;

當爲詩書之辭然「一人衡行於天下武王恥之」實爲後人平論之語孟子所引蓋亦書傳文也舉 勇也而武王亦一怒而安天下之民」「此文王之勇也」「此武王之勇也」「句法相同自此以上皆

治經之法,凡有數種(一)即以經為一種學問而治之者此等見解由昔日尊經過甚使然今是難原非必不可以試除然必非一朝所能躁み若有如朱君所云直截了當之法前此治經之人豈皆愚騃無一見及者邪。之有今古說之相持不決者固各有經文為據觀許慎之五經異義及鄭駁可見也決嫌疑者視諸聖久為古人之口頭禪豈有明之有今古說之相持不決者固各有經文為據觀許慎之五經異義及鄭駁可見也決嫌疑者視諸聖久為古人之口頭禪豈有明之有今古說之相持不決者固各有經文為據觀許慎之五經異義及鄭駁可見也決嫌疑者視諸聖久為古人之口頭禪豈有明之有今古說之相持不決者固各有經文為據觀許慎之五經異義及鄭駁可見也決嫌疑者視諸聖久為古人之口頭禪豈有明之有一致為正為不改取立敵共計之法古書中無明文今古文家之傳說一概捐除惟易十二篇書二十九篇詩三百五篇禮以所事餘可類推。近人過信經而疑傳者甚多予去歲辨梁任公陰陽五行說之來歷一文會力辨之見東方雜誌第二十此兩事餘可類推。近人過信經而疑傳者甚多予去歲辨梁任公陰陽五行說之來歷一文會力辨之見東方雜誌第二十此兩事餘可類推。近人過信經而疑傳者甚多予去歲辨梁任公陰陽五行說之來歷一文會力辨之見東方雜誌第二十

諸學非徒力所不及卽能勉強從事亦必不能深造故此法在今日不甚適用(二)則視 已不甚適合又一經之中所包甚廣人之性質各有所宜長於此者不必長於彼因治一 經 經而 為國

加 以整理者此則各本所學求其相關者於經名爲治經實仍是治此科之學而求其材料於古書 齝 證 經 Ż 法

此 法先須於所治之學深造有得再加以整理古書之能乃克有濟此篇所言大概 爲 此 發 也。

知古語 又有因欲研究文學而從事於讀經者其意亦殊可取蓋文學必資言語, 即不知後世言語之根原故不知最古之書者於後人文字亦必不能眞解。 而 言語今古相 經 固 吾 政 最古 承,

之書也。

但文學之為物不重在死法

而貴能領略其美文學之美祇可直覺非但徒

講

無益,

抑

亦

無

不外此。

後世

從講起今姑定一

簡明之目以爲初學

誦

文學根原皆在古書同一熟誦, 誦後世書固 習參考之資蓋凡事熟能生巧治文學者亦 不 如誦古書之有益 而欲精研文學, 則數 十百篇 熟誦

之文字固亦決不能無 也。

監報文而 略其音節之美。 {詩. 及於詩經 此 書近今言文學者必首及之幾視為第 一也詩之妙處在能動人情感。 則 其專門更甚何者四言詩自漢魏後, 一要書鄙意少異韻文視 其道 已窮非專治此 無韻文已覺專門 種文 知 學 者不 其意

其體例或擇所好熟誦之即可之所在二也。請義之所以緊訟莫決者其根原在此若現在故此書除專治古代韻文者外但略以之所在二也。請義之所以緊訟莫決者其根原在此若現在故此書除專治古代韻文者外但略以 易領 而此 書 距今太遠今人讀之實不能 事 九

) 野知

書 書之文學別 爲 體後世 作莊 嚴與重之文字者多放效之若網分之仍有三種

誥。王 之 是。 第 難 通者, 旣 種 四篇文字最美如 後 存 如 周誥 古書原文蓋最多第三 世莊嚴典重 殷盤是(二)次難通者通常各篇皆是(三)最易通者 之文字所從出則亦不可不熟復而 能 熟 誦 更妙禹貢 種則十之八九殆皆孔子以後 一篇爲後世 地志文字體 求其眞了 人所 解洪 例所 爲 如 心此 甘誓收誓金縢諸篇 自出須 範, 出須細看。 書文字雖

₹禮記

周禮

儀禮周禮皆記典制之書不必誦

問又 **說理之文又何一能如戴記之深純乎二者相較左氏恆不如檀弓其餘論事** 文之極則風韻 一書資萃諸經之傳及儒家諸子而 最 有益於文學也。 清 麗。 坊記 獨 絕千古須熟讀。 表 記緇 文王世子文最流 衣三篇為 不 可不擇若干篇熟誦之也今更舉示篇名如下 王制: 類文極淸雅。 極茂美。 成。後。見 暢。 爲今文學之結晶文字亦 文學亦極茂美論翠經文學者多知重左氏而學及小數之制之書不必誦讀但須細看知其體例。凡記述典 禮運禮 以上諸篇皆可熟讀然非謂戴記文字之美 器文最古 儒行文極茂美。 雅。 極茂美可熟讀旣有益 學記樂記, 冠義昏義鄉 文最 檀弓為 深純。 飲 酒義、 一於學 {祭

派

義

郑聘義六

篇爲儀禮之傳文字亦

凯

經

z

法

者塗蓋於此亦非謂 經 子 解 題 吾所指為最美者必能得當更非敢強人之所好以同於我也聊舉鄙意以

供讀者之參考耳。

掛為一 {易 種序跋文之體可一 此 書卦辭爻辭知其體例即 看。 可象辭文言繫辭傳文學皆極美可擇所好者熟

高之。 京

事。寥 左氏之要讀 編年體其文字一 多數語亦 春秋 三傳文字自以左氏為最美其文整齊研練自成風格於文學上關係極巨左氏 有極佳者須細看。 綫相承無篇目不能列舉其最美者大抵長篇詞令敍事 其體例可矣。公羊之文字為傳體乃所以解釋經文與儀體之傳同後人無所釋之經而 公羊為春秋 正宗講春秋者義理必宗是書論文學 最 取為緊要但是 則 短 節 不 如 敍

過,

知

亦穀

亦有極簡潔者如各短章皆是於文學極與章是孟子反發排暴者多然於文學一極 梁文體與公羊同。 孟子 此兩書文極 有益凡書之爲大多數人所習熟者其義理其事實其文法其一平正有極簡潔處亦有極反覆排奡處 反覆排奡者如季氏將伐顧

辭句即不期而爲大多數人所沿用在社會即成爲常識此等書即不佳亦不!

可不

讀,

其為

佳者乎論語孟子為我國極通行之書必不可不熟誦 此外爾雅為訓詁書當與說文等同類讀之與文學無關孝經亦戴記之流但其說理 也。

甚精文字亦不甚美一覽已足不必深求也。

蓋詩書禮樂四者本古代學校中教科而孔子教人亦取之也教類先王詩書禮樂以造土。」論語「子所雅言詩書執禮」 秋蓋今文家以六經爲孔子別作其排列之次序由淺及深詩書禮樂乃普通教育所資玉制「樂正 六經排列之次序今古文不同今文之次為詩書禮樂易春秋古文之次則為易書詩禮樂春 而易與春秋則爲「性與天道」「經世之志」所寄

所據原書時代先後為序愚謂今言整理國故視凡古書悉為史材則通謂六經皆史則非故今從 故其欢序如此也古文家以六經皆周公舊典孔子特修而明之故其排列之次序以孔子作六經 **今文家之次分論諸經原流及其讀法如下。**

詩

詩今文有魯齊韓三家古文有毛鄭玄初學韓詩後就毛傳作箋閒用韓義 詩 (采蘋賓之初筵

十三

粒 解

(詩不 王難鄭紛紛不定至唐修五經正義用毛傳鄭箋而其爭乃息。 過江東韓詩雖存無傳之者於是三家與毛之爭一變而爲鄭王之爭諸儒或申鄭難王或申 皆難 毛。 王肅作毛詩注毛詩義駁毛詩奏事毛詩問難諸書以申毛難鄭齊詩亡於曹魏魯 (王肅之書今亦已亡然毛鄭相違

IE 義中 讀 {詩 第一 申毛難鄭之言實多用王說) 當辨 明之事, ①為詩序、案釋詩之作凡有三種(一)釋詩之字句者如今之毛氏詁

及釋詩義之作今皆已亡(三家詩亦有序見詩古微齊魯韓毛異同論)魏晉而後, 訓傳是也(一) 釋詩之義者如今之詩序是也(一)推演詩義者如今之韓詩外傳是也三家詁訓

毛詩專行者千

疑古多憑 {妄, 乃 於三家始 餘年學者於詩序率皆尊信至宋歐陽修作詩本義蘇轍作詩傳始有疑辭南渡而後鄭樵作詩辨 大肆攻擊朱子作詩集傳亦宗鄭說而集傳與毛鄭之爭又起小序之義誠有可疑然宋儒之 知毛鄭而 遊為說, 如暗中相搏勝負卒無分曉亦不足取 外說詩仍有古義可徵而集傳與毛鄭之爭又漸變而 也清儒初宗毛鄭 而攻集傳後漸搜采及 為三家與 毛之爭時則

有為調停之說者謂詩有「作義」「

誦義」三家與毛所以異同者毛所傳者作義三家所傳者誦義

各有所據而亦兩不相悖也其激烈者則逕斥小序為杜撰毛義為不合二者之中予頗左祖後說。

非偏主今文以事理度之固如是也。 何則詩分風雅頌三體雅頌或有本事可指風則本民間歌謠且無作者可名安有本義可得。

後之說亦多憑臆測度不足為據其傳之自古者凡有四說以為大序子夏作小序子夏毛公合作 以爲子夏首創而毛公及衞宏加以潤飾增益者隋書經籍志也肅說不足信隋志亦系調停之辭。 而今之詩序於風詩亦篇篇皆能得其作義此卽其不可信之處也詩序究爲誰作說極紛紜宋以 者鄭玄詩譜也(正義引沈重說)以為子夏作者王肅家語注也以為衞宏作者後漢書儒林傳 也。

最為近之) 合者(如靜女)且其序文義平近亦不似西漢以前人手筆也 (毛傳之義所以與小序無甚牴牾 所當辨者獨後書及詩譜兩說耳予謂兩說之中後書之說實較可信今毛傳之義固有與小序 者非毛先有序為據乃序據毛傳而作耳序語多不可信決非眞有傳授鄭樵謂其采掇古書而 不

詩序有大小之別今本小序分列諸詩之前而大序卽接第一首小序之下(自「風風也」以詩序有大小之別今本小序分列諸詩之前而大序卽接第一首小序之下(自「風風也」以 十五

縺 子 解 噩

下據正義)小序之不足信前已言之大序亦系雜采諸書而成故其辭頗錯亂但其中頗有與三

教以化之。」又云「上以風化下下以風刺上主文而譎諫言之者無罪聞之者足以戒, 家之義不背者(魏源說見詩古微)今姑據之以定風雅頌之義大序云(風風也教 道衰禮義廢政教失國異政家殊俗而變風變雅 作矣國史明乎得失之迹傷人倫之廢哀刑 也。 故 風 白 紅風。 以 動之,

政之苛吟詠情性以諷其上達於事 變而懷其舊俗者也故變風發乎情止乎禮義發乎情民之性 「一國之事繁一人之本謂之風言天下之

者美盛德之形容以其成功告於神明者也」此其言頌之義者也案詩序言風與頌之義皆極允 事, 也; 惟 形四方之風謂之雅雅者正也政有小大故有小雅焉有大雅焉」此其言雅之義者也又云「頌 止乎禮義先王之澤也」此其言風之義者也又云 其 大其流及上」 大三大小雅則 加則似何 欠明白史記司馬相如傳: 「大雅言王公大人而 德逮黎庶 小雅 譏 小

今詩之所謂風者周南召南邶鄘衞王鄭齊魏唐秦陳槍曹豳,失其流及上」分別大小之義實核今詩序爲優蓋三家義也 凡十五國 周南召南等 為正

「東遷以後王室之尊與諸侯無異其詩不能復雅

風。

之也」(正義善惡皆能正人故幽厲亦名雅平王東遷政遂微弱其政才及境內是以變爲風焉)

又分應鳴至魚麗爲文王武王之正小雅南有嘉魚至菁菁者義爲成王周公之正小雅六月至 十五國之次鄭與毛異據正義鄭譜先槍後鄭王在豳後或系韓詩原第邪 雅之篇數較多故以十篇為一卷其中小雅自鹿鳴起至菁菁者莪止爲正自此以下皆爲變。

羊為宣王之變小雅節南山至何草不黃申毛者皆以為幽王之變小雅鄭則以十月之交以下四 篇為厲王之變小雅大雅自文王至卷阿為正民勞以下為變又分文王至靈臺爲文王之正大雅。

中南陔白華華黍由庚崇丘由儀六篇惟有小序毛詩並數此六篇故詩之總數爲三百十一篇三 大雅雲漢至常武為宣王之變大雅瞻卬召旻二篇為幽王之變大雅(皆見釋文及正義)正小雅 至文王有聲為武王之正大雅生民至卷阿為成王周公之正大雅民勞至桑柔為厲王之變

家無此六篇故詩之總數爲三百五篇小大雅諸詩之義三家與毛有同有異不能備舉可以三家 詩遺說考與毛傳鄭箋對勸也。

頌則三家與毛義大異毛鄭之義謂商魯所以列於頌者以其得用天子禮樂今文家則謂詩

詩

經

以為奚斯作商碩小序以為戴公時正考父得之於周太師 之終以三頭亦春秋「王魯新周故宋」之意乃通三統之義也又魯頭小序以爲季孫行父作三 三家 即以爲正 工考父之作。

赋、 比與三種 詩可指故鄭志「張逸問何詩近於賦比與鄭答謂 雅碩三體而小序增出賦比與謂之六義案此 蓋以附會周禮太師六詩之文然實 孔子錄詩已合風雅頌中難可 新也」(正義章 說

而 兼 作{詩 三體, 尤不 原有此三 可 通矣。 法。 然謂此 北作詩之三法 可與詩之三種 一翻詩, 體 製平列而 豳 · 頤之文案賦者敍事比者寄意於 雅, 豳 桃花 頸 稱六 興 (詩之 義, 而 則 思 (豳) 終屬 及 人 因此故乃, 自 勉 面, 系 強; 則 兩事, 為 叉 奥 詩

停 文家以 **污**郎 牽 合鄭君 以風大小雅頌為四始亦殊不可解。 關雎鹿鳴文王清廟為 學 未嘗 不博立說 四始(見史記 亦 (自有精) 到處然此 蓋魯詩說) 乃以其為風及大小雅 等牽合今古勉強 附 會處 則 實不 頌之首篇 可 從 而小 也。

治詩之法凡 有數種(一)以詩作史讀者此當橫考列國之風俗縱考當時之政治漢書 地 理

鄭頗有異說亦宜博 之名也。 毛鄭甚者憑語 字皆深信 {傳 儒 莫如詩 與爾雅, 立 ·免迁底然詩之作者距今幾三千年作詩之意斷非吾儕臆測可得通其所] 說, 云詩三百篇大抵賢聖發憤之所 此當精研 面 不疑幾即 也(一)以爲文學而 訓 面皆可 說亦宜博考以詩證古史自系治史一法然詩本歌謠託諸比與與質言其事 臆為 計多合實 爲 吾國 譜最爲可貴案漢志此節本 述 疏注博考子部有關動 說其法實未盡善也(一)以為博物之學而治之者論語所謂 附會故用之須極於慎近人好據詩言古史者甚多其弊也於詩之本文片言隻 列 視 國 爲紀事之史不復以爲文辭而於某詩作於何時系因何事, 風 俗, 最古之訓詁書最初言古韻者本自詩入 大同小異蓋三家同 研究之者當先讀疏注明其字句。 (油作) 植物諸書(一)用以證小學者又分訓詁及 劉歆歆及父向皆治魯詩班氏世治齊詩鄭 及其作詩之法詩本文學經學家專 有之義至可信據也 今日言古韻可 何詩當何王時三 多識 可 以義 通加 則 音韻 叉往 於鳥獸草木 據之書, 者 玄 闕 理 家與毛 兩端, 初 其所不 往 有 說 異後 偏

司

可通者是為善讀書若如今人所云「月出皎兮明明是一首情詩」之類羌無證據而言之斷然甚

經

子 解

題

非疑事無質之義

也。

食之使之民間求詩鄉移於邑邑移於國國以聞於天子故王者不出牖戶盡知天下所苦不下堂 m 入民皆居宅男女有所怨恨相從而歌飢者歌其食勞者歌其事男年六十女年五十無子者官衣, 知四方」其重之也如此夫人生在世孰能無幽約怨悱不能自言之情而社會之中束縛重重, 王制述天子巡守命太師陳詩以觀民風何君言采詩之義曰(公羊宣十五年注)「五穀畢 非其

豈有言論自由之地斯義也穆勒羣已權界論(嚴復譯)言之詳矣故往往公然表白之言初 生皆為之傳或取春秋采雜說咸非其本意與不得已魯最為近之」此乃古學家攻擊三家之辭, 人之眞意 可據字句測度即自謂能得作詩之義邪漢書藝文志曰「漢與魯申公為詩訓詁齊轅固生燕韓 學家獨能得之也其實詩無本義太師采詩而爲樂則祇有太師采之之意孔子删詩而爲經, 已肇於班固 而其異意轉託諸謠詠之間古代之重詩也以此夫如是詩安得有質言其事者而 時其後乃采取古書附會詩義而別製今之詩序謂三家皆不知詩之本義而古 則只 亦安

有孔子取之之意耳猶令北京大學編輯歌謠豈得謂編輯之人即知作此歌謠者之意邪三家於

詩間有 則任舉何義皆窒詩義之葛藤實自鑿求其本義始 意 如蓋詩固祇有誦義也以祇有誦義故亦無所謂斷章取義我以何義誦之卽爲何義耳今日以此。 ·誦之明日又以彼義誦之無所不可也以為我誦之之意則任舉何義皆通必鑿指為詩人本義, 一二能指出其作之之人及其本事者(如芣苢柏舟之類)此必確有所據此外則皆付闕 也。

治詩切要之書今約舉如下:

毛詩 注疏 今所傳十三經注疏乃宋人所集刻其中易書詩三禮左穀皆唐人疏疏公羊

能盡滿人意然實多用舊疏爲隋以前 於題宋孫奭寶為邵武士人偽託見朱子語錄其疏極淺陋無 之徐彦時代難確考亦必在唐以前論語孝經爾雅皆宋邢昺疏亦多以舊疏爲本惟孟子 論治諸經當讀之書卽不再舉注疏。 經說之統匯仍不可不細讀也特於此發其凡, 可取耳唐 人所修正義誠不 以後

詩 陳啓源毛詩稽古編 宋人說詩之書甚多讀之不可徧此書多駁宋人之說讀之可以知

經 子 解

馬瑞辰傳箋通釋 陳與詩毛氏傳疏 以上兩書為毛鄭之學。

陳喬樅三家詩遺說考 魏源詩古微 以上兩書為三家之學魏書駁毛鄭有極警快處。

陳氏此書乃十倍之而不止清儒輯佚之精誠足合前人俯首矣。

其立說亦有不可據處魏氏之學通而不精也輯三家詩者始於宋之王應歸僅得一小册。

在以詩作史讀者於詩之地理亦須考究可看朱右會詩地理徵意在研究博物者毛傳鄭 三家之中齊詩牽涉緯說如欲明之可觀迮鶴壽齊詩翼奉學及陳喬樅詩緯集證兩書意

箋而外以吳陸璣詩草木鳥獸蟲魚疏為最古與爾雅毛傳可相參證也。

伏生傳書二十八篇今文家以為無闕劉歆移太常博士所謂「以尚書爲備」也然漢志稱大小夏 尚書真偽最爲紛糾他經惟經說有聚訟經文同異止於文字尚書則經文亦有真偽之分案

頁三甘誓四湯誓五盤庚六高宗肜日七西伯戡黎八徼子九牧誓十洪範十一金縢十二大誥十 又多於鄭今案伏生所傳者堯典一(合今舜典而無篇首二十八字)星陶謨二(合今本益稷)禹 作訓馬融作傳鄭玄注解蓋卽此本然逸十六篇絕無師說馬鄭亦未嘗爲之作注也迨東晉時豫 九篇與今文經同外逸十六篇為十六卷又一卷蓋序也後書儒林傳杜林傳古文尚書賈達為之 安國以今文讀之得多十六篇獻之遭巫蠱之事未立於學官漢志尚書古文經四十六卷除二十 析為三)惟以泰誓為伏生所固有則未必然耳古文家謂書本有百篇魯共王壞孔子宅得之孔 文歐陽章句三十 | 卷則殿本三十字是而二當作一)陳壽祺謂今文書亦有序(左海經辨)序說 章內史梅頤乃獻所謂孔安國傳者,其書凡五十八篇爲四十六卷,其三十三篇與鄭同二十五篇, 多與今文不合說頗難信王引之謂加後得泰誓(經義述聞)說較近之。(大小夏侯合爲一歐陽 二立政二十三顧命二十四(合今本康王之誥)費誓二十五呂刑二十六文侯之命二十七秦誓 三、您誥十四酒誥十五,梓材十六,召誥十七,洛誥十八,多士十九,無逸二十君奭二十一,多方二十

侯經二十九卷歐陽經三十一卷(此厂三十一) 汲古閣本作二十二武英殿本作三十二案志下

挻 子 題

二十八加 後得泰誓則二十九鄭分盤庚為三析康王之誥於顧命又分泰誓為三得多五篇,

篇則大禹謨一五子之歌二胤征三仲虺之誥四湯誥五伊訓六太甲三篇九咸有一德十說命三 十四所謂逸十六篇者其目見於正義鄭又分其九共爲九篇則舜典一,汨作二九共九篇十一大 無秦誓而析堯典之下半為舜典皐陶謨之下半為益稷盤庚分三篇凡三十三其多出之二十 二十原命二十一武成二十二旅獒二十三四命二十四共為五十八篇晚出孔書於二十九篇 十二益稷十三五子之歌十四胤征十五湯誥十六咸有一 (總十七典寶十八伊訓十九肆命

Ħ

第十三泰誓三篇十六武成十七旅葵十八微子之命十九蔡仲之命二十周官二十一君陳二十

个通行之尚書矣(鄭之逸十六篇為此本所無)孔書與鄭異而序則同(正義「馬鄭之徒百 二畢命二十三君牙二十四囧命二十五合之三十三篇共五十八後又加舜典篇首二十八字即

篇之

序總為一卷孔以各冠其篇首亡篇之序即隨其 次居見存者之間。 」)案漢時偽造尚書者尚 有張

霸之百兩篇儒林傳謂其采左氏傳及書敍則書敍亦張霸所 有矣予案東晉晚出之偽書既已不

儲張霸百 兩篇之偽當時即破即博 士所讀後得泰誓亦偽跡顯然馬融疑之極為有見(見今泰

哉然其說亦有所本案璇璣鈴謂「孔子求得黃帝玄孫滯魁之書迄於秦穆公凡三千二百四 普及左襄三十一年疏) 宗見坊記夏訓見左襄四年伯禽康誥見定四年相年見墨子尙同禹誓見兼愛明鬼武觀官刑 文家百篇之說所由防緯說荒怪誠難盡憑然謂孔子删書祇取二十八篇則其說可信謂 篇定可以為世法者百二十篇以百二篇為尚書十八篇為中侯」此蓋張霸之偽所由 百篇之序然則逸十六篇蓋亦難信鄭玄馬融王肅之徒乃並以書序爲孔子作(見正義)豈不繆 詩止三百五篇書只二十八篇原有之詩書則固不止此抑此三百五篇二十八篇者不過孔子删詩止三百五篇書只二十八篇原有之詩書則固不止此抑此三百五篇二十八篇者不過孔子删 未 說 命泰誓嘉禾聚命六篇亦見大傳詳見新學僞經考) 非樂大戰揜誥見尚書大傳大戊見史記殷本紀豐刑見漢書律歷志又書序所有之九共帝告說 類之書傳於後代者必祇二十八篇則未必然何者逸書散見古書者甚多, 必然也蓋孔門所傳之詩書爲一物固有之詩書又爲一物孔子所删七十子後舉奉爲定本者, 者亦多疑之然今佚詩散見羣書者亦甚多謂孔子删詩爲三百五篇則可謂詩止三百五篇 然則博士以二十八篇為備說蓋不誣安有所謂百篇之書更安有 登能盡指爲偽物史記謂古者詩三千餘篇, (尹吉見禮記 託, 緇衣。 m 亦古 所 + 亦 見

二十五

無之理。 傳。 說所 中佚詩佚書之所以多也然則所謂以百二篇爲尚書十八篇中侯者得毋二十八篇之外, 定時 表異之於其餘諸篇邪必因此謂書有百篇而訾博士所傳爲不備則 百篇雖不及二十八篇之美善而亦勝於其餘之三千餘篇故 其所以偽跡雖顯而博士仍附之於經以爲教, 引之逸書則亦未是經與傳之相去本不甚遠後得泰誓誠不能遽比之於經, 所取之數 故删定時雖已刊落講論之際仍未嘗不誦說及之門人弟子乃各著所聞於傳。 (固未必無所取義然必謂在此外者卽與此三百五篇二十八篇大) 非真識不如馬融 孔子於删定二十八篇之後又特 也東晉晚出 過矣然幷謂 之古文書雖屬 其不 固不 相懸殊亦屬決 妨 足齒於 此今古籍 又有數 附益

於

傳

+

作古文尚 疑 之朱子語錄於此 亦多有古書為據逸十六篇未知是否此 東晉 書疏證, 晚出之僞孔傳唐孔穎達作正義原有疑詞然此後迄 書亦嘗致疑明梅黛作尚書考異乃明斥其偽然所論 從客觀方面加以證明而此 類抑或真然 書之僞乃定然尚未得其主名迨丁晏 爲古之逸書 無人提及宋吳棫作書稗傳乃始 要其亡佚則 證, 尙 不 基確清 因可惜· 作尚 閻若璩 矣。

造

論乃證

明其爲王肅所造焉初學欲明此一重公案者宜讀閻丁兩家之書(一)爲用考證

方法

攻擊偽書言之成理最早之作(一)則累經考究後之定論也此書雖屬偽造亦多有古書為據爲

之一一抉其出處者則爲惠棟之古文尚書考。 書集注音疏(一)孫星衍尚書今古文注疏是也江書早出搜采未全孫書較備其時今古文之派 晚書之偽旣明考索漢儒書說之事斯起其中搜輯舊說爲之作疏者凡有兩種(一)江聲尙

別尚未大明誤以司馬遷爲古文實爲巨謬然其蒐輯願備學者於今古文派別自能分明作材料

看可也段玉裁古文尚書撰異左袒古學立說頗偏王鳴盛尚書後案則專為鄭氏一家之學然二 古文最力者為魏源之書古微駁詰頗爲駿快而立說亦或不根與其詩古微同搜采今文經說者, 書鉤梭搜采俱頗詳密亦可參稽其後今古學之派別漸明乃有分別古今及搜考今文之事攻擊

() 尚書中禹貢一篇為言地理最古之書歷來注釋者獨多蓋不徒有關經學抑且 有 關 史 部 略 中

為陳喬樅今文尚書遺說考。

之地 也惟其書兼蒐並蓄初非專門之學若求確守漢學門戶者則焦循禹貢鄭注釋成蓉鏡禹貢班義 理矣胡渭禹貢錐指一書蒐考最博初學可先讀一過因讀此一書卽可見古今衆說之崖……

二十八

/ 通最好

書、 春秋同為古史所謂左史記言右史記事言為尚書事為春秋是也然既經孔子删

修,

則

堯舜禪讓之事見於孟子大傳史記者皆以爲廓然公天下之心然百家之說與此相反者不 楚乃能明經義之旨而亦可 又自成其爲經而有孔門所傳之經義經義史事二者互有關係而又各不相干必能將其分 見史事之眞否則糾纏不清二者皆病矣个試舉堯舜 禪讓 之事 爲例。 析清 可勝

實多茫昧之詞如今村夫野老之說曹操諸葛亮李世民趙匡胤但彷彿知有此人耳其事 舉究何所折衷哉予謂九流之學其意皆在成一家言本非修訂古史而春秋戰國 時 所傳古 跡 則 事, 亦 強

半附會也 我注腳」原不謂經意本如此 事實既非眞相功罪豈有定評百家著書乃各就己意取爲證佐此猶 也堯舜禪讓之事百家異說姑措勿論。 即就儒書 考辨 後人謂 如 慕之不得 經

然則孟子大傳史記所傳蓋非其事之眞 其死(見癸已類稿奡證)及共工驩兜蘇皆在四岳之列(見宋翔鳳尚書略說)其 發揮己意後人亦時有之如蘇軾以李斯在悖歸罪首卿謂「其父殺人報讎其子必且行劫」豈真 相特孔門之經說耳託之空言不如見之行事借史 事亦 實 有 事以 可

委曲變化從世好者其為人尤可畏」意亦猶此然則孟子大傳史記之言當逕作經義讀不 好為是深文哉心疾夫高言異論之徒聊借此以見意也姚鼐駁之謂「人臣善探其君之隱一以 ·必信

例不可此則讀書之所以貴方法也今更就眞書二十八篇各示其概要如左 除去其主觀之成分以求之此則又所謂互有關係者矣欲除去主觀之成分固非通知其書之義 為史事此所謂各不相干者也然古代史籍既已不傳欲知其事固不得不就百家之說披沙揀金, 堯典包(今本舜典惟須除去篇首二十八字) 此篇記堯舜之事首記堯所行之政來記堯

又以政任益」蓋旱陶伯益之於禹猶舜之於堯禹之於舜也 半為舜典則堯典記堯事不終矣此篇關涉歷法巡守刑法可考古代典制。 大學引此篇謂之帝典蓋以其兼包堯舜之事也逸十六篇別立舜典之目已非偽孔卽割此篇下 舉舜命之攝政及舜攝政後所行事又次記堯之終舜之踐位及舜踐位後所行之政終於舜之死。 星陶謨(包今本益稷) 此篇記馬星陶伯益之事史記云「馬即位舉星陶授之政星陶卒

此篇記禹治水之事先分述九州次總敍名山大川又次記五服買賦之制地志書之

可信者當以此爲最古矣近人或謂此篇必非禹作途目爲僞然傳書者本未云堯典必堯時史官

作禹貢必禹自撰也此等辨偽之法幾於無的放矢矣(參看論讀子之法)

此篇記啓伐有扈戰於甘之誓辭墨子謂之禹誓古人蒙祖父之號者甚多不足疑

也。

盤庚(今本分為三篇) 此篇爲湯伐桀時誓辭。 此篇爲盤庚自河北徙河南時誥下之辭史記謂在盤庚卽位後序

疏引鄭注謂在盤庚相陽甲時。 降不祥恐喝其下可見殷人之尚鬼。

此篇可考古者「詢國遷」之制篇中屢以乃祖乃父及我高后將

高宗肜日 此篇記武丁祭成湯有飛雉升鼎| 耳而呴祖己訓王之詞。

西伯戡黎 此篇記紂太師 此篇記文王滅黎祖 少師勸微子去紂之語。 伊恐奔告於討之事可見滅黎一役於商周興亡關係甚大

用之兵。{*牧誓 此篇為武王與紂戰於牧野時之誓辭篇中庸蜀羌蒙微瀘彭濮人云云可考武王所

此篇記箕子告武王以天錫禹之洪範九疇乃我國最古之宗教哲學書也說雖近

迷信然講古代之哲學宗教者不能離術數古代之術數實以此篇爲統匯(此篇所陳之數與易 數亦相通故宋後易學之講圖書者又有「演範」一派)欲考古代哲學宗教者不容不究心數亦相通故宋後易學之講圖書者又有「演範」一派)欲考古代哲學宗教者不容不究心 也。

公請以身代武王有瘳後而崩成王幼周公攝政二叔及武庚叛周公東伐之二年而畢定初成王 此篇記武王有疾周公請以身代及雷風示變之事案史記謂克殷後二年武王病周

以須君之察己成王不悟盡執其族黨逮有雷風之異乃感悟迎周公歸歸而攝政焉。 王禮改葬之(今文家說皆如此可看今文尚書經說考)鄭玄則謂管叔流言周公避居東國待罪 泣反周公周公卒成王葬之不以王禮於是有雷風之異成王開金縢得周公欲代武王之說**,** 少時亦嘗病周公亦請以身代而藏其策於府成王親政後人或譖周公周公奔楚王發府見策乃 (見詩豳譜 乃以

及七月鴟鴞束山序疏及禮記明堂位疏)案鄭說殊不近情蓋此篇「秋大熟」以下與上文非記 時之事而鄭誤合之也(孫星衍之說如此)

此篇為周公伐殷時語辭篇中之「王」鄭以為周公攝政踐王位自稱偽孔以為代成 二十二

撻 解 題

王立言於古代攝政之制頗有關係。

此篇誥康叔以爲政之道。 此篇亦語康叔可見當時法邦酗酒之甚及周治之刑法之嚴。 此篇為封康叔語辭多涉刑法可考古代典制。

召 語 此篇記周召二公卒營洛邑之事。

此篇爲洛邑成後周公誥戒成王之語。

此篇亦周公告戒成王之語篇中歷舉殷代諸王及文王享國長短共和以前古史年 此篇為成周旣成遷殷民誥之之辭。

無

代之可考者以此為最可據矣(堯典記舜之年適足百歲即不可信) 君奭 多方 此篇為周公致政後告成王之語述當時官名甚多亦可考古代典制。 此篇爲成王滅奄後歸誥多方之語。 此篇為周公攝政時告召公之語篇中多引般及周初賢臣可考古代史事。

顧命(合今本康王之誥) 此篇記成王歿康王立之事可考古代大喪及即位之禮所述陳

列器物亦可考古代重器。

費誓 此篇爲伯禽伐淮夷誓辭。

此篇記穆王改定刑法之事言古代刑法者以此篇爲最完具。

書序與今文說不合即此可見。 文侯之命 此篇史記以爲城濮戰後周襄王命晉文公之辭書序以爲平王命晉文侯之辭。

此篇為秦穆公勝晉後誓衆之辭秦文之可考者當以此及石鼓文詛楚文為最古矣。

吟楽時物訊較可信馬作見北京大學國學季刊第一册 分楽時物訊較可信馬作見北京大學國學季刊第一册

史亦未安也故附論之於此(就鄙見此書入子部兵家最妥) 人後人編甲部書者亦多收之(清正續經解尙然)又有入之乙部者然古代經子而外實無所謂

个之逸周書漢志列之書家說者因以為孔子删書之餘其實非書之倫也特以此說相沿已

三十三

經 漢志祇稱周書說文示字下引之始稱逸所引見今本典篇然隋志繫之汲家後人有信之者 子 題

諸書亦不列周書名」 弱束晳傳載汲郡人不準所得竹書七十五篇具有篇名無所謂周書杜預春秋集解後序載汲冢 有辨之者亦有調停其說謂此書漢後久晦得汲冢本乃復明者四庫提要云「晉書武帝紀及荀 則辨之者是也漢志七十一篇師古注存者四十五然史通言 「周書七十

古所見又闕其三 闕少蓋即知幾所見之本然篇名具存而書則已闕十一篇矣至孔晁注則今僅存四十二篇較師 篇目凡得七十陳振孫書錄解題謂「此書凡七十篇敍一篇在其末」則今本篇名較之漢志並未 周書八卷並列師古所見蓋即孔晁注八卷本不全知幾所見則蒙汲家名之十卷本無闕 章上自文武下終靈景」不言有闕則唐時所傳蓋有 兩本故唐志以汲冢周書十卷與孔晁注 心令本

為漢志之舊然漢志自注曰「周史記。 明堂月合論謂周書七十一篇月令第五十三篇數與漢志合篇第亦同今本似今本 」師古引劉向日「周時誥誓號命也」今本非誥誓號命者,

實

偽託何者莊生有言聖人之法以參爲驗以稽爲決一二三四是也周室之初箕子陳疇周官分職, 引个固多散見各篇之中謂爲可信則羣書所徵引爲今本所無者亦復不少(朱右曾本輯之)諉 晉兩篇是又有可決爲原書已亡而後人以他書補之者如殷祝篇是)謂其不可信則 漢書食貨志王莽下詔謂「樂語有五均」今樂語已亡而五均之別實見本書之大聚五均者抑幷 則 為史記周本紀所本世俘篇記武王狩禽及征國服國俘馘俘寶玉之數跡似殘虐然與孟子所言 皆以敷紀大致與此書相似」今此書書亡篇中有箕子安知其不與洪範相出入克殷度邑兩篇, 為盡在亡篇之中似亦未安也朱右曾曰「此書雖未必果出文武周公之手要亦非秦漢人所 極類尚書者如商誓祭公兩篇是)亦有全不類尚書而類周奏諸子且極平近者 **黎之政亦管子輕重之倫也吾國之兵家言固多涉及治國其記周事之篇特多者著書託古古人** 杵」之語是此書確可稱為尚書之類也然如武稱允文大武大明武小明武武順武穆武紀諸篇 周公相武王滅國者五十驅虎豹犀象而遠之」隱相符合孟子自述所見武成問亦有「血 明 明爲兵家言文傳後半文字極類管子開塞爲商君之術(參看論商君書)亦已見本篇中又 (如官人太子 羣書所徵

類然亦或誠有所祖述今六韜卽如此豈能附之書家乎然則此書入之子部兵家實最安 三十六 也。

除數篇外皆樸茂淵雅決非漢後人所能為所述史蹟尤多為他書所不見實先秦舊籍中之瑰寶 此書隸之書家雖擬不於倫然全書中涉及哲理及論治道治制之處皆與他古書相 類文字

矣。 此書傳本譌謬甚多盧抱經始有校本其後陳逢衡有逸周書補注朱右曾有逸周書集訓

{釋。 遵守法度乃可以和衆而聚人。一切賞罰教化之事皆合羣所必須而亦無不當準諸天然之理者 剪封命訓常訓文酌所以化民然序實不足信不拘可也此數篇之意大約言法度原於天理必能 度訓第一 命訓第二 常訓第三 文酌第四 據序自此至文傳皆文王之書度訓欲以

羅匡第五 此篇述成歲儉歲饑歲行事之異可見古者視歲豐耗以制國用之規。

也理極精深文頗難解。

允文第七 大武第八 大明武第九 小明武第十 此五篇皆兵家言甚精。

大匡第十一 此篇言荒政。

此篇記文王被囚命三卿守國誥以治國之道。

程典第十二

程將第十三

泰陰第十四

九政第十五

九開第十六

劉法第十七

文開第十八

以

文王自知將死誥太子發之語也。 保開第十九 八繁第二十 此八篇亡 上五篇為文王受命作豐邑後事酆保為命公卿百官之語大小開皆開示後人之語文儆文傳則 酆保第二十一 大開第二十二 小開第二十三 文徽第二十四 文傳第二十五

至四十六皆武王之書此四篇爲武王即位後與周公講論治國之道其以武名篇者我國兵家言。 柔武第二十六 大開武第二十七 小開武第二十八 寶典第二十九 據序自二十六

酆謀第三十 **語** 一 第 三 十 一 此兩篇皆謀伐商之事。 固多涉及政治也。

武順第三十二 武穆第三十三 前篇言軍制後篇言軍政亦兵家言之精者。

三十七

經 題

和寤第三十四 武寤第三十五 克般第三十六 世俘第三十七 此四篇記武王克商

之事事跡多可與他書互證或補其不備世俘篇原第四十朱本移前與克殷相次。 大匡第三十八 文政第三十九 此兩篇記武王在管之事上篇東隅之侯受賜於王王誥

之下篇管蔡以周政開殷人。

大聚第四十 此篇記武王克殷後問周公以徠民之道述治制甚詳。

意極與書類。 商響第四十三 箕子第四十一 此篇記武王周公圖建洛邑之事較史記為詳。 **蒼德第四十二** 誓讀為哲此篇記武王告商諸侯之語先稱商先哲王次數紂之惡終述己 **耆德序作考德此兩篇亡。**

殘缺祇寥寥數語五權為武王疾篤告周公之**齡** 度邑第四十四 武儆第四十五 成開第四十七 據序自此至五十九爲成王周公之書此篇爲成王元年周公開告成王之 五權第四十六 此兩篇記武成相繼之事武儆篇蓋記立成王爲太子而

作維第四十八 皇門第四十九 此篇記周公會羣臣於皇門誥誠之之語。 此篇記周公克殷後營建洛邑之事。

八戒第五十 此篇亦周公陳戒成王之辭。

周月第五十一

時訓第五十二

月令第五十三 序云「周公正三統之義作周月辨二

與戴記月令同蓋戴記月令實合此書之時訓月令二篇為一也周月篇末言「夏數得天百王所與戴記月令同蓋戴記月令實合此書之時訓月令二篇為一也周月篇末言「夏數得天百王所 周雖改正以垂三統「至於敬授民時巡守祭享猶自夏焉」文體與前不類且此爲儒家學說,

十四氣之應以明天時作時訓制十二月賦政之法作月令」今月令篇亡時訓記二十四氣之應

同。

蓋後人以儒書竄べ也。 崇文總目有周書月令一卷則月令在宋時有單行本

明堂第五十五 與小戴記明堂位篇略 同。

三十九

嘗麥第五十六 此篇記成王即政因嘗麥求助於臣篇中多涉黃帝少昊五觀之事可以考 經 子 題 贼, 掩 賊

爲藏竊賄爲盜盜器爲姦主藏之名賴姦之用爲大凶德有常無赦在九刑不忘」昭六年叔向 更又云「命大正正刑害九篇」案左文十八年季文子言周公制周禮「作誓令日毀則為 鄭書注以五刑五加流宥鞭扑贖爲九刑) 子產書亦曰「周有亂政而作九刑」則九刑確為周時物得毋即此刑書九篇邪

(周禮司刑疏引

官人第五十八 本典第五十七 此篇記周公告成王以觀人之術文極平順。 此篇記成王問周公對蓋與上篇相承。

祭公六十 史記第六十一 王會第五 十九 此篇記祭公謀父誨穆王之語文體亦極似尚書。 此篇記穆王命戎夫主史朔望以聞借以自鏡說如可信則史官記注之事, 此篇記八方會同之事列舉四夷之名甚多考古之瑰寶

已久而人君之知讀記注亦由來已久矣篇中歷舉古之亡國多他書所不詳亦考古之資也 職方第六十二 同周官職方。

由來

此篇記厲王失道芮伯陳諫之辭。

五窮叔譽懼歸告平公反周侵邑師曠不可請使與子晉言知其不壽其後果驗頗類小說家言。 太子晉第六十四 此篇記晉平公使叔譽於周太子晉時年十五叔譽與之言五稱

而叔譽

王佩第六十五 此篇言王者所佩在德故以爲名皆告戒人君之語。

青大傳略同蓋原書已亡妄人意此書爲尚書之類遂取大傳之涉殷事者補之也。 殷祝第六十六 此篇蓋亦陳戒之語以哲學作成格言極爲雋永 此篇記湯勝桀踐天子位事與周全無涉與下篇亦絕不類御覽八十三引

武紀第六十八 此篇亦兵家言。 周视第六十七

銓法第六十九 此篇言明器可考喪禮。 此篇言用人之道。

器服第七十

禮記 大戴禮記 周

儀禮

機禮

禮部

大製禮部

周禮

經

周禮儀禮禮記今日合稱三禮案高堂生所傳之禮本止十七篇卽今儀禮是為禮經周禮 ·亦得比於傳耳然今竟以此三書幷列而周禮一書且幾駕儀禮

上之其故何耶? 稱周官與孔門之禮無涉禮記

戴德戴聖慶普皆其弟子三家立於學官禮古經者出於淹中及孔氏學七十篇(當作十七篇)文 紫漢書藝文志謂「禮自孔子時而不具漢與魯高堂生傳士禮十七篇記孝宣世后倉最!

士禮 相似多三十九篇及明堂陰陽王史氏之記所見多天子諸侯卿大夫之制雖不能備猶 而致於天子之說」劉歆譏太常博士「國家將有大事若立辟雍封禪巡守之儀, 則 **癒倉等推** 幽 冥而

莫知其原〕此為古學家求禮於十七篇以外之原因蓋護今學家所傳為不備也主今學者 篇羣書時見徵引(注疏中卽甚多)信今學者悉指 警察之解不足爲今學病也其說良是然謂十七篇即 十七篇中惟冠昏喪相見為士禮餘皆天子諸侯卿大夫之制謂高堂生所傳獨 十七篇真乃殘缺不完之物則又似不然也此其說又何 爲劉歆偽造似亦未足服人然謂高堂生所傳 已備 如耶? 一切之禮則 固有所不能逸禮三十九 有 士醴乃古學家 日中

孔門所傳之禮經爲一物當時社會固有之禮書又爲一物孔門傳經原 不能 盡天下之

周禮之全實僅據王朝 悉爲偽物 亦不必盡天下之禮以所傳之經不能盡天下之禮而詆博士其說 則亦未是也邵懿辰云「周官大宗伯舉吉凶賓軍嘉五禮其目三十有六後人以 施於邦國者言之諸侯卿大夫所守不及悉具亦揭其大綱而 固 非然必謂 博 已古無以吉、 士所傳以外 此為

凶賓軍嘉為五禮者乃作周官者特創此目以括王朝之禮而非所語於天下之達禮、、、 體時日喪祭射鄉冠昏朝聘與大戴禮經篇次悉合(見後)禮運亦兩言之特鄉皆誤爲御 也天下之達 耳後世

所謂禮書者皆王 可舉以教人也孔子所以獨取此十七篇者以此八者為天下之達禮也」(邵說 朝邦國之禮而民間所用無多卽有之亦不盡用官司所掌民 有老 見禮 死不 經 知不 通

此 制定非惟勢有不能抑亦事可不必故治禮所貴全在能明 系約畢其意) 原不必盡備 案此 其篇章漢博士於經所無有者悉本諸義以爲推事並 說 最通禮 原於俗不求變俗隨 時而異隨地而殊欲舉天下所行之禮, 其義能 明 其義則 不誤古學家之譬之乃曲 「禮之所無 可 以

四十三

儀禮

禮部

大戴禮部

周行

斯義

也必謂十七篇之外悉皆偽物其誤亦不辨自明矣然此不足為今學家病,

四十四

h

經

家於十七篇以外之禮問亦未嘗不參考也。 夏以前今禮記中屢稱「記日」疏皆以爲舊記公羊僖二年傳亦引「記曰脣亡則齒寒」則記蓋社 固有所 馬遷謂五帝德帝繫姓儒者或不傳) 傳及儒家諸子而成其說是矣然今禮記之前確已有所謂記喪服之記子夏爲之作傳則必在子 不關於經 經後學釋經之書謂之爲傳此乃儒家通稱猶佛家以佛所說爲經菩薩所說爲論; 則卽后倉等推士禮而至於天子之法亦卽所謂「禮之所無可以義起」由後之說則儀禮正義所 會故有之書既非孔子所修之經亦非弟子釋經之傳也此項古籍在孔門傳經固非必備(故司 謂「凡記皆補經所不 何以言之案个之禮記究為何種書籍習熟焉則不察細思即極可疑孔子删定之籍稱之曰 不能該此項未盡之事或本諸義理以為推致或酌采舊禮以資補直均無不可由前之說, 者則可入諸儒家諸子從未聞有稱為記者故廖平康有為皆謂今之禮記實集諸經之 備」是也諸經皆所重在義義得則事可忘禮經固亦如此然禮須見諸施行, 而亦足爲參考之資何者孔子作經貴在明義。 也其自著書 至於事例則

苟有舊禮以供采取參證事亦甚便此禮家先師所以視記獨重也然則所謂禮記者其初蓋禮家

裒集經傳以外之書之稱其後則凡諸經之傳及儒家諸子爲禮家所采者亦遂槪以附之而舉蒙

个禮記中之奔喪投壺鄭皆謂與逸禮同則逸禮一 記之名矣然則經傳以外之書博士固未嘗不搜采劉歆譏 類之書二戴固非不見也。 其「因陋就寡」實乃厚誣君子之辭矣

至於周禮則本為言國家政制之書雖亦被禮之名而實與儀禮之所謂禮者有別故至後 世,

也周禮究為何人所作說者最為紛紜漢時个學家皆不之信故武帝謂其瀆亂不驗何休以為六。 寫漢末鄭學大行此經邃<u>跨禮經之上後人議論大抵不出三派(一)以稱其制度之</u>詳密謂: 陰謀之書惟劉歆信為周公致太平之迹東漢時賈逵馬融鄭與與子衆皆治之而鄭玄崇信尤 者卽判然異名周禮一類之書改名曰「典」儀禮一類之書仍稱為「禮」如唐六典及開元禮 非周

公不能為。 立法必求詳盡行之自可分先後周官特有此制不必一時盡行以爲調停者今案此 所述 (二)則訾其過於煩碎不能實行謂非周公之書(三)又有謂周公定之而未嘗行; 門所傳其制度看似精詳實則不免矛盾。 (如康有為謂實行周官之制 書事迹

經 則 終歲 多相 餞禮 從事於祭且猶不給是也見所著官制議)故漢武謂其濱亂不驗何休指 即語自非孔 禮記 大戴禮記 周醴 四十五 爲六國陰謀說

制然 度與周官最相類管子實合道法縱橫諸家之言固所謂陰謀之書矣故此書與儒家禮經實屬了, 實極確濟亂即雜凑之謂正指其矛盾之處不驗則謂所言與羣經不合也古書中獨管子所述制 (法) 惟有刑法其後乃逐漸分析行政法典成立尤晚惟中國則早有之周禮是也周禮固未必周 無干涉亦必非成周舊典蓋系戰國時人雜采前 貴正 固 之全一則孔子纂修特掇拾於煨燼叢殘之後則合所不必合而其說亦必不可通矣。 理所 此書雖屬瀆亂亦必皆以舊制為據劉歆竄造之說大昌於康有為而實始於方苞苞著周官 亦必有此理想者所成則中國當戰國時已有編纂行政法典之思想矣」(見所著淸國 為經禮禮經 在於此初不必託諸周公舊典亦不必附合孔門禮經所謂合之兩傷雕之雙美必如 施行當二千餘年前 必 無則固足以考見古制矣此書雖屬虛擬之作然孔子删定六經垂一王之法亦未嘗身 爲曲禮(見禮器「經禮三百威儀三千」注)一爲周公舊典足該括夫顯 而有如周官之書其條貫固不 此典制成之日本織田萬曰「各國法律 可謂不 詳規模亦不 可謂不大此 最初皆 無創制 鄭玄指 書之可 公所 行政

次則一至三為冠昏四至九為喪祭十至十三為射鄉十四至十六為朝聘十七喪服通乎上下且 此篇實傳故附於末也。 **《** 養禮篇次大小戴及劉向別錄各有不同今本之次系從別錄然實當以大戴為是依大戴之 篇名 士相見禮 鄉飲酒禮 大戴 十四 小戴 七十六 五. 四 別錄 五 四

禮託

大製禮部

周禮

四十七

注腳爲欲明其義乃並	不免徒滋紛擾者即以	醴之節文不可信	有司徹	少牢饋食禮	特性饋食禮	士虞禮	110分禮	土 喪 禮	喪服經傳	製	公食大夫禮	超子解題
考其事耳然以經作	以拘泥節文故故今	行於後世而其原理	九	八	七	六	五	M	十七七	十六	十五五	
史讀則又不然禮原	日治禮當以言義理	則今古皆同後世言	十二	<u>+</u>	† =	十 五.	1	八	九	十七	十六	
腳爲欲明其義乃考其事耳然以經作史讀則又不然禮原於俗故讀古禮最可考見當時社會	免徒滋紛擾者卽以拘泥節文故故今日治禮當以言義理者爲正宗而其言節文者則轉視爲	禮之節文不可行於後世而其原理則今古皆同後世言禮之說所以迂闊難行必欲行之即	十七	十六	五五	十四	十三	+ -	+-	+	九	四十八

之禮 形禮經十七篇皆天下之達禮尤爲可貴如冠昏喪祭之禮可考親族關系宗教信仰射鄉朝聘 可考政治制度外交情形是也而宮室舟車衣服飲食等尤為切於民生日用之事後世 史家,

情

記載亦罕在古代則以與禮經相關故鉤考者衆事轉易明(說本陳澄見東塾讀書記)尤治史學

者所宜究心矣。 至治周禮之法則又與禮經異此書之所以可貴乃以其為政典故前已言之故治之者亦宜

簡易及俗之所習人人能自製者)制度與後世逈異今可考見其情形者以此 從此留意周官六官前五官皆體制相同惟冬官闕以考工記補之案古代工業大抵 書為最詳 在官。 亦 (除 可 寶 極

也。 乃割製之以補冬官其說無據不足信也) (周禮有冬官補山一派其說始於宋愈庭椿之周禮復古編謂五官所屬在六十以外者

古禮二百四篇爲八十五篇謂之大戴禮戴聖删大戴禮爲四十九是爲小戴禮後漢馬融盧 禮記是 也。 經典釋文敍錄引劉向別錄「古文記二百四篇」又引陳邵周禮論 大戦禮部 周醴 序: 戴德

今禮記

凡四十九篇正義引六藝論曰戴德傳記八十五篇則大戴禮是也戴聖傳記

四

十九

植,

氏二十一篇此 諸家同 {記 無沙軍體司馬法為班氏所入封禪議對漢封禪羣配議奏皆漢時物故惟古封禪羣配 封禪奉祀二十二篇凡二百七如隋志說月令明堂位樂記三篇為馬融盧植後加則 也然此二百四篇中百三十一篇實爲个學不得概云古文記) 子後學者所記 為四十六馬融足月令明堂位樂記為四十九」今案漢志禮家記百三十一篇班氏自注 此 橋仁季卿者曹襃傳「父充治慶氏禮·襃又傳禮記四十九篇慶氏學遂行於世」則禮記 四 十九篇後漢書橋玄傳「七世祖仁著禮記章句四十九篇」仁卽班氏儒林傳所謂 外禮家之書曲臺后倉乃漢師所撰中庸說明堂陰陽說皆說周官經周官傳別為一書與禮 異附戴聖篇章去其繁重及所敍略而行於世即今禮記是也」隋志則謂「 即所謂「禮古經出淹中多三十九篇及明堂陰陽王史氏記」者。 也」(案其中實有舊記此說未盡合見前)此爲今學又明堂陰陽三十三篇王史 然樂記正義又引劉向別錄 (見前) 正二百四也。 戴聖删大戴 小 可以 更加古 戴 一一七十 四 授梁 が謂禮 十九 相

加

篇實小戴慶氏之所共

去而篇數則仍相同今禮記中曲禮檀弓雜記皆分上下實四十六篇四十六加八十五,

抑又何耶案陳邵言馬融盧植去其繁重

而不

更言其篇數

明 有所

增

亦

有

ΙE

百三百

戴記哀公問投壺皆全同小戴苟去此二篇篇數卽不足八十五安得謂小戴删取大戴乎不知今 十一然則此百三十一篇者固博士相傳之今學無所謂删古記二百四篇而爲之也或謂今之大

則出自舊傳固不容疑也。 之大戴記無傳授可考前人即不之信(義疏中即屢言之)雖爲古書必非大戴之舊然語其篇數,

重然社會情形由此可以備觀欲考古代風俗者此實其好材料也。 為可貴然其書編次錯雜初學讀之未免茫無頭緒今更逐篇略說其大要禮記為七十子後學之書又多存禮家舊籍讀之旣可知孔門之經義又可考古代之典章實 **曲禮上第一下第二 此篇乃雜記各種禮制明其委曲者故稱曲禮凡禮之節文多委曲繁**

國時人此篇有仲梁子故然檀弓二字特取於首節以名篇非謂此篇卽檀弓所記或謂檀弓卽仲 檀弓上第三下第四 此篇雖雜記諸禮實以喪禮爲多檀弓疏云六國時人以仲梁子是六

王制 此篇鄭氏以其用「正」決獄合於漢制又有「古者以周尺」「今以周尺」之言謂其出 弓亦無確證:

也。

儀禮 禮部 大戴禮記 周禮

經

為夏殷以資調停則愈善附會而愈不可通矣細看此篇注疏便知鄭氏牽合今古文之誤此自治 知孔子所定之制與歷代舊制判然二物乃可以讀諸經若如鄭注凡度制與周官不合者卽強指 代之法以成一王之制本不專取一代故經傳所說制度與周官等書述一代之制者不能盡符必 今此篇中固多存諸經之傳(如說制爵祿為春秋傳巡守為書傳)盧說是也孔子作六經損益前 於秦漢之際盧植謂漢文令博士諸生所作案史記封禪書「文帝使博士諸生刺取六經作王制」

亡, 然秦以十月為歲首已在呂不韋之後則鄭說亦未可憑要之古代自有此等政制各家同祖述之, 以其出於周書鄭玄則以其命多不合周法而太尉之名九月授朔之制實與秦合指爲出於呂覽。 |而時訓所載節候與此篇不異蓋此實合彼之兩篇為一篇也蔡邕王肅以此篇為周公作蓋卽月令第六 此篇與呂覽十二紀雅南時則訓大同逸周書亦有時訓月令二篇今其月令篇 又頗以時制改易其文耳。

學之法當然非有門戶之見也。

曾子問第七 此篇皆問喪禮喪服多可補經所不備。

文王世子第八 此篇凡分五節(見疏)可考古代學制刑法世子事父之禮王族與異姓之

殊。 之治實孔門最高理想「夫禮之初」一節可考古代飲食居處進化情形下文所論治制亦多非春 此篇多古文說。 禮運第九 禮器第十 此兩篇頗錯雜然中存古制及孔門大義甚多如禮運首節述大同

之可見古代之政教不分所記各節尤可見古代卿大夫之家生活之情况也。 內則第十二 此篇皆家庭瑣事而篇首云「后王命家宰降德於衆兆民」令宰相以王命行內則第十二 此篇皆家庭瑣事而篇首云「后王命冢宰降德於衆兆民」令宰相以王命行 郊特性第十一 此篇在禮記中最為錯雜大體論祭祀而冠昏之義皆錯出其中。

帝之別明見於經者惟此一處而已論禮意處尤爲純美。

秋戰國時所有蓋皆古制也禮器云「因名山以升中於天因吉土以享帝於郊」昊天上帝與五方

即可見其傳授之久也。 明堂位第十四 玉藻第十三 此篇多記服飾一篇之中前後倒錯極多可見禮記編次之雜因其編次之雜 此篇記周公攝王位以明堂之禮朝諸侯與周書明堂篇略同。 篇中盛誇

禮記

大製體部

周禮

傳也。 魯得用王禮又曰「君臣未嘗相弑也禮樂刑法政俗未嘗相變也」鄭玄已譏其誣此篇蓋魯人所

之。 少儀第十七 喪服小記第十五 鄭云「以記相見及薦羞之小威儀故名」少小二字古通也。 大傳第十六 此兩篇為記古代宗法最有條理之作蓋因說喪服而及

為君故師也者所以學爲君也」此篇蓋皆爲人君說法然其論教育之理則極精。 樂記第十九 此篇凡包含十一篇見疏論樂之義極精荀子呂覽諸書論樂者多與之複蓋

學乎」又曰「古之王者建國君民教學爲先」下文又云「能爲師然後能爲長能爲長然後能

此篇皆論教育之法涉學制者甚少篇首卽云「君子如欲化民成俗其必由

學記第十八

雜記上第二十下第二十一 此篇雜記諸侯以下至士之喪事。 喪大記第二十二 此篇記人君以下始死小斂大斂及殯葬之禮

相

傳舊籍

也。

祭法第二十三 此篇記虞夏商周四代之祀典極有條理

治國平天下義可一貫也。 古代之哲學此外會子論孝之語及推論尚齒之義皆可見古代倫 經解第二十六 祭義第二十四 此篇論詩書樂易禮春秋之治各有得失六藝稱經此爲最早矣下文論禮 祭統第二十五 此兩篇皆論祭祀祭義中孔子與宰我論鬼神一段可考 理以 家族爲之本故修身齊家,

之語頗同荀子。 之書也哀公問篇前問政後問禮仲尼燕居篇記孔子爲子張子貢子游說禮樂孔子閒居篇則爲 子夏說詩皆反覆推論詞旨極為詳盡 哀公問第二十七 仲尼燕居第二十八 孔子閒居第二十九 此三篇文體相類蓋一

家

坊記第三十 此篇論禮以坊民列舉多事爲證。

三語可見惟中間論舜及文武周公一節暨「凡為天下國家有九經」」節太涉粗迹疑亦他篇簡 中庸第三十一 儀禮 禮部 大戴禮部 此篇爲孔門最高哲學讀篇首云「天命之謂性率性之謂道修道之爲數 周禮 五十五

經 子 解

錯也。

表記第三十二 鄭云「此篇論君子之德見於儀表者故名」

比物以飾節」意林引公孫尼子「樂者先王之所以飾喜也」皆見今學記意林引子思子十餘條, 中庸表記坊記緇衣皆取子思子樂記取公孫尼子今案初學記引公孫尼子「樂者審一以定和 繼衣第三十三 以上四篇文體相類釋文引劉藏云「緇衣爲公孫尼子作」隋書音樂志謂

見於表記再見於緇衣則隋志之言信矣。

問喪第三十五 奔喪第三十四 此篇記居於他國聞喪奔歸之禮鄭云此篇與投壺皆為逸禮見疏。 服問第三十六 閒傳第三十七 三年問第三十八

此四篇皆釋喪禮

之義及喪服輕重所由實亦儀禮之傳也。 深衣第三十九 此篇記深衣之制深衣為古者天子達於庶人之服若能深明其制則其餘

此篇記投壺之禮爲古人一種游戲。

投壺第四十

五十六

儒行 第四十 此篇 記孔子對哀公列舉儒者之行與墨子非儒荀子非十二子等篇 對看

可

見當時 大學第四 所 謂 +== 儒者之情形。 此篇 論學以治國之理與學記篇合看可見古代學 與政相 關。

生。 此 門義第四十八 冠義第四 吾所以云今日治禮當以言義理者爲主言節文者爲 十三 此六篇皆儀禮之傳但讀禮經諸篇 骨義第四· + 四 鄉飲 酒義第四十五 殊覺 注 腳 其乾燥無 射義 也。 第四 味。 讀其傳則 燕美 第四 覺妙緒環

十七七

德記已謂爲今戴禮 喪服 今之大戴記雖未必為戴德之舊然其中有若干篇則確 四制 第四十九 說 是也此書隋志作十三卷司馬貞言亡四十七篇存者三十八篇。 此篇 亦喪服之傳 也。 為大戴所有如許愼

五經

異義

者實 引盛

德記 堂之名宋時諸本 三十九篇蓋由夏小正 已析為 俄禮 兩故 禮部 也此 篇 大戴禮部 題遂或重七十二或重七十三或重七十四四庫校本仍合之篇題 書盛德篇中 篇賞摘 問體 狗出別行之故中與**對** 論 明堂之處古書徵引皆稱爲盛德篇, 書目郡齋讀書志謂存 者四十 不 知何 時 篇 析 則 亦皆校 今存 出 因 别 其 時盛 標

崩

經子解買

具見四庫書目提要。

戴德舊本闕佚後人取諸書足成之也漢志所載曾子十八篇孔子三朝記七篇今多存此書中不 此書哀公問投壺兩篇篇名及記文皆同小戴已見前此外尚有同小戴及諸書處具見下蓋

知為大戴之舊抑後人所為記本篡次古籍以備參稽思其闕不思其雜此書雖非大戴原本然所

愧色非如以周書與尚書並列之擬不於倫也舊注存者十四篇王應縣困學紀閒謂出盧辯事見 采皆古籍其功用亦與禮記無殊史繩祖學齋呫畢謂宋時嘗以此書與小戴並列稱十四 [經藏無

王言第三十九 此書今自三十八篇以上皆亡。 此篇記孔子閒居曾子侍孔子告以王天

周書說蓋可信。

下之道亦頗涉治制。 此篇與家語大同 小異。

₹公問於孔子第四十一 此篇同小戴哀公問家語亦襲之而分大昏問禮 哀公問五儀第四十 禮三本第四十二 此篇略同荀子禮論。 此篇記孔子告哀公人有五等與荀子家語略同

第四十六 四十三至四 \mp 五闕。 此 篇 同 小戴 經解及 賈誼 新

時存 禮祭 夏 有 小 夏小正則 {正 第 四十七 此 篇確 此篇 為古 與 書也北史魏 周 書周月篇· 孝武 大同 释奠太學部中書舍人盧景宣講大戴 小戴 記禮 運工孔子曰吾得夏時焉。

鄭

謂夏

注:

禮

夏

小

(正, 南 北 朝時此篇確 在 本 書中隋志夏小正 卷戴德撰則隋 時 有 朔 行 本矣。

保傅第四十八 此篇 書分 為傅職保傅 容經胎教四篇案此

證蓋 **曾子天圓** 父母 祖述之也。 曾子立事第四 第五 第五 一十八 士三 十九 曾子 漢書藝文志 制言上第 曾子本: 奥漢書賈誼傳疏同新 有曾子十八篇。 孝第五 Ŧī. 十四中 + 曾子立孝第 第五十五 朱子曰世稱曾子書取大戴 下第 五 五十六 + 曾子大孝第五十二 曾子疾病 + 篇充之晁公武 第五 十七 本古制 會

天圓篇 郡齋 二篇皆恐懼修省之意 讀 書志 儀禮 單居離問於會子曰天圓而 陳振 禮記 孫 大戴禮記 書錄 與他書載曾子之言意旨相 解題皆云曾子二卷十篇 周醴 地方者誠有之乎曾子曰如誠 **始合大孝篇同** 何具大戴蓋漢十 志原 小戴祭義立孝事父母 天 書之亡人矣立事制言疾· 員 而地方則是四 意 一角之不 亦 相

同。《病

五十九

經 解 題

齊色此成人之善者也未得爲人子之道也」或謂小戴曲禮上篇「若夫坐如尸立如齊寶與此 **陽二力萬法皆本於陰陽頗同淮南子天文訓。** 亦以理言也)非以體言古代天文家無不言地圓者亦不待此篇爲證也下文論萬有皆成於陰 掩也」近人皆取之為我國早知地圓之證然天圓地方本以理言, 事父母篇「若夫坐如尸立如齊弗訊不言言必 (猶言天動 地靜然天動地靜

篇文同而下文脫去鄭注讀夫如字乃卽就脫文釋之也。 武王踐阼第五十九 此篇記師尚父以丹書詔武王武王於各器物皆爲銘以自儆前半亦

人以對子頁見孔子孔子又告以伯夷叔齊諸賢人之行略同家語弟子行。 衞將軍文子第六十 此篇記衞將軍文子問子貢以孔子弟子孰賢子貢歷舉顏淵、 中雅諸

五帝德第六十二 帝繫第六十三 前篇略同史記五帝本紀後篇蓋同世本奏五帝本紀

與炎帝戰於阪泉蚩尤戰於涿鹿據索隱引皇甫證集解引張晏說二者又皆在上谷事尤可疑今 既謂「軒轅之時神農氏世衰諸侯相侵伐弗能征」又謂「炎帝欲侵陵諸侯」其詞未免矛盾黃帝

此篇只有與炎帝戰於阪泉之文更無與虽尤戰於涿鹿之說炎帝姜姓虽尤九黎之君。 (書呂刑

等處古書誠隻字皆至寶也。 民為九黎之君之貶稱非謂人民也)三苗亦姜姓得毋炎帝蚩尤實 6.孔傳釋文引馬融說戰國秦策高誘注) (1) 苗民亦九黎之君 (小戴記緇衣疏引呂刑鄭注此 人阪泉涿鹿實

役耶?

勸學第六十四 千乘第六十七 盛德第六十六 子張問入官第六十五 此篇 此籍論治國之道有同王制 此篇前半論政治後半述明堂之制略 略同荀子後半又有同荀子宥坐篇 論官人之道, 略 同家語。 處。 同家語五刑執轡

此 下

四篇及

小辨用兵少閒困學

記聞

四代第六十八 文王官人第七十一 虞戴德第六十九 此篇 同 逸周書。 語志第七十 此三篇亦論 政治。 即孔子三朝記。

儀禮 遷廟第七十二 禮記 大戴禮部 諸侯戮廟第七十三 周醴 此兩篇亦逸禮之類後篇在小戴雜

小辨第七十四 經 3 解 題 此篇戒「小辨破言小言破義小義破道」發明「主忠信」之旨。

亂人妄用以喪身與呂覽淮南之說相似實儒家論兵宗旨所在也(參看論彼二書處) 用兵第七十五 少開第七十六 此篇論分民以職之道與法家消息相通。 此篇言人生而有喜怒之情兵之作與民之有生以俱來聖人利用而弭亂

也」可見公冠禮自古有之特以非達禮故孔子定禮經不取之耳然仍在二戴記中解此可無訾 朝事第七十七 公冠第七十九 投壺第七十八 同小戴而少略。 同小戴聘義周官典命大行人。 此篇述諸侯冠禮後附成王漢昭祝辭士冠禮「公侯之有冠禮夏之末造

今文家所傳之不備亦不必盡斥古文家之逸禮爲僞造也。 中叉有論及男女之義處叉有一段同喪服四制蓋古代倫理亦原本哲學故連類及之也。 本命第八十 易本命第八十一 此兩篇為古代哲學推究萬物原本一切以數說之但其本命第八十

體之爲物最爲繁瑣欲求易明厥有二法(一)宜先通其例通其例則有一條例爲憑可以

治政制度者則周禮重於儀禮其中攀犖大端如沈彤之周官祿田考王鳴盛之周禮軍 張皋文儀禮圖最便動作可以身演阮元發其議陳禮嘗行之(見東塾讀書記)可法也若喜考究 任大椿深衣釋例二書最要器物必參看實物動作必目驗實事乃更易明古物不可得則宜看圖互相鉤考不至茫無把握矣看凌廷堪禮經釋例最好。〈一〉宜明其器物之制江永儀禮釋寫法 中賦說等皆

可參閱考工記關涉製造戴震有考工記圖阮元又有車製圖考(考工記於各種工業最重 三禮舊疏皆好淸儒新疏儀禮有胡培鞏之正義周禮有孫治讓之正義惟禮記無之然古書 車。

傳通解即準此例而作江永之禮書綱目沿用其例而後起更精多足訂正通解之失不可不一閱傳通解即 皆編次錯雜任學一事皆散見各處鉤稽非易通貫自難實當以類相從另行編次朱子之儀禮經 也若朱陳祥道之禮書則該貫古今更爲浩博淸秦蕙田五禮通考蓋沿其流卷帙太繁非專

醴 者但資翻檢足矣。 禮記之注以宋衞湜禮記集說搜采爲最多宋以前諸儒之說禮記者今日猶可考見皆賴 此

書之存也清杭世 懺禮 禮託 上酸續禮 大戴禮記 記集說搜采逮於清初亦稱浩博然卷帙太巨且中多空論未免泛濫 周禮 六十三

經

歸初學欲求簡明讀淸朱彬禮記訓纂卻好此書參考博而頗能反之於約也大戴記久譌舛淸盧 文弨戴震始釐正其文字其後汪照有大戴禮注補孔廣森有大戴禮記補注王聘珍有大戴禮記

也晉王弼之學亦出漢古文家然舍數而言理宋邵雍劉牧之徒則又舍理而求諸數惟程頤 言易之書不外理數兩派漢之今文家言理者也今文別派京氏及東漢傳古文諸家言數者

言理

不言數古个易學之大別如此而已。

傳所載田何傳王同周王孫丁寬齊服生王同傳楊何郎司馬談所從受易丁寬傳田王孫田王孫傳施 漢今文易立於學官者四家施孟梁丘及京氏是也漢書儒林傳謂「要言易者本之田何」據

隱孟喜梁丘賀授受分明本無異派也然傳又云「丁寬至洛陽復從周王孫受古誼」周王孫與寬

同學於田何安所別得古誼而寬從受之已不免矛盾矣質傳又云「從京房受易房者楊何弟子

爲延壽易卽孟氏學霍牧白生 也房出為齊郡太守賀更事田王孫」房傳云「受易梁人焦延壽焦延壽云嘗從孟喜問易房 易孟喜授 不肯皆曰非也」 則糾紛彌甚案喜傳「得易家 候

然京房傳言「4 黨延壽獨領 東海安得此 變書許言師 得隱士之說託之孟氏不相與同」 田生且 事博士缺衆人共薦喜上聞喜改師法遂不用喜」則喜蓋首爲異說以 成帝時劉向校書考易說以爲諸家皆祖 一死時枕喜膝獨傳喜同門梁邱賀疏通 則又似孟氏之學本無異說而為京房所 田何楊 證明之日田生絕於施讎手中時喜歸 叔丁將軍大 誼 略 同惟京氏 變亂 依託者令 陰陽災 師 法者。 為 異

費氏易者其學顧多言象數實與京氏 無章句徒以彖象繫辭十篇文言解說上下經」則其學亦應舉大誼不雜術數然鄭玄荀爽 專言陰陽災異正 其後術數之學寝盛乃一 與京氏同蓋漢初易家皆僅舉大誼不但今文如 切附會經義不徒今文之京氏然卽古文之高氏亦然矣東漢傳費氏 為同黨何哉蓋古文易又有高氏高氏 此, 初出之費氏古文亦 亦無 章 句, 而 傳 倘 言 如 其

賀初學於京氏丁寬更問於田王孫蓋亦造作之詞也漢古文易傳於後者爲費氏傳云「費氏易

案京氏易學專言災異實出於中葉以後丁寬當景帝時安得有此劉向

謂為

偽託

說

蓋

H

信。

梁邱

易

絚

之舊此 易者蓋特用其古文之經。漢志芸「劉向以中古文易經校施孟梁丘經或脫去「無咎」「悔至其說則 所以王弼 亦治費氏易而其說顧與鄭荀諸家判然不同也孟易嫡傳厥惟虞氏然三 **外非費氏** 國志

傳孟氏易說蓋亦非孟氏之舊矣。 載翻奏謂 前人通講多玩章句雖有秘說於經疏閱」 此實虞氏叛孟氏之明證今所

東漢易學至王齊而一變列學亦出費氏然與鄭荀等大異能舉漢人象數之說一掃而空之。

主鄭江南行王至唐修五經正義用王氏而鄭易亦亡唐李鼎祚作周易集解獨不 蓋還費氏以象象繫辭說經之舊不 可謂無廓清摧陷之功也自是以後鄭王之學並行大抵河 宗王而 取 漢

北

至於宋代則異說又與宋儒言易附會圖書其學實出陳摶, 而又分二派(一)為劉牧之易數

之說所蒐輯者三十餘家後人得以考見漢易者,

獨賴 此

書之存

而

已。

鉤隱以九為河圖十為洛書(一)為邵雍說正相反後邵說盛行 而劉說則宗之者頗希程

邵說為易外 懋竑謂考諸文集語類多相牴牾疑爲後人依附然自此圖附於本義後圖書之學又因之盛 別傳所著易傳專於言理朱子學出 於頤所作易本義亦不 沙圖 學而 卷 首

顧

附以九

頣

獨指

奇論亦著圖書原舛編而要以胡氏書爲最詳核以此書與惠棟之明堂大道錄並證頗可考見古今術數之學之大略也始於元陳應潤應潤著爻變義藉始指先天蕭圖爲道家修煉之術明清之際黃宗義著易學象數論宗義弟宗炎著圖書辨惑, 行者數百年至於明末疑之者乃漸多至清胡渭作易圖明辨而圖書爲道家之物說乃大明 自此以後漢易大興舍宋人之象數而言漢人之象數矣。

而皆合乎? 在儒 專門之學非深研古代哲學者可以不必深究。 見今者易義旣隱亦或因數而易明也然則象數之說在易學雖非正傳固亦足資參證矣惟此為 之舊易且亦不能斷言孔門之易決不雜象數之談即謂孔門之易不雜象數而數顯易徵理藏 代卜筮之書之易則固未嘗不通於數術吾儕今日原不必執言但者孔門之易而不考三代卜筮 說皆與易不合則不可西諺云「算帳祇怕數目字」漢宋象數之說果皆與易無關, 儒易說其初蓋實止傳大義陰陽災異之說不論今古文皆爲後起已述如前宋 家並無授受經濟儒考證亦已明白然謂漢初本無象數之說圖書亦無授受之徵則可謂 從來治易之家言理者則詆言數者為誣問言數者則詆言理者爲落空平心論之皆非 淮南子。蓋古代哲學導源宗教與數術本屬一家其後孔門言易庸或止取大義然為三參看論蓋古代哲學導源宗教與數術本屬一家其後孔門言易庸或止取大義然為三 人之圖 何以能 實出道家 也。漢 推之

其

為 誰 作及共分篇若何頗有異說漢志「易經十二篇施孟梁丘三家」師古曰「上下」 「上下象上下象上下繁文言說封序卦雜卦」是也然法

言問神謂

易損其一一論衡正說謂孝宣時河內女子得逸易一篇隋志亦述其事而又云得三

紫餅」字皆指卦餅爻餅言之太史公自序引今紫餅之文謂之易大傳據

篇案个繫辭中屢有「

繁就

其本

刊

去程傳途失本義原次清修周易

·折中用宋咸淳吳革刻本仍分為十二篇

伏

羲

「畫卦」見於繁辭故無異說。

至一

重

卦

則說者紛紛。

E

阿以爲伏羲自重

鄭玄以為

孫盛以爲夏馬史遷以爲文王卦辭爻辭鄭學之徒以爲文王作馬融陸續之徒以卦辭

相

傅

舊本漢志謂施孟、

章句亦皆

二篇

亦 其

證也然自東漢以後皆以分十二篇者為古本。

時修五經大全以本義析入程傳後士子厭程傳之以分十二篇者為古本。三國志高貴郷公紀博士淳宋呂

如

其

說,

重定之朱子作本義即用其本明

卦蓋亦非漢

釋文王肅本繫辭實有傳字个繫辭中多有「子曰」字明系後學所爲王肅本是也說卦序卦,

初所有故隋志以爲三篇後得然則今本以卦爻辭及彖象合爲上下二篇蓋實漢

師

梁丘經即十二篇其說蓋誤志載各家易傳皆二篇惟丁氏八篇亦施孟梁丘

及十翼放十二篇。

十翼者易正義云

題

前既云 魔障耳清儒治漢易者以元和惠氏爲開山武進張氏爲後勁江鉤考。可用惠氏易若求深造則象數之說亦不可不通說已見前惟 然即以卦爻辭並爲文王作則不以連山歸藏爲有辭也。義歸藏爲汝帝鄭玄則謂夏曰連山殷曰歸藏周曰周易, 縱經 次序之謂猶上文所謂「序書傳」初 者即從此三家入手可也漢儒易學自唐修五經 屬十篇與以卦辭爻辭爲文王周公作者同一無確據而已要之易本卜筮之書其辭 孔子删定亦不必出於自爲疑事 讀易之法可分精粗二者言之者求略通易義可但觀王注程傳以易本文與周秦諸子互相 後得則必不出孔子史記孔子世家云「 為周公作至十翼 輯出其書 有周易述二十一卷易漢學八卷易例二卷九經古義中涉易者亦不少明 則並以爲孔子作無異論 不以爲自作漢志乃云「 無質不必鑿言撰造之人可也。 孔子晚而喜易序黍緊象說卦文言。 IE. 張氏為後勁江都焦氏則為異軍蒼 義後久微惠氏乃以李鼎 **수案繫辭為傳說卦等三篇後** 孔氏 仍須與哲學之義不背不 爲之象象緊辭文言序卦之 藏三日周易」杜子春以連山為氏周禮「大卜三易」日連山二日歸 祚 集解 頭初 必 爲 序之云者, 主, 之自古, 參以 學讀易 得 可 堕入 已見

堂大道錄

書實亦爲易而作書日答問入之禮家非也。

(惠氏書多未成周易述

種其弟子江

六十九

藩 有周易處氏義九卷處氏消息二卷易禮二卷易事二卷易言二卷易候一卷又有周易鄭氏義二 有補四卷)漢儒易學各有家法惠氏搜輯雖勤於此初未能分別至張氏乃更有進張氏之書,

本有許 說且於漢儒說之誤者能加以駁正通釋一書自求條例於易立說亦極精密誠精 卷荀氏九家義一卷易義別錄十四卷始分別諸家明其條貫而於虞氏尤詳亦以集解 略之不同也焦氏書曰周易章句十二卷易通釋十二卷易圖略八卷焦氏 心之作也予謂 不墨守漢人成 府存諸家說,

古書深得屬辭比事之法。易通釋則統合全書求其條例皆治學最善之法也學者循其門逕不第 學與古代社會究有何等關係已可了然易微言將易經中哲學名詞一一逐條抄出更附以他 坐大道錄舉凡古代哲學與術數有關之事悉集爲一編可作古代宗教哲學史讀讀一過則於此堂大道錄舉凡古代哲學與術數有關之事悉集爲一編可作古代宗教哲學史讀讀一過則於此 書中惠氏之明堂大道錄及其周易述中所附之易微言及焦氏之易通釋三種尤須先讀。 種 {明

春秋

可以讀易并可讀古代一切哲學書矣。

| 春||秋 書凡有三傳告以公羊穀梁爲今文左氏爲古文自崔適春秋復始出乃考定穀梁亦

爲古文。

數千之指乎春秋蓋史記舊名韓起遊魯見易象與督春秋見左昭二年孟子曰「晉之乘楚之韓就魯之春秋一也」 安在哉太史公曰「 事 記事之書讀則其文相同者其義亦相同讀毛奇齡之春秋屬辭比事表已盡春秋之能事矣安得 則齊桓晉文其文則史其義則丘竊取之矣」 **春秋之記事固以左氏為詳然論大義則必須取諸公羊此非偏主今學之言也孟子曰「其春秋之記事固以左氏為詳然論大義則必須取諸公羊此非偏主今學之言也孟子曰「其** 春秋文成數萬其指數千」今春秋 若如 後儒之言春秋僅以記事則孟 全經僅萬七千字安得云數萬且 子 所 謂 若 皆作 義

事宋春秋記兩觀率事燕春秋記莊子儀事亦皆謂之春秋。國異名而春秋則此類書之通名也墨子戴周春秋記杜伯 議朝 北燕伯 記孔子修之有改其舊文者如莊七年 m 問 以其傳則· 政譏評人物乎聖人「義不訓上知不危身」託魯史之舊文傳微言於後學蓋實有所不得 於陽 未知己之有罪焉爾」是元封建之時文網尚密私家講學尤爲不經見之事况於非 」一條是也故子女子曰「以奏秋爲春秋」 氮元 星隕如雨」一條是也有仍 孔子修之則實借以示義魯春秋之文明見禮記坊 傳日「心 m 定哀多微辭主人習 不改者 如昭 十二年

經 子 解

題

也曷足怪哉。

易與春秋相爲表裏蓋孔門治天下之道其原理在易其辦法則在春秋也今試就元年 春王

之也不言公言君者所以通其義於王者春秋託新王受命於傳故因以錄即位。 日「<u>春秋</u>變一為元元者氣也無形以起有形以分造起天地天地之始也故上無所繫而使 先言王而 正月一條舉示其義案傳曰「元年者何君之始年也春者何歲之始也王者孰謂謂文王 後言正月王正月也何言乎王正月大一統也公何以不言即位成公意也」 明王者當繼天奉 何君解詁 也。 曷爲

也統者總緊之辭王者始受命改制布 故上繁天端方陳受命制正月故假以爲王法不言諡者法其生不法其死與後王共之人道之始 位以落侯之卽位正竟內之治諸 元養成萬物春者天地開闢之端養生之首法象所出四時本名也文王周始受命之王天之所命, 國之始政莫大於正始故春秋以元之氣正天之端以天之端正王之政以王之政正諸侯之卽 侯不上奉王之政則不得即位故先言正 政施教於天下莫不一一繫於正月故云政教之始即位 月而後言 即位政不由

王出則不得為政故先言王而後言正月也王者不承天以制號令則無法故先言春而後言王天

不深正 所繫不可不察也」案中國古代哲學最尊崇自然力此項自然力道家名之曰「道」儒家謂之曰 元」参看論讀春秋「元年春王正月」之「元」即易「大哉乾元萬物資始乃統天」之「元」為宇 |其元則不能成其化故先言元而後言春五者同日並見相須成體乃天人之大本萬物之

宙自然之理莫知其然而然祇有隨順更無反抗人類一切舉措能悉與之符期爲今人所謂「合

理」人類一

切舉 措

而悉能合理則

更無餘事可言而天下大平矣然空言一切舉措當合理甚易,

擬定條例 究竟合與不合姑措勿論而欲考見孔子之哲學必不能無取乎是則正極平易之理非怪迂之談 世反之正莫近於春秋」曰「萬物之散聚皆在春秋」也物事古 蓋以爲自亂世至太平世之治法皆已畢 實指何種舉斯為合理則難從現在不合理之世界斬至於合理之世界其間 則 **心更難春秋** 書,蓋 即因 此而作故有據亂升平大平三世之義二百四十年之中儒家 · 具故曰「春秋曷爲終乎哀十四年曰備矣」曰: 春秋之為書如 切舉措一一為之 此。 其 所 說之義, 撥亂

公羊一 曹自有古學後乃抑之與左穀同列並稱三傳其實前此所謂 春秋者皆合今之經與

經

氏公

中

白

也。

公羊傳 解詁系 儒疏 摘出 儒之治今學其始 公羊者有孔廣森之通義及陳立之義疏陳書校勝於孔以孔於今古文家法實未 者 石耳漢儒 而言之崔適春秋 依 日: 胡母生條例今學家之書傳於後者當以 詩無達詁易無達占春秋無達 言春秋者於齊魯自胡母生於趙自董仲舒今仲舒書存者有春秋繁露 和必自春秋 復始考證甚詳其實諸經皆然今之儀體中即 入蓋有由也繁露 例。 凌曙 有注康有為春秋董氏學條理極明可合看清此為最完矣。 伏些書傳關佚更甚於繁麗韓詩懂存清 蓋文字古疏今密著書之體例 今之所 謂 春秋經 者乃從公羊 何 明

秋 可 無 疑過泥於例而 為欲惜以示義原不能無義例然欲如後人 **董子** 頭 穀梁雖亦古學然其體 緒 特不 當過泥耳欲明公羊條例 背自古相傳之義 例實與公羊為近公羊先師 非所宜 者 也然初學 宜 讀劉 之詳密則必不能若必 逢 一治春秋 禄 有子沈子穀梁 公羊何氏釋例崔適 必先 略 崩 一一磨勘則三傳 來亦有之其 其例, 春 乃覺 秋 亦然孔子作春 復始 百有 大義 雖 把握, 之例皆有 兩 不 書。 如 不 公 至

羊之精然今公羊之義實亦闕

III

不完凡有經無穀梁

既有

先師之說

亦足以資參證

也。

范寧集解自

經,

此自晉

序於三傳皆加詆諆謂

當藥所滯擇善而從若擇善靡從卽並舍以求宗據理以通

又駁注 楊 經 新 士 法, 勣 已開 疏 啖 稱 趙三傳東閣之先聲矣。 寧 别 有略例 百餘條今皆不見蓋已散入疏中清儒治此經者柳興宗穀梁大之先聲矣。范注壓有駁注之處見傳四年及文二年傳元年「護舊琴」一事注

義述許桂林穀梁釋例兩書最好

者甚 左氏 西少或有經 至左氏 《不傳春秋。 書則 illi _ 無 源傳或有傳 杜 與公羊大異孔子之修春秋, 預 謂 其「或先經以起事 而 無 經。 傳全不釋經 或後 必取其義說已見前今左氏 夫傳以 經 以終義 解經, 或依 既不 經以辨 解經何 理 謂 之傳? 或 書則釋春秋 錯 故漢 經 以合 博 異。 之 士

相 乃 曲說也。 發明由 漢書劉 [是章句義理備焉] 此 歌傳: 初左氏傳多古字古言學者 語實最 可疑傳本釋經, 傳 何待歆引曰「 訓 詁 m 已及敵治左氏引傳文以 歌引以解, 則傳 解經, 之本 轉

释 굸 左丘 左丘 | 經 明矣故信今學 ||一之]|一章出古論齊魯論皆無之見崔適論語足徵記。||明下文左丘明無自明字乃後入所加論語「左邱明恥 m 無左丘明今之左傳蓋劉歆據國語 者以此經 為 劉歆偽造謂「大史公報任安書左丘 所編 今之國 云 國 語 語, 不云左氏傳 則劉歆編 英明, 則 左傳 本 之餘 有國 厥 有 語 也。 國 語。 而 其 無 云 左氏傳, 左丘不 說

七十五

之義不存於左氏左氏之事足以考春秋

則持平之論

國左語氏

定要之左氏為史春秋為經春秋

皆以爲孔子之制作古學家乃推諸 釋 香鄭 经。 經之條貫必 衆 買達 服 出於傳傳之義例總歸 虔許惠卿等皆引公穀之例 周公杜預以「凡五十為周公 於凡」於是左氏 以釋 之至杜預 ___ 書始 乃自立 垂 離 公穀 法 醴 史書 例謂 m 直舊章 仲尼 獨立矣今學習 -專 修 邱 從 明 **小說六經** 之傳。 而 阴

古學之功臣也釋例一書已散 其書不書先書故書不言不稱書曰之類乃爲孔子變例。 即漢 **警左氏之專用杜義亦唐定正義後始** 治左氏 者亦不 如 此 也。欲 入疏 考杜 中仍別 以 然前 前 有單行之本此可考見杜氏一家之學耳不獨 左氏注, 此 主 可看 賈服諸家者與 _ 洪亮吉春秋 而六經出周公之說益 杜 左傳 相 攻頗 計,李 甚。 完密 劉 胎 炫 德 矣。杜 規 買 過 非 服 春秋 **汁**輯 預 亦

有名今之孔疏往 往襲劉規過之詞轉以申杜劉文淇舊疏考證將今疏中襲用舊疏者一一

頗足考見孔疏以前之舊疏 也。

事表兩書事緯係紀事本末體讀左氏時參檢之可助貫串大事表一書將至書事迹分門別類, **列為表若網在網有條不紊尤必須一讀不獨有裨於左兼可取其法以讀他書耳惟以左氏** 考年月事迹世系後儒治此亦多注重史事其中最便考索者當推馬驢左傳事緯顧 書本祇可作史讀故杜氏治此卽於史事極詳釋例而外又有世族譜盟會圖長歷以 棟高 [春秋大

讀亦有不可不知者兩端(一)則左氏記事多不可信前人論者已多無待贅述(二)則左氏 但取 足說 明經義而止前已言之左 作

氏則不然故其記事之詳十倍公穀且皆核為可信如邲之戰:亦有須參證公穀乃能明白者公穀述事本為解經故其所述 據左氏則先以和誑晉繼乃乘夜襲之實不免於譎詐公羊之說蓋雜以解經者之主 郊之戰據公羊楚莊王幾於堂堂之陣 觀矣。

之旗;

然左氏云「晉人或以廣除不能進楚人基之脫扃少進馬旋又基之拔旆投衡乃出顧曰: 大國之數奔也」當交戰之時而教敵人以遁逃以致反為所笑殊不近情。 而 故有訓惎為毒以惎之 吾不如

絚

斷

句考然如此則晉人顧曰之語不可解矣必知公羊「還師以佚晉寇」之說乃知莊王此役雖

亦終夜

能 有聲」之語蓋亦見莊王之寬大杜注謂譏晉師多而其將師不能用殆非也此則非無考公羊不 蓄謀以敗晉軍而初不主於殺戮故其下得教敵人以遁逃然則「晉之餘師不能軍宵濟 而 言 其國愈 ·春秋而不知公羊之條例其事乃眞不近情理即如春秋所記諸侯盟會前半皆寥寥數國愈後 明史事之眞幷不能明左氏者矣舉此一事餘可類推世之不信公羊者每謂其不近情理其實 宋人之治春秋別爲一派其端實啟於唐之啖助趙匡二人始於三傳皆不置信而自以意 多若撥藥公羊之義即作爲史事讀豈春秋諸國其初皆不相往來者乎。

三傳亦與啖趙同而其用意則又各異宋儒所著之書以孫復之春秋尊王發微胡安國之春秋傳 讎之義欲激其君以進取意有所主不專於說經也明初頒諸經於儒學皆取宋人之注以胡氏學 展送取其書學者乃並三傳而稱爲四傳焉宋人講春秋者多近空談既未必得經之意於史 最著孫書專主尊攘蓋亦北宋時勢始然胡傳本經筵進講之書時直 文啖趙皆未嘗著書其弟子陸淳著春秋集傳纂例春秋微旨皆祖述啖趙之說宋儒之不守 南宋高宗故尤發揮大復

事 亦鮮所裨益非研究宋學者可以不必措意

孟子 爾

詩書贈易春秋乃漢人所謂五經論語孝經漢人皆以為傳。孝經雖蒙經孟子在儒家諸子中爾 論語 雅

子取禮記中之大學中庸以配論語孟子乃又有四書之名經與傳之別自西漢專門之學亡後實 {雅 則漢 人所輯之訓詁書也自朱代以此諸書與五經三傳及小戴禮記合刻乃有十三經之名朱

四書之名定自朱子懸為命申則始元延祐然漢志禮記之外有中庸說二篇隋志 有 戴顋 {r

庸說 錄解題有同 之未免意氣 二卷梁武 用事。 馬光 帝有中庸講 宋禮鄭韻略所附條式元祐中即以論孟武士則尊孟亦不始朱子矣又朱子所 大學中庸廣義各一卷亦在二程 則醴記外有別 之前王安石最尊孟子司馬光晁公武 行 本, 卻 非議

論語

孟子

孝經

七十九

耳。

經

子

亦 甚 好。注 朱子 書以大學論語孟子中庸為次後人移中庸於大學之後則專以卷帙多少論 朱子注四書大學分經傳與倒原次中庸雖無與倒分章亦不從鄭氏故皆謂之章句論孟子於四書皆有注乃一生精力所萃其於義理誠有勝過漢儒處不可不細讀也。欲窺宋學之 生精力所萃其於義理誠有勝過漢儒處不可不細讀也。

能 而 則聚衆說為之注解故稱集注朱子注此四書之意別著或問以發明之然其後於集注又有改定, 盡 (或問 不得據或 語有魯論齊論及古論之別魯論篇次與今本同齊論別有問王知道二篇二十篇中章句 於大學外未及重編故或問與四書注頗多牴牾文集語類中有言及注四書之意者亦不 問以疑四 [書之注 也。

論

魯論 蔓附以: 集解盛行於世卽今十三 就魯 頗 多於魯論古為 論篇章 同張禹受魯論於夏侯建又從庸生王吉受齊論擇善而從號曰張侯論已亂齊魯之別鄭玄 義 理者梁疏後亡佚迄清代乃得之日本焉古論云有孔 考之齊古爲之注則并齊魯古三者之別 **論**云 出孔壁分堯日後 經注疏所采之本也梁時皇侃 半「子張問」以下別為 Thi 泯之矣魏何晏集諸家之說并下己意為 為之作疏宋邢昺疏卽系據皇疏 安國注令見集解所引蓋 篇故有兩子張篇次亦不與齊 亦王肅 删 其支

記 所偽其後此注亦亡清時歙縣鮑氏云得其書於日本重刻之則又六朝以來偽物也論語一 孔子及孔 門弟子言行說頗 平易 可信書系雜 記, 無條理正義篇篇皆言其總旨及章次 殊 書,皆

必也清儒作新疏者有劉寶楠論語正義。

多其言春秋處今人巳多知之言尚書處則 要其為書則遠出荀卿之上非他儒書所得比並眞孔門之馬鳴龍樹矣又孟子書中存 明仁 ,{孟子 義亦皆孔門大義至可寶貴康有為謂孟子傳孔門大同之義首卿祇傳 書存儒家大義實多他姑勿論民貴君輕之義非孟子即幾於泯歿不傳此外道性 知者較鮮予案萬章上篇, 言堯舜禪讓事 小 康, 合否今姑勿論 無 一不 古經 與, 說

之,則 大傳合者蓋今文書說亦民貴君 姚說未 孝經 邵武士人所偽已見前清儒作 無味阮氏校勘記指其注「 當此 書無甚精義姚際恆古今偽書 無甚 精義而 漢儒顧頗重之者漢時社會宗法 輕之大義 摩 新 疏 頂 者有焦循正義博而 放 考以爲僞書然其 踵 也若無此義則堯典一篇誠 處, 與文選注所引不 《書在漢 精。 尚嚴, 合疑 時實有傳授且呂覽即 乃極 視 孝甚 亦 有寬 無謂之物矣古 重。此 亂 書文簡 也。 疏題

有趙

八十一

孟子

痵經

爾維

經 7 解 펦

根原故作孝經以總會之」可見漢人重此之心理 於劉炫多閨門章四百餘字唐開元御注用今文元行沖爲之作疏宋邢昺疏, 人人可通故用以 者有皮錫瑞孝經鄭注疏此書無甚深義 教不能深造之人如後漢令期門羽 此書亦有今古兩本今文注出鄭玄傳自晉荀昶古文出 一覧可也孔門言孝之義長 林之士通孝經章 何是也辞書云「志在春秋行 卽 以元疏爲藍本清

儒治

此

雅

乃訓

話

篇。

為 釋 文 計。以

與今私塾教學僮讀三字經千字文同法。此事蓋沿之自(二)以字形分部如今之字典始於許愼之 據予案古人字書共有三種(一)四言或三七言韻語自史籍篇以下皆然至國 傳二篇或言仲尼所增或言子夏所益或云叔孫 1仲尼所增或言子夏所益或云叔孫通所補或云沛郡梁文所考」書後人亦附之於經其實非也張楫上廣雅表謂「周公著爾雅一 乃古人識字之書。 要之皆無確

師 訓詁幾全同毛傳釋樂同 子出西域鵽鳩 出北 方沙漠翠生 周官大司樂九州 灣 出樂浪 異禹貢而 潘國筋 同周官則古學旣 蝦 出 穢 邪 出後 頭國 **松之物釋獸中**卷 皆 非 戰 國 前 狡魔 所 有。

說文解字(三)爾雅今之詞

典也此本鈔撮以備查檢後人相傳亦

必有增改無

所謂

能作今此

人增益正如 神農本草經有漢郡縣名耳此書專治小 學者宜熟讀之否但 粗 加 涉 獵隨

可清儒新疏有郝懿行義疏邵晉涵正義兩種。

論讀子之法

之書史爲記載事物之書」引見前遠於後世則子亡而集代興集與子之區別集爲一人之著述, 「吾國書籍分爲經史子集四部而集爲後起之物古代祇有經史子三者經子爲發表見解

其學術初不專於一家子為一家之學術其著述亦不由於一人勉強設譬則子如今之科學書,

書專講一種學問集如今之雜誌一書之中講各種學問之作皆有也。

雖謂子書之作訖于先秦可也然遠求諸西周以前則又無所謂子然則子者春秋戰國一時代之 子書之精者訖於西漢東漢後人作者卽覺淺薄然西漢子書之精者仍多祖述先秦之說則

物也其故何邪?

則渾 而未分後乎此則又裂而將合故前此無專家之學後此亦無專家之學也請略言之 予謂專家之學與而子書起專家之學亡而子書訖春秋戰國專家之學與起之時也前乎此

八十三

子之 法

八十四

諸子之學之起原舊說有二(一)出漢志謂其原皆出於王官(一)出淮南要略謂皆以救時

之事使非周秦間之時勢有以促成之則古代渾而未分之哲學何由推行之于各方面, 生如 之弊予謂二說皆是也何則天下無無根之物使諸子之學前無所承周秦之際時勢雖愈 子之學乎此猶今人好言社會主義謂其原出於歐洲之馬克思等可謂由機械發明生財之法大 此高深之學術。且何解於諸子之學各明一義而其根本仍復相同邪(見下)天下亦 而成今諸 無無緣 何能發

變國民生計受外國之侵削而國內勞動資本階級亦有畫分之勢因而奮起研究者多亦無不 也由前則漢志之說由後則淮南之說也各舉一端本不相背胡適之撰諸子不出於王官論, 極 詆

漢志之誣未免 人羣淺演之時宗教哲學必渾而不分其後智識日進哲學乃自宗教中蛻化而出吾國古代, 一偏矣。

哲學之根原也必明乎此然後於諸子之學能知其源而後讀諸子書乃有 是也故古代未分家之哲學則諸子之學所同 芫 處。

本而未成哲學前之宗教則又古代不分家之

山

宇果有際乎宙果有初乎此在今日人人知非人智所遠哲學家已置諸不論不議之列然此

非古人所知也今人競言「宇宙觀」「人生觀」其實二者本是一事何則我者宇宙間之一物

宙論上也。 以明乎宇宙之眞理然後我之所以自處者乃皆得其道矣故古人之所研究全在哲學家所謂字 吾國古代之宇宙論果如何乎曰古之人本諸身以爲推見夫人之生必由男女之合也,

則以

足以堅其陰陽二元之思想於是以爲天地之生物亦如是而已矣故曰「物本乎天人本乎祖」 為物亦如此而仰觀俯察適又有蒼蒼者天與摶摶者地相對有日月之代明有寒暑之迭更在在

禮記郊特性

非「一」則非其「最後」者也然則陰陽之原又何物耶夫謂萬物釐然各別彼此不能相通者, 然哲學所求之原因必為「最後」為「惟一。」求萬物之原因而得陰陽二元固猶非「一」

乃至淺之見不必證以科學而亦能知其非是者也人日食菽飲水而後生又或豢豕爲酒以爲食。 方其未飲食時菽自菽水自水豕自豕酒自酒人自人也及其既飲食之後則泯然不復見其迹焉。

人三日不食則憊七月不食則死然則人與動植礦物異乎不異乎且也「衆生必死死必歸上骨 被 子 Ż 法

八十五

肉斃於下蔭爲野土其氣發揚於上爲昭明焄蒿悽愴」(禮記祭義)然則人與天地是一乎是二

乎(古以天爲積氣所成)故謂萬物釐然各別彼此不能相假者至淺之見稍深思之而卽知其非? 是者也此固不待證之以科學也古之人亦知此也乃推求萬物之本原乃以爲天地萬物皆同

注「俯麤也精猶密也」是也魂者人氣蓋同一氣也古人又以爲有陰陽之分陽者性動輕淸而法、「伪麤也精猶密也」是也魂者人氣蓋同一氣也古人又以爲有陰陽之分陽者性動輕淸而以,以此人。 原質所成乃名此原質曰「氣」

剖判分離輕淸者上為天重濁者下為地) 其在於人則陽氣成神是日魂陰氣成形是曰魄故魂 开陰者性靜重濁而下降(左昭七年疏引孝經說曰「魂芸也」芸芸動也廣雅釋天三氣相接, 他上言氣下言魂變詞耳「游」者游散(韓注)構成萬有之原質循一定之律而凝集緊密焉,

論天地開闢亦以氣之聚散言之易正義八論引乾鑿度「有太易有太初有太始有太素太易者**,** 則 魂為變」而已矣此其在人則為生死然非獨人也一切物之成毀莫不如是卽天地亦然故古人 【人所知覺之物是曰「精氣爲物」循一定之律而分離游散焉則更變化而成他物是曰「遊

未見氣太初者氣之始太始者形之始太素者質之始」是也職是故古人乃以萬物之原· 別謂「水 質 最微 卽

宇宙問一切現象無所謂有無亦無所謂生死低是一氣之變化而已氣之變化無從知其所以然, 質(三)同是有質也而剛柔大小不同爲分類之準猶今物理學分物爲氣體液體固體也) 為一火漸著爲二木形實爲三金體固爲四土質大爲五」也(益以(一)有形無形(二)有三 疑集之疏密分物質為五類是為「五行」五行之序以徵著為漸尚書洪範疏所 然則 質無

祇可歸之於一種動力然則此種動力乃宇宙之根原也故曰「易不可見乾坤或幾乎息」也。

(湯

地亦遊循自然之律而動作而已非能貴於我也更非能宰制我也大而至於天地, 以元之氣正天之端天不深正其元則不能成其化」老子曰「有物混成先天地生寂兮寥兮獨 立而不改周行而不殆可以爲天下母吾不知其名字之曰道」皆指此種動力言之夫如是則天 故此種動力古人視爲偉大無倫易曰「大哉乾元萬物資始乃統天」公羊何注曰「 小而 至 一於蚊虻, 春秋

八十七

益 讀 子 z 法 種自然之質循自然之律而變化皆與我同也故曰「天地與我並生萬物與我爲一」(莊

經

子

スナス

子)然則中國古代之哲學殆近於機械論者也。

叉曰: 乎宇宙之間故無從 物 杜皆具之男女雄雖牝牡皆具之則無復陰陽之可言矣) 則 有 能 中 卽 神 偏 可也 指一 國古代之哲學又可謂之無 神, 「无思也无為也寂然不動感而遂通天下之故非天下之至神其孰能與於此」(言其充 此 則 等)雖謂: 孰 物為神故無體)又曰「陰陽不測之謂神」(盈天地之間皆是自然無論男女雌 動 能 力固無乎不在是之謂「神」易繫辭曰「神無方而易無體」(盈天地之間皆是則不 物 相 卽 為役使故曰「 神可也故曰: 更識其動相) 神 吹萬不同使其自已咸其 __ 論謂之汎 鬼神之爲德其盛矣乎體物而 亦指此等動力言之也此等動力旣無乎不在則雖謂 神論 也。 又曰「惟神也故不疾而速不行而 自取怒者其誰」 不可遺。 也(莊子齊物論) (禮記中庸 ()神郎 萬物 雄牝 物, 皆 然

推。 變 日亟, 其原旣同則其流雖異而仍必有不離其宗者在此周奏諸子之學所以相反而相成也今試略 此等哲學思想爲百家所同具至東周以後乃推衍之於各方面, 切現象皆有留 心研究之人而前此 種哲學入于人人之心者既深自不免本之以為 而成諸子之學焉蓋其時世

俗新 如環 劇其 家一 在儒 時或 行古人以為本有秩序不相衝突。 舉數端以明之古代哲學最尊崇自然力旣尊崇自然 息其在儒 生之謂 家則 為高 原質疑 無端, 故異備」之義而商君等以之主張變法焉萬物雖殊然既爲同一原質所 行如馳」「一 m 因此 周而 必因 有 無爲」者非無所事 性, 間; 集而成物必有其所以然是之謂「命」自物言之則曰「性」(性與生本一字故告子 復始其 家則因此 連 邱 而得窮變通久之義故致謹于治制之因革損益其在法家, 受其 陵爲下 而孟子駁之以「白之為白」也)「性命」者物所受諸自然者 而不相及也動 在道家則因 成形不亡以待盡」因此而 必因 而得「自強 川澤之意 事之謂謂日 而不相害也」中庸曰「萬物並育而 (禮記 此 不息」 而得一 "因在自然" 禮運日「事大積焉而 亦即 禍福 之義焉其在道家之莊列一 法家 偽伏」 得委心任運之義焉自然力之運行古人以為 「絕聖棄智」專任度數之意 不參私意云耳然則 力則祇有隨順不能抵抗故道家 之義; 放貴 不苑並行而不繆細行而不失深 \neg 不相害道並行而 知白守黑知雄 道家之所謂「無 派, 則因此 則謂 成則 也自然力之運 也自然 IIII 其本自一夫 萬 得 守 物 ---不相悖。 爲即 古今異 雌。 相 刃 其 相

最

貴

無

驗

譤

子

之

法

八十九

人能常守此定律則天下可以大治故言治貴「反諸性命之

皆極言天然之有秩序所謂順也)

縺 子

居則所謂眞理祇有變之一字耳執一端以爲中將不轉瞬而已失其中矣故貴「抱一」而 由此也离物既出於一則形色雖殊原理不異故老貴「抱一」孔貴「中庸」抑宇宙現象旣變動不 春秋之義正次王王次春言「王者欲有所為宜求其端於天」而法家言形名度數皆原於道。 情」故有「反本」「正本」之義儒家言盡性可以盡物道家言善義生者可以託天下理實由 此。 亦 抑

戒「執

下皆遵守自然之律而絕去私意則法家之旨與道家不相背也儒家貴仁而法家賤之然其言曰: 物倫 法之爲道 ·「得中」者得無中可得之中)然則一切現象正惟相反然後相成故無是非善惡之可言! 貴「得中」而戒「執中」「抱一」「守中」又即「貴虚」「貴無」之旨也(「抱一」者抱 」可齊也夫道家主因任自然而法家主整齊畫一似相反矣然所謂整齊畫一 前苦而長利 仁之爲道偷樂而後窮」則其所攻者乃姑息之愛非儒家之所謂仁也。 者正欲使天 無 一可抱 m

取救

時之急爾奏有天下遂行商君之政而不改非法家本意也則法家之與儒家又不相背也。

法家列之五蠹然其言曰「糟糠不飽者不務粱肉短褐不完者不待文繡。

則亦

儒家

(重文學)

而

舉 乎此然後能知諸子學術之原而亦能知諸子以前古代哲學之眞也 所論之事不同史談所謂「所從言之者異」耳故漢志謂其「譬諸水火相滅亦相生」 此數端餘可類推要之古代哲學之根本大義仍貫通乎諸子之中有時其言似相反者則以其 也必明

謂「天」所謂「鬼」者皆有喜怒欲惡如人故諸家人說皆近機械論而墨子乃獨非命予按墨子

諸子中惟墨家之學爲特異諸家之言皆似無神論汎神論而墨家之言[天志][明鬼]則所

因此推論墨學皆原於禹其說甚辯予按古者生計程度甚低通國之內止有房屋一所命曰明堂不悅厚葬靡財而貧民服傷生而害事(服上蓋奪久字)故背周道而用夏政」孫星衍墨子後敍, 之志蓋以救世而其道則出於禹淮南要略云「墨子學儒者之業受孔子之術以爲其禮煩擾而 說本阮氏元見攀經室集明堂論)為一切政令所自出(讀惠氏棟明堂大道錄可見) 漢志云

脱嚴父是以右鬼順四時而行是以非命以孝視天下是以尚同」茅屋采椽明堂之制 墨家者流蓋出於清廟之守茅屋采椽是以貴儉養三老五更是以無愛選士大射是以尙賢宗 也養三

五更學校與明堂合也選士大射後世行於澤宮然選士本以助祭其即在明堂宜 一也宗配嚴父清

論說子之法

經

題

쐅

廟

得夏時 夏早于周 之五 父之說也卑宮室 所謂 央黄帝 出 明 山府夏之世 之說。 堂合 神; 明 蓋倘 威 玉 焉。 堂 仰, 惡衣 帝 以主四 **T** 含樞 也。 在此夫學說之變遷必較制度為速以 其 主 _ 一餘歲生計 之制 春生; 所謂夏時者鄭注以夏 服, 明堂 初 室般之重屋 則 紐 而致美乎 一則茅屋 S 談謂 時化 南 也。 **旣與淸廟合以孝視天下** 則 順 寄 方赤 四 有一 程度尚低政 育; 王 藏冕 卑宮室而盡力乎溝洫。 扇合以孝視天下說自易明論語「子曰禹吾時而行蓋禮記月令呂覽十二紀淮南時則訓 四 帝赤熛怒主夏長 采椽之謂 而 天神焉, 乃祀五 昊 時; 天上 以 四 帝之所。 小正 治制度亦 也禮記禮運「孔子曰: 帝 時 \neg 申出 耀 化 育亦須· 施寶, 之屬當之而亦不能質言竊以月令諸書 萬 西方白 (史記五帝本紀索隱引尚書帝命驗) 物, 簡, 則 孔子之睿智豈尚不知五行災變之不足憑 득 土 居其 1帝白招) 切政合皆出明堂正 陰隲下民」繼又本「卑者 **心蓋以天地萬物同** 「致孝乎鬼神」 所 一子曰禹吾 我欲 拒主秋成北方黑帝汁光 面 衆 觀夏道是故之紀而 星拱之」 上是其時周之明。 無 所述之制, 致美乎黻 爲自然之力所 而 間 然矣。 已。 親 君德之貴無 視 八非飲食 所載, 冕, 五 所謂 事」之義 紀 帝 不足 主冬藏 堂即 則宗 成 者: 實 切政合, 徽 東 其 乃 m 然其 進化 造 方 唐、 遺 也, 祀 致 爲, 北 青 虞 嚴 制。 ini

遠

源

學不久卽絕亦未始不由於此以是時哲學業已大進而墨子顧欲並行未進化時之說故 足怪墨子所取之說雖與諸家異又足考見未進化時之哲學矣(墨子救世之志誠 棚定六經仍過而存之者則以其沿襲既久未可驟廢故也然則夏之遺制循存於周之明 可佩 仰然其 也。

堂正不

世亦入子部案兵家及方技其為一家之學與諸子十家同數确與陰陽家尤相為表裏漢志所以 縱橫家雜家農家小說家爲十家其中去小說家爲九流此外兵家數術方技漢志各 析之諸子之外者以本劉歆七略七略所以別之者以校書者異其人七略固書目非 子派別史記太史公自序述其父談之論分為陰陽儒墨名法道德六家漢志諸子略益以 論學 自為 術 而後 派

别

之作也十家之中陰陽家爲專門之學不易曉小說家無關宏旨。(九流之學皆出王官惟 所謂「飾小說」及「小家珍說」似即漢志之小說家蓋九流之學源遠流長而 小說以干縣命其於大達亦難矣。」荀子正名篇「故知者論道而已矣小家珍說之所 則似起民間漢志所謂「街談巷議道聽塗說者之所造閭里小知者之所及」也莊子外物篇: 小說則民間 、願皆衰矣」 有思想 小 說家

習世故者之所為當時平民不講學術故雖偶有一得初不能相與講明 逐漸改正以斬進於高深

譤

經

亦不能同條共貫有始有卒以自成一統系故其證蒙小之名而其書乃特多漢志小說家之虞初 周說至九百四十三篇百家至百三十九卷是也其說固未嘗不爲諸家所采如御覽八百六十八周說至九百四十三篇百家至百三十九卷是也其說固未嘗不爲諸家所采如御覽八百六十八

引風俗通謂一 「城門失火殃及池魚」本出百家書是然徒能爲小說家言者則不能如蘇秦之徧

道及雜家六家而已儒家之書最要者為孟子又禮記中存儒家諸子實最多今皆已入 亦專門之學可暫緩縱橫家鬼谷子系偽書其眞者戰國策今已歸入史部所最要者則儒墨名; 小 更重下教今漢志小說家有宋子十八篇實治墨學者宋鉙所爲蓋采小說家言特多也古之所謂 說六國孟子之傳食諸侯但能飾辭以干縣令如後世求仕於郡縣者之所爲而已墨家上說之外, 說家者如 此後世寄情荒怪之作已非其倫近世乃以平話尸小說之名則益違其本矣) 經 部存於

子部者惟一荀子此書真偽予頗疑之然其議論固有精者且頗能通儒法之郵固仍爲極 一要之書

緒論散見莊子荀子及法家書中法家商君書精義亦少間有之實不出管韓二子之外道家又分 也墨家除墨子外更無傳書(晏子春秋雖略有墨家言而無甚精義)名家經及經說見墨子其餘。

派(一)明「欲取姑與」「知雄守雌」之術老子為之宗而法家之管韓承其流(一)闡「 萬物

雜家之呂覽淮南氣綜九流實為子部瑰寶淮南王書雖出西漠然所纂皆先秦成說精卓不讓先 體」「乘化待盡」之旨其說具於莊子列子書晚出較莊子明白易解然其精深實不逮莊子也而

秦諸子也兵家精義略具荀子議兵呂覽孟秋仲秋二紀淮南兵略及管子中言兵法諸篇醫經經 以綜覽衆家考見其異同得失也) 子雖隸儒家然其書晚出於諸家之學皆有論難實兼具雜家之用以之與呂覽淮南, 然白黑分矣。 子書中最精要者苟能先熟此八書則其餘子部之書皆可迎刃而解而判別其是非眞僞 方亦專門之學非急務然則儒家之荀墨家之墨法家之管韓道家之老莊雜家之呂覽淮南實諸 言原理為諸家之學所自出也次管韓者以法家直承道家之流也次墨以見哲學中之別派也荀 (讀此八書之法宜先老次莊衣管韓衣墨衣荀殿以呂覽淮南先老莊者以道家專 相次並 亦 昭昭

章者然讀古書固宜先明名物制度名物制度旣通而義乃可求自漢以後儒學專行諸子之書治 求此由當時偏重治經取以與經相證此仍治經非治子也諸家固亦有知子之大義足貴從事表。 讀諸子宵者宜留意求其大義昔時治子者多注意於名物訓詁典章制度而於大義 顧

論證

子之法

九十五

之言曰: 國月刊第四期) 訓詁於 逃制 要者 之者 相 後不得不各有 異 一經清儒 少非 度互 者, (貫通工夫) 則非 \neg 亦 治經 特 仍 相 比較並 鮮 校 相 初 所主故賈 勘訓 治子, 疏 學 反 八尚有未 胡適之亦謂 注 所 而 能故當先 校勘訓 可憑抑且乏善本足據校勘訓釋為力已疲故於大義遂罕探討善夫章 相 與 釋之後近人又多有集解之本初學披覽, 成。 摮 為不能 一經所 宜 速」(見所著中國哲學史大綱上卷第一篇) 計特 深 思 求其 述 「治古書之法有三へ一) 迎
諸子 制 最初 而 大義。 求 度 門徑 其 相 會通 諸家大義有彼 而郭象張湛不能治經」(與章行嚴論 比 然大略言之經多陳事實諸子多明 較; 然 (制度以儒家 後 讀 諸 校勘(二)訓詁(三) 子書, 此 相 爲詳, 可謂能 已可 同 者, | 粗通岩。 故以諸 亦 有 得 誠知言之選也。 其 相 水訓 子所 要。 異)貫通淸儒哲 者。 至 ||墨學第二書: 義理。 述制 释更 於校 相 同 精 校 度 勘 者 一个諸 勘訓 精於 興 及以 疏 無 經 解, 論 見華 太炎

所

得

亦

宜

隨

時

札

記,

以備

他

日之精

研。

讀

書

尚

未

終卷,

即已下筆千言眡

排

先

儒

創立

說。

此

乃

時

偶

有

矣即

比

其所

子之

校勘

詁

氣

殊背大器

晚

成之道

深

原學者

石勿效之也。

Æ

人著書

有可速成

者

有宜

晚

出

者。 異

創

立

新

٨

所未發造端宏大欲求詳密斷非一

人之力所能試可

姑引其端,

而

疏通

證

则,

則以

或俟諸後日此 人人可得至於桉勘考證之學正 可早出者也此等新義之發明 由精 詩乃能得闡必宜隨時改訂以求完密苟爲末定之說, 恆歷數百千年而後一見乃時會爲之非 可 強求;

决非 不可輕出誤人令人好言著書而 其所談者皆校勘考證之事此則私 心期期以爲不 可者 不然古書 也。

文字立 子小稱篇記管仲之死又言及毛牆西施立政篇闢寢兵 近人所持之術大要有二(一)據書中事實立論事有非本人所能言者即斷 中之經治者較多真偽已大略可覩子又不然也) 可專恃何則子爲一家之學與集爲一人之書者不同前已言之故讀子者不能 中國哲學史大綱)又或以文字體製之古近而辨其書之眞偽是予謂二法皆有可采而 語忽為戰國 而疑其文非出於一人先奏諸子大抵不自著書令其書之存者大抵治其學者所為 讀古書 論如梁任公以老子中有偏將 固宜嚴別眞僞諸子尤甚。 人之言而疑其書之出於偽造猶之讀集者不能 軍上將軍之名謂 (秦漢以後之書偽者較少辨別亦較易古書則 然近人辨諧子真偽之術吾實有不甚敢 為戰國 兼愛之言為難墨家之論 以其忽 人語; (見學術講演集評 祖儒家之言忽述 爲僞如胡適之摘管 以其忽作 是也(一) 春秋 亦皆不 胡適之 則就 信者。

讀 子 Z 法

九十七

iffi

時

無從

學術

有此一 不過表 身後之事及其文詞之古近錯出固不足怪至於諸子書所記事實多有訛誤此似誠有可疑 之書共有若干卽合而編之而取此種學派中最有名之人題之曰某子云耳然則某子之標題本 子與督哀公者矣然此尚實有其事至如孔子往見盜跖等則可斷幷其事而無之不過 哀公與否皆在所不問豈惟不問蓋有因往見及所見之人不如莊子及魯哀公之著名, 見魯哀公自爲必無之事然古人傳此則但取其足以明義往見者果爲莊子與否所見者 則 時間人人知 學 其 更出於後之人書之亡佚旣多輯其書者又未必通其學 **- 術多由** 書之由來亦無從正其書之眞偽即有可疑者亦不得不過而存之矣)不過見講 段議 明學派之詞不謂書卽其人所箸與集部書之標題爲某某集者大不相同集中記及 論乃託之孔子、盜跖耳此則所謂「寓 口耳相傳無有書籍本易譌誤而其傳之也又重其義而輕其事如 爲「寓言」故諸子書中所記事實乖繆者十有七八而後人於其書仍皆信 言」也此等處者據之以談史實自易繆誤 (卽謂好治此學然旣無師 胡適之所 授即 作 此 而 者 易 果 摘 類 M

為魯

莊子

然古

其

爲莊

胸

中

胡適之概斷爲常時之人爲求利而僞造又譏購求者之不能別白亦未必然也。

(誤之少且小者

傳之。

然在

名易之此則如今譯書者於書中外國名物易之以中國名物耳雖不免失真固與僞造有別 傳五千言設使果出老子則其書中偏將軍上將軍或本作春秋以前官名而傳者乃以戰國 後人或不能辨今諸子書皆罅漏百出繆誤顯然豈有概不能辨之理) **徒又以是傳之其徒如今瞽人業算命者以命理之書口授其徒然此等可傳之千百年詞句仍** 古人之傳一書有但傳其意者有氣傳其詞者樂傳其詞者則其學本有口訣可誦師以是傳之徒 管子戒篇載流連荒亡之說實與孟子引晏子之言同(梁惠王下篇)晏子春秋亦載之則此 關係如管夷吾究但長於政事抑棄長於學問已難質言卽謂長于學問亦終不似著書之人然今 冥偽乎今各家學術據其自言皆有所本說誠未必可信(淮南子修務訓已言之)然亦不 是三四傳後其說雖古其詞則新矣故文字氣體之古近亦不能以別其書之古近也而況於判其 大變但傳其意者則如今教師之講授聽者但求明其意卽止迨其傳之其徒則出以自己之言如 出於齊旣出于齊固不能斷其與管仲無關也(中小匡篇所述治制卽或爲管仲之遺)其他 其學出於神農黃帝者視此 (孟子「有為神農之言者許行」梁任公謂其足為諸子託古之 設事如此行文亦然**今**所 能經無 時之 派學

論說子之法

九十九

Ħ

經子 解 題

鐵證其意謂許行 則 其藥」疏引又說云「三世者一日黃帝針灸二日神農本草三日素女脈訣又云夫子脈訣」然 「神農本草」四字乃一學科之名今世所傳神農本草經非謂神農氏所作之本草經乃謂神農 造作言語託之神農也然此語恐非如此解法禮記曲禮 下篇「醫不三世不服

本草學之經猶今言藥物學書耳世多以其有後世郡縣名而訾其書非神農氏之舊誤矣月令季

神農之言者」為當訓治與漢書武紀「丞相結奏所舉賢良方正或治申商韓非蘇秦張儀之言」 夏之月「毋發令以妨神農之事」此「神農」二字決不能作神農氏解然則諸書所引神農之教如 「一男不耕或受之饑一女不織或受之寒」云云亦非謂神農氏之教乃謂神農學之說矣「有為

其故此; 其造 何法 **今人之弊則又在一** 作言語託之神農也 相 亦考古者所宜究心矣。安之古書不可輕信亦不可抹煞昔人之弊在信古過甚, 同漢志論農家者流曰「鄙者爲之以爲無所事聖王欲使君臣並耕」正許行之說初非謂 概吐 薬而不求其故楚固失之齊亦未爲 夫神農黃帝管仲誠未必如託之者之言然其為此曹所 得也。 託 亦必自 不 敢輕

明乎此則知諸子之年代事迹雖可知其大略而亦不容鑿求若更據諸子中之記事以談古

與偽未定卽眞亦與國語同類也)世系四也此最可信(二)私家紀事之作其較翔實者如孔門(四十), (1) (孔子所修之春秋雖為明義而作然其原本則為記事之書左氏) 史則尤易致誤矣蓋古書之存於今而今人據為史料者約有數種(一)史家所記又可分為四種

家所記之事誠亦未必盡信然較諸私家傳說則其謹嚴荒誕相去不啻天淵試取大中小匡三篇 之論語其務恢侈者則如管子大中小匡三篇是也前者猶可置信後者則全不足憑矣。 則皆治法學者傳述之辭心)(三)則諸子中之記事十之七八爲寓言卽或實有其事, 歡便見此三篇中大匡前半篇及小匡中「宰孔賜祚」一段蓋後人別據左氏一類之書補入餘 人名地名 (古代史

及年代等亦不可據彼其意固亦當作寓言用也據此以考事實苟非用之十分謹慎必將治 假定諸子年代事迹乃又持以判別諸子之書之信否焉其可信乎一言蔽之總由不知子與集之 **梦夫諸子記事之不可盡信如此而今人考諸子年代事迹顧多即以諸子所記之事爲據;** 既據 絲 此

異太重視用作標題之人致有此誤也)

吾謂整治諸子之書仍當著重於其學術个諸子書急待整治者有二〇一)後人僞造之品竄 子 z

百三

子學

之所

可見

也。

經 子 解 題

其端 不過以 自來; **竄入自易異家之誤會亦多夫真偽混淆則學說湮晦異家錯** 之累故皆急宜揀剔揀剔之法, 此 其中者(二)異家之言誤合為一書者蓋諸子既不自著書而其後學之著書者又未嘗自立條 皆昔 成 法今人必識其偏於主觀然考校書中事實及文體之法既皆不足恃則仍不能 而 其言之或不 舊 || 求其所 首尾完具之作 爲舊有之物 時 時 所 學者于吾國古書往往過於尊信謂 已有今之人則適 俗之原昧乎其原則於其流終難深曉諸子爲吾國 以分合之由如是則諸子之學 如 後世之詳 不得不從事整治而已此皆 而 其書亡佚又多故其學術之眞相甚難窺見學術之眞 仍宜就其學術求之旣觀其同 明, 相反憙新者固 而精簡 則遠過之截長補短二者適足相償也且古代思 四方學術院 視 可 明而諸子之學之根源及其後此之與替亦 國故若土苴卽篤舊者亦謂此中未 一偏之見平心論之社會科學之理古人皆已引 精者不出吾書又或曲加 復觀 處則流別不明此 最古之學雖其傳久晦 其異即其同 誠足為 異 相難 更求 附 會謂今世 見則偽品之 必眞 不出於此 其說 治諸 III 想恆為 有 其義

可取;

後世

學

術

風

無形中蒸爲習尚深入于人人之心不知此者其論世事縱或持之有故終不免隔河觀

火之

則

惟自然科學中國素不重視; 談。 且真理古今不異茍能融會貫通心知其意古書固未必不周今用正可以今古相 疏證不過知古代此學情 證 而 益 明 也。

形

如

作史材看 耳若曲加附會侈然自大即不免夜郎之謂 即有發明較諸今日亦淺薄已甚稍加 矣。

者循覽諷誦亦足以祛除鄙俗涵養性靈文學者美術之一愛美之心人所同其卽 立極 中近人言文學者多徒知讀集實爲舍本而求末故用力多而成 於前留心文學者於此 讀諸子者固不爲研習文辭然諸子之文各有其面貌性情, 加以鑽研、固勝徒讀集部之書者甚遠。 功少予別有論) 彼此不能相假亦實爲中 (中國文學, 根柢皆在 即非專; 不能謂文學之 國文學, 治文學 一經史子

美必專門家乃能知之普通人不能領略也諸子之文旣非出於一手幷非成於一

時。 必

如

世俗

及道家管老一派文最古質以其學多傳之自古其書亦非東周時人所撰也(見後)莊子文最詼。 文者之言謂某子之文如何固近於鑿然其大較亦有可言者大約儒家之文最爲中和純 以當時言語 稱為儒其學實與法家近其文亦近法家欲求儒家諸子之文莫如於小戴記中求之前: 程度佝低而其說理頗深欲達之也難不得不反覆曲譬也法家文最嚴肅。 **純粹**令荀 已論

鱁 子 解 題

最警快而明於利害戰國策中此等文字最多諸子中亦時有之說術亦諸家所共習也雜家 銀名 上說下教多為愚俗人說法故其文亦隨之而淺近也(大約墨子之文最近當時口語)縱橫家文 文長於剖析而法家論事刻聚處亦實能辨別豪芒以名法二家學本相近也墨子文最宂蔓以其

意為之然其五光十色各有獨至之處則後人雖竭力辜放終不能逮其十一矣以今語言之則諸 意無不盡則時代之先後爲之也要之言爲心聲諸子之學各有專門故其文亦隨之而異固非有

法合儒墨其學本最疏通故其文亦如之呂覽淮南實其巨擘而呂覽文較質實淮南尤縱橫馳騁,

子之文可謂「個性」最顯著者欲治文學者誠不可不加之意也。

老子

實亦已非其朔若循其本則漢志所謂道家者流其學質當分二派一切委心任運乘化以待盡此 派也現存之書莊列爲其代表素要執本清虛以自守卑弱以自持此一派也現存之書以老子 道家之書後世爲神仙家所依託固已至失其本真即反諸魏晉之初談玄者率以老莊並稱,

篇力命引老聃謂關尹之言一條黃帝書一條而天瑞篇所引黃帝書有一條與今老子書同(「谷 築今列子書第一篇天瑞引黃帝書二條黃帝之言一條第二篇爲黃帝篇引老聃之言一條第六 欲囚任之以致治善用之以求勝其宗旨固自不同夷考漢人之言多以黃老連稱罕以老莊 為最古此二派其崇尚自然之力同然一因自然力之偉大以為人事皆無可為遂一切放下一則 其說者則老子也今觀老子書文體甚古(全書多作三四言韻語乃未有散文前之韻文間, 當係採古書纂輯而成必非晉人杜撰然則「黃老」者乃古代學派之名其學遠託諸黃帝 神不死是謂玄牝玄牝之門是謂天地之根綿綿若存用之不勤。〕列子原未必可信然十之七八, 稱碩女權可見其學必始於殷以前託諸黃帝固未必可信然據禮記祭法嚴父配天實始於馬 何及散句蓋後來所加)又全書之義女拙皆優於男權(案今周易首乾而殷易先坤見禮記禮選 吾得坤乾焉」鄭注此亦吾國男女權遞嬗之遺迹然殷時女權實已不盛吾別有考老子全書, 丽 並舉。 首傳 有長

男女字但稱牝牡亦可徵其時代之早近人如梁任公以其書中有偏將軍上將軍之名又謂「師

夏時男權已盛老子之學必始五帝時矣蓋舊有此說口耳相傳至老子乃誦出其文也)

書中

则

經 子 解 題

得引風詩為證也) 大戰老子一書皆發揮玄理之語非對一時政治立言又觀其文體之古即知其書非出周代亦不 出戰國後之證前已辯之「師之所處荆棘生焉大兵之後必有凶年」凡戰事皆然何必長平等 語謂爲反對東周後之橫征暴斂引碩鼠等詩爲證皆非也(偏將軍上將軍等語不足爲老子書 摘其「民之饑以其上食稅之多」「天之道損有餘而補不足人之道則不然損不足以奉有餘」等 之所處荆棘生焉大兵之後必有凶年」等語似係見過長平等大戰者遂疑為戰國時書胡適之

毫釐不得差忒與研究自然科學者之視自然現象同彼其視自然之力至大而不可抗也故祇有 國古代哲學近於機械論前已言之旣近機械論則視一切社會現象皆有自然之律運行乎其問, 老子全書之旨可以兩言括之(一)日治國主於無為(一)日求勝敵當以卑弱自處而已吾

參以私意則即所謂「無爲」心凡治事者最貴發見自然之律而遵守之而不然者姑無論 隨順斷無可違逆之使如吾意之理欲違逆之使如吾意即所謂「有爲」一切隨順天然之律而不 以事不

能成即使幸成焉其反動之力亦必愈大此老子所以主張治國以無爲爲尚也至其求勝敵之術,

物」之理所由立百家之學其流異其原固無不同然其筂旣異卽不得因其原之同而泯其派別 諸其初則祗渾然之一境也此其「絕聖藥智」「聖人不死大盜不止」之說所由來而亦莊周「齊 為善斯不善矣。」欲舉天下對待之境一掃而空之亦以此等相對之名皆「樸散爲器」而始有返 其言曰「有無相生難易相成長短相較高下相優」又曰「天下皆知美之爲美斯惡矣皆知善之 散而為萬物則有難言者矣老子一書反覆推闡不外謂樸散為器之後仍當遵守最初之原理其 「樸」其曰「樸散而爲器」者猶曰原質分而爲萬物耳夫同一原質斷未有不循同一定律者至其 象雖殊原理自一此形形色色之現象老子喻之以「器」而未成萬物前之原質則老子喻之以 遵守天然之律而已古代哲學之宇宙論以為萬物同出一原前文亦已言及萬物同出一原則現 子應事之術也至其空談原理之語宗旨亦相一貫蓋所謂治國當主無爲勝敵必居卑弱者不外子 既為循環則盛之後必繼以衰強之後必流於弱乃無可逃之公例故莫如先以卑弱自處此皆老 所以主於卑弱者則因其以自然力之運行為循環之故(所謂「道之動曰反」也)自然力之運行, 曰「見素」欲見此也其曰「抱璞」欲抱此也其曰「守中」以此爲中也其曰「抱一〕以此爲一也又

也老子全書之宗旨如此由前總論所述已可見之然老子書解者最多而其附會曲說亦最甚故 費更申言之要之古書中語具體者多抽象者少此自言語巧拙今古不同使然讀書固 縺

不憚詞 淮南子原道訓「萬物固以自然聖人又何事焉」是 以意 ·叉古書中「自然」字「然」字當作成字解不當作如此解如老子「功成專遂萬物皆謂我自然; 逆志不可以詞害意世之誤解老子者多由泥其字面誤取譬之詞爲敷陳之論有以致之也。 迎。 貨

王弼注刻 老子書注者極多最通行者爲河上及注王弼注吳澄注三種河上及註爲僞物前人已言之 本雖 晚出然陸德 明經典釋文為作音訓又列子引黃帝書一條與老子同者 張湛即

弼注注之皆與今本相 **祭可證其非偽物吳澄注多以** 釋理與道家言相證雖非本旨亦 尙 無 金丹 引

必 **敱**白, 須 先有現在哲學常識此層最 如塗塗附之談予謂老子書並不難解讀者尚具哲學常識, 爲緊要否則 研究中國哲學者易致貌似玄妙而實無標準研究 (凡研究中國古哲學及佛書者

本文求其義理諸家之注一覽已足不必深求也。

佛學

者

更易流於迷信)

郎不看

但注義亦可以

通;

而一看注則有時反至茫昧初學讀此書可但涵詠

家随意所為讀者但當涵詠本文自求條理若一拘泥前人章句則又滋紛糾矣姚氏此書即 欲求老子之義於本文姚彌老子章義卻可一覽老子原膏本無道經德經之分分章更係諸 以前

人分章為不然以意重定雖不必執其所定者為準然其法自可用也。

修四篇老子傅氏經說三十七篇老子徐氏經說六篇劉向說老子四篇蓋皆老子之傳惜其書皆 精詞節一望而可知爲經其學之傳授既古後學之發揮其義者自多據漢志道家有老子鄰氏 宋以後說爲多初學可暫緩。 不傳然解釋老子之詞散見於諸子中者仍不少近人長沙楊樹達嘗彙輯之而成老子古義 相傳簡要精當之語「寡其辭協其音」所以便誦讀而傳則習其學者發揮經意之書也老子書 (中華書局出版)極可看焦竑老子翼三卷輯韓非以下解老子潛六十四家釆摭可謂極博然亦 古書「經傳」恒相輔而行大抵文少而整齊有韻者爲「經」議論縱橫者爲「傳」蓋經爲歷世 一書,

理

莊子

纄 子 題

與老子同屬道家而學術宗旨實異前已言之莊子之旨主於委心任運頗近頹廢自甘;

然 其 說理 玄眇之觀先奏諸子中善言名理有今純理哲學之意者則莫莊子若矣。 而輕純理固以此免歐洲印度哲學不周人用之說, (列子宗旨 m 亦

奥莊子大同學 頗 以 與莊子相近然惠施學說除此以外無可考見他書引惠子事多無關哲理如 此 乏究極 實極精深中國哲學偏重應用, 然其書似出後人纂輯不免羼雜精義亦不逮莊子之多又據莊子末篇,

(篇) 見後。 章太炎於先秦諸子中最服膺莊子良有由也。 莊子書分內篇 外篇及雜篇昔人 多重內篇然外篇實亦精絕惟雜篇中有數篇無謂 耳。

今莊子之有

說劍

則惠施之學,

班子注以郭象為最古世說新語謂其稱諸向秀據後人所考核誠然 (可參看四庫 八之哲學, 書目提

群道. 實可 {要。 此注與 变也。 陳景元王雲劉概 ķs. 四庫 列子 張湛注皆善言名理(似尙勝王弼之易注及老子注) 兼可考見魏晉 所著錄者有宋褚伯秀南華眞經義海纂微 吳儔趙以夫林希逸李士表王旦范元應十三家之說提要謂宋以前 一百六卷纂郭象呂惠卿 林疑 解莊 獨、

陳

子者梗概 存 **傷說** 衆說, 也。 略具於是又焦竑莊子翼八卷體例與其老子翼同雖提要議其不 加以疏釋頗為詳備王氏書較郭氏為略蓋其書成於郭氏之後不 近人 注釋有郭慶藩莊子集釋王先謙莊子集解郭氏書彙載郭象注及唐成 小収重複枚 如彼書之精 玄英疏, 然亦 說

但

明

北

更集

進矣。 以說明高深之理 象之詞已少專供哲學用之語更幾於絕無欲說高深之理必須取譬於實事實物, 其義主於「無待」夫世間之物無不兩端相對待者欲求無待非超乎此世界之外不可, 必有餘小者不必不足郭注所謂「以絕羨欲之累」也「列子御風而行」一段為莊子所謂 岩 說而其所說之理實與普通哲學家所說者無殊矣至於世俗評文之家竟謂諸子有意於文 兩端相對者然語其苦樂實亦相同然世多以彼羨此故借大小一端以明各當其分大者不 逍遙遊第一 此篇文極詼詭然須知諸子皆非有意爲文其所以看似詼詭者以當時言 極難放不得不如是也此等處宜探其意 此篇借物之大小不同以明當境各足之義蓋世間之境貧富貴賤智愚勇怯, 而弗泥其辭苟能 心知 (其意, 語 而 程度尚 服 自 則 前 1覺其言 其 事 逍 低抽 遙者, 物, 說 更

雖該

經

攻自破矣)

名而以其寓言託之也然則此篇中詼詭之語尚未必撰此篇者所自造有意於文字求奇之說不 字水奇其說更不足論此凡讀古書皆然然莊子書為後人穿鑿附會最甚故於此發其凡 引齊諧之言所謂齊諧者蓋誠古志怪之書而作此篇者引之不然初不必旣撰寓言又僞造一 (此篇 書

同之義(猶今人各種東西之種字耳)此篇極言世界上物雖形形色色各有不同然其實仍系一 物蓋「彼出於是是亦因彼」去彼則此之名不存去此則彼之名亦不立又字宙之間變化不已此 地與我並生萬物與我爲一」十二字惠施「氾愛天地萬物一體」之說(見天下篇)亦由此理而 物可化為彼彼物亦可變為此此足見分別彼此多立名目者乃愚俗人之見矣此篇宗旨在「天 齊物論第二 論與倫古字相通倫者類也物必各有不同然後可分爲若干類故倫字有不

出實仍本於古代哲學宇宙萬物皆同一原質所成之觀念也亦可見先奏諸子之學同出一原矣。

順自然之條理也人能知此理則能安時處順使哀樂不入而可以養生。 卷生主第三 此篇言作事必順天理以庖丁解牛為喻天者自然理者條理隨順天理即隨

世第四 此篇言處世之道貴於虛己所謂「虛己」者即無我之謂也人而能無我則物

莫能害矣(物乘人爲之事及自然之力言)

德充符第五 此篇舉兀者等事見無我者之爲人所悅是爲德充之符。

中之機械論夫舉全宇宙而爲一大機械則人處其間祗有委心任運而已故曰: 大宗師第六 郭注云: 「雖天地之大萬物之富其所宗而師者無心也」此篇蓋發揮哲學 「天地大鑪 造化

大冶惟所陶鑄無乎不可」也。 此篇言應世之術貴乎無所容心其言曰「至人之用心若鏡不

將不迎應而不藏,一乃全篇之宗旨也蓋言無我則能因物付物是爲應世之術。 斯姆第八 應言主第七(以上內篇) 此篇言仁義非人性伯夷盗跖雖善惡不同 而其為失本性則均齊是非之論 也。

馬蹄第九 此篇言伯樂失馬之性聖人毀道德以爲仁義與上篇宗旨意同。

善之名而竊之夫善之名而爲爲惡者所竊則世俗之所謂善者不足爲善惡者不足爲惡審矣乃 此篇言善惡不惟其名惟其實因欲止世之爲惡者, 而分別善惡 為惡者 卽 能并

百十三

(性命

極徹底之論也。 在宥第十一 此篇言以無為爲治而後物各得其性命之情戒于涉主放任之論也。

一字之義見前)

於無為。 天地第十二 此篇爲古代哲學中之宇宙論極要。

此篇由哲學中之宇宙論而推論治天下之道見道德名法皆相一

貫而歸.

本

天運第十四 此篇言仁義等之不足尚。

刻意第十五 此篇言虛無無爲之貴。

子畏於匡」一節言窮通由於時命非人所能為「莊子與惠子游濠梁」一節言名學之理頗深 莊子釣於濮水」「惠子相梁」 秋水第十七 **經性第十六** 此篇首設河伯海若問答亦齊物之旨「變憐蚿」一節言人當任天而動。 此篇言心之所欲多非本真故戒去「性」而從心當反情性而復其初。 兩節粗淺。

孔

至樂第十八 此篇言「無爲爲至樂至樂者無樂」因極言生死之同種有幾一段亦此義

而無死生也) 近人以牽合生物學似非也。

達生第十九 山木第二十 此篇言人之處世材不材皆足嬰患惟乘道德而遊者不然所謂乘道德者虛山木第二十 此篇言人之處世材不材皆足嬰患惟乘道德而遊者不然所謂乘道德者虛 此篇言生之來不能卻其去不可止能遺世則為善養生亦委心任運之論。

旨也。 已之謂也虛已則無計較利害之心無計較利害之心則物莫之能累矣亦人間世德充符兩篇之

田子方第二十一 此篇記孔子告顏回語亦齊物之旨老聃告孔子語推論生物之原由於田子方第二十一 此篇記孔子告顏回語亦齊物之旨老聃告孔子語推論生物之原由於

陰陽二力亦古代哲學中之宇宙論 知北遊第二十二(以上外篇) 此篇言[道]亦古代哲學中宇宙論也其言[無無]之義已知北遊第二十二(以上外篇) 此篇言[道]亦古代哲學中宇宙論也其言[無無]之義已 也。

頗涉認識論矣。 庚桑楚第二十三 此篇文頗艱深其大意謂一切禍福皆心所造故心無利害之念則物自

莫之能侵所謂「寇莫大於陰陽(猶今言自然力)無所逃於天地之閒非陰陽賊之心自使之」

批子

此亦

而

無有; 身若槁木心若死灰禍亦不至福亦不來」也其云「萬物出乎無有有不能以有爲有必出乎 無有一無有聖人藏於是」関無有之理尤精。 (此言一切萬物彼不能爲此之原因)

不能爲彼之原因) 徐無鬼第二十四 乃道家虛無無爲之旨所從出也。 此篇亦言爲仁義則必流於不仁義道家所以貴道德而賤仁義者由此。

未段亦涉及古代哲學中之宇宙論文頗難解。

會主義。 為」「或使」之辯即哲學中「有神」「 則陽第二十五 此篇亦言爲仁義則必流於不仁不義衆涉及宇宙論與上篇同篇末「莫 無神」之爭也其論犯罪者非其罪一節尤有合於社

外物第二十六 寓言第二十七 此篇亦雜論有與他篇重複處。 此篇為雜

家所謂「養生」其意實謂必如此之人乃足以治天下而非徒實愛其身欲求全其性命卽此可 護王第二十八 此篇雜記讓國之事言惟輕天下重一身者乃足以治天下詞意似淺然道

見。 神仙家之竊取附會而自託於道家者其失不待辯而自明矣。

生淮南精神訓詮言訓是。 此義道家 及之如呂覽貴 盗跖第二十九 此篇言君子小人名異實同莫如态睢而求目前之樂與列子楊朱篇同

說劍第三十

其言富者之苦樂一節頗可考見古代社會生計情形。 此篇記莊子說止趙文王好劍之事意義淺薄與莊子全書了無關涉且此

批子書者遂以之輯入爲一**篇**心。

散見他書者甚多所屬之人亦各異凡古代傳說之事固多如此蓋此事相傳一

說以屬莊子故編

色父第三十一 此篇亦淺薄。

列禦寇第三十二 此篇亦淺薄而間有精論。

學術源流者以莊子此篇淮南要略太史公自序漢書藝文志四篇爲最有條理。 天下第三十三 此篇蓋莊子之自敍前總論後分列諸家可考見古代學術源流。 而四 篇 又各有勝 論古代

處漢志推論諸家之學所自出可見其各有所本莊子此篇則言道術始合而後分可處 雖各有所本而仍同出一原 (同出一原謂其同根據於古代之哲學各有所本則言其以一 見諸家之學, 種哲

縺

百十八

學,而 亦相 種 學; 推衍之於各方面) 反而 如方藥然各有主治 相成 业。 即各有用處而太史公自序則言諸家之學各有所長亦各有 其義相反而相成淮南論諸子之學皆起於救時之弊有某種弊即

所短其義

有某

非中國所固有者外仍可認為古書也篇首劉向校語更不可信凡古書劉向序大都僞 其書皆後人采綴而成采綴時豈能略無附益特其書出有早晚耳故此書中除思想與佛經相其書皆後人采綴而成采綴時豈能略無附益特其書出有早晚耳故此書中除思想與佛經相 辭引類特與莊子相似莊子慎到韓非尸子淮南子玄示指歸多稱其言」則不啻自寫供招佛經此書前列張湛序述得書源流殊不可信而云「所明往往與佛經相參大同歸於老莊」「屬 在繼培謂「後人依采諸子而稍附益之」最得其實然此固不獨列子凡先秦諸子大都不自著書: 之道為可通乃偽造此書以通兩者之郵也其云莊子慎到等多稱其言蓋卽湛造此書時所取材。 初入中國時原有以其言與老莊相參者一以爲同一以爲異兩派頗有爭論湛蓋亦以佛 與老莊

湛 注孤行於世唐殷敬順就張湛注作釋文本各爲書元

所傳文子纘義, 皆不箸錄鄭樵通志始及之書有陳景元 **參校二者始各還其舊此外參校之本尚多實此書最善之本** 以來刻本皆以釋文 注 班子書者甚多列子則惟張 亦出徐靈府其書殊不可信則此書恐亦非唐時物也。 入注二 者遂混淆 不辨清 序謂得之徐靈府清秦恩復得之金陵道院 汪繼培得影宋鈔本叉錄釋文單行 也又有唐盧重元注唐藝文志以下 本於道 重 一刻之然今 心臓様以 明

最 授 好。 曲 惡得物後之人將謂今無物, 此 其陳義· 大旨與莊子 有 視前 自物之外自事之先朕所不 相 A 類。 爲 精義不逮莊子之多而 可乎湯問曰然則: 有進者如湯問篇: 物無先後乎夏革 一湯問於夏革日 心」案古人 其文較莊子 古初 易解殊足與莊子相參證讀莊子不 日物之終始, 有物 乎? 夏革日古初知 初 無 極 已始或 物今 爲 終,

能 知; 人之所 知實以認識 所 及 爲 限; 深 入認 識 論之堂奧矣蓋佛 學 輸 入後始 有 之義 也。

有

有

形

m 後

有質皆宇宙論

中語此

則

明

人能

知

有不能

知

無; 時間

之起訖

空間

之際

限

實

非

٨

知

八論宇宙

原始

者率

以為

有氣

而

後

形,

終或

為始惡知其紀

天瑞第 此書 [為列子之宇宙論 與他古書所 述大同 而文最 明 白 易 曉。

題

莫能害蓋承上篇言人所以自處之道也。 黄帝第二 此篇言氣無彼我彼我之分由形任氣而不牽於形則與物爲一與物爲一則物

域者後人以其地理多合信為古書不知其正西域地理旣明後偽造之作也觀此篇所取材而知 事之理矣。莊子物化之訊雖亦已起其 周穆王第三 此篇言造物與人之為「幻」無異夢與覺無異蓋言眞幻不別也似亦已雜 西極化人即西域眩人乃漢時事穆天子傳及山海經中涉及西 佛

其為魏晉間物矣。 仲尼第四 此篇總旨在「忘情任理」四字「中山公子年」一節述公孫龍之學頗有條理其

湯問第五 此篇言空時間皆不可知又言人所不知之事甚多不可據其所知以疑其所不說必有所本注文亦極明瞭可寶也。今公孫龍子 湯問第五

知乃極精之認識 論 也。

所謂機械論心。 力命第六 此篇言力不勝命今哲學中所謂定命論又言凡事皆出於不得不然今哲學中

此篇為厭世之義楊朱之學除孟子稱其為我外他無可考此書何從獨有之可

知其偽。

楊朱第七 機械論相通也。 學問事功判然二物又言人與物徒以智力相制选相食見無所謂腐善禍淫等天理其理亦皆與 說符第八 此篇言因果有必至之符亦機械論又言有術者或不能行行之者不必有術視

荀子

法志荀子之論具在乃恍然有悟蓋漢時地方豪族以及游俠之士, 傳謂不殘賊人之肢體徒僇辱之而已漢文廢肉刑詔「蓋問有虞氏之時畫衣冠異章服以爲戮 而民弗犯」即今文書說也)皆書說也非象刑之論與儒家之尚德化根本不相容及讀漢書刑 11義(一)日五刑是為肉刑見書呂刑篇(一)日象刑見堯典(今本分為舜典象刑之說見書大 儒家孟荀並稱然荀子書予極疑之。 予疑荀子書自讀其非象刑之論始蓋儒家論刑止有

(漢時去封建近此等乃前此

經

子

解

顕

荀子書所 則弱弱 欲以峻 荀子書同 者也。 貴族 無徵 **荀卿子通論案此篇所引諸經傳源流,** 之言亦皆與儒家之義不能並 禮辞詩毛氏傳 驗此 及武 然則非象刑之論 則 法 嚴 士之遺 韓詩 序 云, 不 能勝物」(見王制篇) 刑, 之僞, 則 在儒 裁 外 孔 (傳二戴記說 子家語 亦 抑 也。 家中 題 切; 勢力極 蓋 而 亦不 實爲異軍蒼頭安得歷 易見 者又有同管韓莊列諸子晏子春秋 自救 克克斯 新序书 松大上杆國: 立。其 知何 也。 心時之論, 今姑不必深水但使戰國 論體 亦法家論 A 處最多亦 所 多不 也謂 有激 造 法, 可信董仲舒作書美荀卿 而託之荀子者矣本此以推, 下陵小民獄犴不平職是之故仁人君子蒿目時 法之語也夫如後 _ 而 有同 先漢二百年迄 人生不能 云而實行之者則王莽也夫莽固事 書大 無奉奉 傳春秋繁露公羊穀梁 之末, 淮南 世 無 之論 王書 祖 m 儒家大師 巡之書 無 說 出 剘 分則等等則 則 者。夫 今所 見其 諸 其同 亦無 荀 經 性惡 傳 卿 皆 荷子劉 說苑 左氏國語楚辭 其 出 反 之論, 駁之 荀 亂, 議 事 新序誠可 託 論 亂 ~論哉? 前 之 果 則 法 艱乃 汪中 後王 如 {敍; 離,

他

該為

劉

向

校

書

中

秘已見是書大戴記晚出,

無傳

授昔人

卽

可不之信小戴司

記亦今古文雜穀梁左氏

毛詩皆晚出姑勿論其同

韓詩外傳書大傳公羊繁露何

說之辭謂諸儒

製荀子則諸儒

早見荀子

荀子晚出之書則又轉襲荀子者也予之臆見如此當否誠不敢自信至於荀子之書當讀, 皆 睿} 王, 升降令世通行者 諸篇要之荀子書於諸家皆有語難, 正名篇此外攻擊儒墨各法與權謀諸家之語散見非十二子儒效王霸君道議兵強國、 精者為天論正 日 無 、矣何待劉向謂其各不相襲所本者同又無解於荀子書中與儒家持義根本不相容之處他家 其 階 《真偽而異》 此 級不 見不苟非相儒效王制諸篇曰主人治見王制君道致士諸篇曰羣必有分見王制富國諸篇。 荀子書多精論然頗凌雜無條理今為料揀之案荀子書宗旨華華大者凡有八端 荀子書漢志三十二篇今漢志作三隋唐志皆十二卷唐楊倞爲之注分爲二十卷於篇第頗有 論 也然則荀子者乃較早出之孔子家語耳其與諸書同處正足證其書由鈔襲 能 無見榮辱富國諸篇。 因 論 其書有甚精處要必為先秦之傳固不必問其 解蔽正名四篇。 爲嘉善謝氏刻本 **三性惡見榮辱性惡諸篇曰法自然見天論解蔽諸篇** 其校勘實出盧文弨又有宋台州刻本黎庶昌得之日本刻入 語其宗旨實與 法家最近 而 集自何人題爲何子 又蒙儒家之面 目者也。 也。 正論、 日正名見 全 曰「法後 而 成; 則 中最 而 初 較

荀子

百二十三

短

占逸叢書中王先讓更取王念孫兪樾諸家梭釋又以台州本及盧氏取之未盡之虞王合校本, 與

謝本相棱成荀子集解一書采摭頗備甚便觀覽。 勸學第一 修身第二 不苟第三 以上三篇皆儒家通常之論。 不苟篇「君子養心莫

善於誠」一節義與禮記中庸篇通。 限而生理受制於自然律實性惡之說所本也。 榮辱第四 此篇義亦主於修為與前數篇同「凡人有所一同」一節謂人之行為為生理所

又「君子位尊而志恭」一節論法後王之義

相 人之術迷信 非相第五 頗甚。 此篇祇首節非相蓋以首節之義名篇也與論衡看相等篇參看可見古者對於

非十二子第六 此篇亦見韓詩外傳而止十子無子思孟軻荀子書吾頗疑其爲西漢末人

篇攻擊儒家最烈其中固有由宗旨不同處然譏儒者貪於飲食惰於作務徒古其服及言而實無 所集然其所取資固不能盡偽。 可取頗與此篇所攻子張氏子夏氏之賤儒合此不得謂非儒者之病蓋儒者固自有其眞然徒黨 書皆然。 墨子學於孔子說似不誣(見後)今其書非儒公孟耕柱諸

既多不能無徒稱其名而無其實者禮記儒行記孔子之言曰「今衆人之命儒也妄常以儒相 詬

病。 相詬病以儒為戲者甚多皆「貪於飲食飾其衣冠」之賤儒有以自取之也頗疑此篇中攻子思孟 篇末又記哀公聞孔子之言「終沒吾世不敢以儒爲戲」則當時耳儒之名而不知 而其非子張子夏氏之賤儒之語則真但為先秦 以其義以 儒

出儒家此義亦前已及之矣。必定出荷卿其人且不必定 軻之語為後人所造 歷見東方雜誌第二十卷第二十號

是今文家義也夫董子者「正其義不謀其利明其道不計其 仲尼第七 此篇言「仲尼之門五尺之豎子羞稱五霸」與春秋繁露封膠西王篇合漢書董仲 ,功」者也而此篇下文論擅寵於萬乘

之國而無後患之術幾於鄙夫之談亦可見荀子書之雜矣。 王制第九 儒效第八 此篇中有闢名家之論亦及法後王之義。 此篇中有述制度處頗足興羣經 紅相考證。 此外有論 人治之語有言法後王之

義又其言有羣乃能勝物而 富國第十 此篇言羣不可無分有分爲富國之道關墨子之徒以不足爲患陳義頗 奉不 可 無分則爲法家重度數之意可與下篇參看。

王霸第十 瀝 此篇斥權謀。 「禮之所以正國也」一節與禮記經解篇同。 **藏跡為二天云亦然。**

此

君道第十二 君道第十二 此篇言人治關權謀 此篇楊注亡 君道第十二 此篇言人治關權謀 此篇楊注亡 及儒家諸子而成見前 法家論法亦恆用之亦可見荀子與法家相近也禮記亦漢人集諸經之傳

數

語

此篇爲儒家通常之義。

也。 相蒙; 議兵第十五 下文論刑賞及師術亦 臣道第十三 致土第十四 此篇論人治數語與王制篇複得衆動天十六字文體及意義並與上下文不 此篇論用兵之理極精韓詩外傳新序史記禮書漢書刑法志皆載之 與致士無涉蓋多他篇錯簡或本篇本雜湊而成而取其

端以名篇

篇 駁 」「怪異不足畏」「· 老子慎到墨翟宋舒。 天論第十七 強國第十六 合衆事乃能求得公例徒據一 此篇亦通常之論。 此篇言「吉凶由人不由天」「事非人力所能爲者不以指意」「人當利用自 **偏則不能得。」乃荀子書中最精之論** 也。

此

正論第十八 此篇皆語難當時諸家之論第一 節即駁法家然第二節論湯武非篡義不如 想

實與法家近也。 孟子之精而持論實與法家相近第三節駁象刑則彌 篇末駁子宋子頗可藉考宋輕學說。 與 儒家反矣要之此書雖駁法家然 其思

禮論第十九 此篇有精語然大體與大戴禮 可見荀

義。酒 關他家之語有後來增入者亦足為非十二子中關子思孟軻之語為後人增入之一證也又一段同 此篇注亦亡。 樂論第二十 此篇同禮記樂記而多增入關墨子語。

子

書中

微惟精惟一允執厥中」十六字原出此篇。 解蔽第二十一 正名第二十二 此亦荀子書極精者足與天論篇媲美。 此篇論名學哲學極精。 偽古文 尚書 「 人心惟危道心惟

注旦 「偽爲也矯也矯其本性也凡非天性而人作爲之者皆謂之偽故爲字人旁爲亦會意字也」 性惡第二十二 案荀子性惡之論爲後人所訾然此篇首句戶「人之性惡其善者僞也」楊

縺

子

則 偽 非 偽 飾其義皦然禮論篇「故曰性者本始材朴也僞者文禮隆盛也無性則僞之無所, 加, 無

僞 則性不 能自美」正名篇「心慮而能爲之動謂之僞慮積焉能習焉而後成謂之僞」尤不啻自

十六楊升。皆當作僞其作爲 然性惡之論究與法家相近而非儒家尚德化之義則亦不容曲辨也 此篇本二

君子第二十 四 此篇言人君之事無甚精義本第三十一楊升。

為古人樂曲之名蓋是也漢志賦分四家成相雜辭十一篇與隱書並 相而 成相第二十五 詞文體實出成相。 下 賦篇每先云「爱有大物」「有物於此」 此篇大體多以三七言成文俞樾謂相 此篇本第二十八楊降。 極陳其物然後舉其名蓋卽所謂隱 卽 禮記 一附於雜 曲 禮 鄰有喪春不相」之相 賦之末此篇蓋 書矣或謂

卽

所

誚

成

世

彈

賦第二十六 此篇之體頗類漢志所謂隱書已見前然漢志亦有孫卿賦不知其究誰指也。

「天下不治請陳佹詩」一節文體與前不同然末節文體與此同戰國策楚策載之亦謂之賦蓋

不歌而誦」則皆謂之賦也。此篇本第二十二楊降。 大略第二十七 此篇雜楊云「弟子雜錄荀卿之語」 案以下諮篇多與他傳記諸子同。

「此以下皆苟卿及弟子所引記傳雜事故總推之於末」堯問篇末一段為他人論荀子之語楊云 「荷卿弟子之辭」 宿坐第二十八 子道第二十九 法行第三十。 哀公第三十一。 堯問第三十二 楊云:

晏子春秋

文總目作十四卷則每卷又析爲二也其書與經子文辭互異足資參訂處極多歷來傳注亦多稱 引決非偽書玉海因崇文總目卷帙之增謂後人采嬰行事為書故卷帙頗多於前實爲妄說孫星 此書漢志八篇史記正義引七略及隋唐志皆七卷蓋後人以篇爲卷又合雜上下爲一篇崇 百二十九

衍已辨之矣前代箸錄皆入儒家柳宗元始謂墨氏之徒爲之晁公武讀書志文獻通考經籍考遂 됦

崔慶刧將軍大夫盟章晏子飲景公酒章卷七景公飲酒章皆引詩 引墨子之言者僅兩條 每章卷五景公惡故人章答家老章亦稱會子以聞孔子又卷四叔向問齊德哀子若何章卷五 引墨子之言者僅兩條 卷三景公問聖王其行若亦皆稱美晏子之言又卷四晉子問不諫上不顧民以成行義者章卷五晉子將行晏子送之以言章皆引曾子之事晏子居喪遜亦皆稱美晏子之言又卷四晉子問不諫上不顧民以成行義者章卷五晉子將行晏子送之以言章皆引曾子之事晏子居喪遜不論卷三景公問欲善齊國之政章則晏子對辭稱聞諸仲尼卷五晏子使咎仲尼以爲知聽卷七仲尼稱晏子行補三君而不有不過卷三景公問欲善齊國之政章則晏子對辭稱聞諸仲尼卷五晏子使咎仲尼以爲知聽卷七仲尼稱晏子行補三君而不有不過卷三景公問。 **詆毀孔子者惟外篇不合經術者一至四四章耳陳義亦多同儒家而與墨異以入墨家者非也**。

書引君子之言亦頗多。 全書皆記晏子行事其文與左氏複者頗多左氏之「君子曰」究爲何人之言舊多異說今觀 子之晉睹齊縣越石父章卷六景公欲更晏子宅章下皆有「君子曰」卷五景公使晏子予卷三莊公問威當世服天下草卷五齊饑晏子因路聽之役以振民章景公夜從晏子飲草晏

各往往捃摭

故足以考見舊式亦可貴也。 審以孫星行校本為最便吳頭覆刻元本前有都凡每篇有章次題目外篇每章有定著之

墨子

墨家宗旨日尚賢日尚同日 兼愛日天志曰非攻日節用日節葬日明鬼曰非樂日 非命今其

門以下諸篇為古兵家言墨翟非攻而主守此其守禦之術也非儒公孟兩篇專詩難 魯問三篇皆雜記墨子之言此外經上下經說上下大小取六篇爲名家言今所 書除各本篇外法儀則 論天志七惠鮮過爲節用之說三辨亦 論非樂公翰闡非攻之旨耕柱貴義 謂 論 儒家, 理學 心備城 而修身、

南要略謂「 道之證。夏 親士所染二篇實爲儒家言。修身親士二篇與大戴禮官子五事相表裏當決 故背周道而 令墨子書引詩書之鮮最多。予昔嘗輯之然但及其引詩書之及其本文確爲供詩百家中惟儒家最令墨子書引詩書之鮮最多。予昔嘗輯之然但及其引詩書之文及其本文確爲供詩百家中惟儒家最近而用夏政」其說實爲可據見辨梁任公陰陽五行戰之來歷又案墨子書七愚篇引周書之解實當作夏 墨子學儒者之業受孔子之術以爲其禮煩擾而不悅厚葬瞭財而貧民, 因有疑其非墨子書者予案淮 服 傷 m

得躬道之而躬自蹈之殊不知墨之非儒僅以與其宗旨相背者為限(見下)此外則未嘗不同。 又皆與儒家之說不背卽可知其學之本出於儒或謂墨之非儒謂其學「累世莫殫窮年莫究」安 重法古故孔子之作六經雖義取創制而仍以古書為據墨子多引詩書既為他家所無 而 其所 且

「有必不能異者公孟篇「子墨子典程子辯稱於孔子程子曰非儒何故稱於孔子也子墨子

曰: 而不可易者也今鳥聞熱旱之憂則高魚聞熱旱之憂則下當此雖禹湯爲之謀必不能

經

子 解 雘

是亦當

公尚過 易矣翟曾無稱於孔子乎」又貴義篇「子墨子南遊使衞載書甚多弦唐子見而怪之曰夫子教 非夫讀之而不知其要又謂已知其要者不必更讀耳非謂凡人皆不當讀書也其「三表」之說即 个若過之心者數並於精微同歸之物旣已知其要矣是以不教以書也」然則墨子之非讀書亦 日播世直而已今夫子載書甚多何也子墨子曰翟聞之同歸之物信有誤者是以書多也。

謂上本之古聖王之事而安得不讀書其稱引詩書又何怪焉然則墨子之學初出於儒後雖立異, III 有 其異仍有其同者存此三篇亦未必非墨子書矣(墨學與他家特異之處及其長短已見前)

三篇隋唐志僅存墨子隨巢子胡非子(舊唐志無隨巢子)宋志則僅存墨子矣通志藝文略墨子 墨家之書漢志箸錄者除墨子外又有尹佚二篇田俅子三篇我子一篇隨巢子六篇胡非子

為之校注其後治墨子者亦有數家孫治讓乃集其成而成墨子閒計而其書始煥然 傳授外絕治其書者亦尠書中既多古言古字又包名家兵家專門之言途至幾 有樂臺注晉書隱逸傳載魯勝星辯注敍今其聾皆不傳墨子上說下教文最淺俗說 不可 本易通 大明然名家 讀。 清畢沅始

言在中國人成絕學孫氏創通其說闕憾猶多近人得歐洲名學以相印證而其說又有進梁啓超

刻於河南惜未得讀學衡雜誌載永嘉李氏笠定本墨子間詁校補序則似僅寫定而未刊行 墨經校釋胡適中國哲學史大綱上卷中涉墨學者皆可讀也予所知又有張之銳新 考 正墨 經注, 也。

親士第一 修身第二 所染第三 此三篇皆儒家言已見前所染篇上半與呂氏春秋當

學派非謂書卽其人所著則此等處正不足疑矣。

法儀第四 此篇爲天志之說。

此篇論節用之義兼及守禦。

七患第五

也。 三辯第七 此篇爲非樂之說。 孫云「此篇與節用篇文意略同。羣書治要引幷入七患篇此疑後人妄分非古 篇中載程繁之問與墨子之答解不相涉今案此篇本有關

文墨子答程繁之辭蓋亦有闕也。

纒 子 解 題 **尚賢下第十** 凡尙賢尙同等篇文字皆極累重蓋墨子上說 百三十四

尚賢上 一第八 尚賢中第九

下教强聒不舍故其辭質而不文也。 尚同上第十一 尚同中第十二 尚同下第十三 三篇相複緟中最詳上最略以中上二

篇相校顯見上篇有闕尙同以天爲極則說與天志相通。 滅異論固不可而是非太無標準亦有害戰國時正值奉言清亂之際所患者不在異論之不申而 **尚同之義或有譽其近於專制者然刻**

是尚同· 在是非太無標準令人無所適從時勢不同未可以令人之見議古人也且彼固主選賢以爲長矣, 兼愛上第十四 亦即同於賢者也而又何訾焉。 氣愛中第十五 **全型下第十六** 亦三篇相複緟而上篇最略。 兼愛為

墨家之根本義讀墨子書當一 非攻中第十八 切以是貫通之。 非攻下第十九 亦首篇最略但言其不義中下篇則兼

营其不利且多引古事。 非攻上第十七 節用上第二十 節用中第二十一 節用下第二十二 上篇校略中篇校詳兼有及節葬

之語下篇亡。 篇中欲限民昏嫁之年以求庶以入力爲生財之本因節用而兼及之也。

節葬上第二十三 節葬中第二十四 節葬下第二十五 上中皆闕。 節葬之說亦見節

用中篇及非儒宜參看。 天志上第二十六 天志中第二十七 天志下第二十八 此篇言墨子所制葬法與禹同亦墨子用夏道之證。 亦三篇相複種。 以兼愛為天

志而非攻又云「無從下之政上必從上之政下夫爲政於天子」則其義又與上同通 也。

明鬼上第二十九 明鬼中第三十 明鬼下第三十一 上中皆闕。 論理並無足取但引

實利而其道大殼使人不堪故多爲諸家所難。 志謂墨家「完配嚴父是以右鬼」鬼者人鬼明鬼蓋亦亦夏教也。 古事及夏商周之書以實之案論語言[禹致孝乎鬼神]據禮記祭法則嚴父配天實始於於禹漢 非樂上第三十二 非樂中第三十三 非樂下第三十四 中下皆闕。 非樂之旨太偏於

之古聖王之事下察之百姓耳目之實發爲刑政中百姓人民之利令上篇之論大致本之古聖王, 非命上第三十五 非命中第三十六 非命下第三十七 此篇謂言有三表三表者上本

百三十五

中篇 大致考之耳目之實下篇則言為政也然則其餘分為三篇者亦必有 題 區別特今或偏亡或

編 次混亂遂不可見耳。 非命之說亦見非儒篇中宜參看。

之旨 昭不舍之風背於貴義之旨也蓋墨之非儒如此皆以與其宗旨不同者爲限原無害於其說之本 以其不如非攻之論之徹底也非其徒古其服及言非其君子若鐘擊之則鳴弗擊不鳴以其無強 食惰作務以明貴儉之義也非其循而不作以與背周用夏之旨不合也非其勝不逐奔揜函 上篇亡。 下篇所言非其喪服及喪禮以其違節葬 非其貪飲 一弗射,

師 出 此 『言存其意』 誠 於儒矣此外祗嘗孔子之詞多涉誣妄則諸子書述古事者類然因其說出於傳述不能無誤也。 不 必皆墨子之言亦不必遂非墨子之說當時傳其家之學者或推行師意而自立說或祖述 m 易其辭固不能一一 分別。畢氏必辨為非墨子之言殊可不必矣。 非儒之論 亦見

經上第四十 經下第四十一 經說上第四十二 經說下第四十三 大取第四 十四

耕

杜公孟二篇

温度参看。

說凡四篇蓋卽指此大小取之取孫詒讓謂卽取譬之取蓋是六篇惟小取篇較易解餘皆極難解外取第四十五 以上六篇皆名涿≣經詢自釆綵烹烹品。 以上六篇皆名家言經說卽釋經者魯勝注墨辯敍謂「墨辯有上下經經各有

宜參 看近人著述已見前」

有難公孟子非儒之言疑公孟篇簡錯也。 耕柱第四十六 此篇多非儒之論皆墨子與公孟子旗鼓相當 貴義第四十七 此 兩篇皆雜記墨子之言論明鬼貴義非攻棄愛等事。 儒複者。非 間有雜記墨子之言

叉

魯問第四十九 此篇多非攻之論亦及勸學貴義明鬼。

興

非儒無涉者。

公孟第四十八

口口第五十七 公輸第五十 城門第五十二 山 篇 第 五 十 備水第五十八 此篇亦言非攻。 備高臨第五十三 口口第五十九 [[]]第五十四 <u>口口</u>第六十 口口第五十五

備突第六十一 一百三十七

備穴第

備梯第五十六

二十八

六十二 備蛾傳第六十三 口口第六十四 □□第六十五 口口第六十六

篇皆專門家言不易曉讀一過就其可考者考之可也**(凡讀古書遇不能解者亦**仍須讀一 十一篇今亡五十一五十四五十五五十七五十九六十六十四六十五六十六六十七共十篇諸 七 迎敵祠第六十八 旗幟第六十九 號令第七十 雜守第七十一 自備城門至此凡二 過, 不

氏據明吳寬鈔本當養篇目以備城門為五十四備高臨為五十五册末吳氏手跋云「本書七十 得跳過以單詞隻義亦有用處且絕學復明往往自一二語悟入也) 今墨子目錄為畢氏所定孫

實如此 篇其五十一之五十三五十七五十九之六十六十四之六十七篇目並閦」云云是吳所據本 也。

公孫龍子

事未有能善者此固至淺之理而亦不諍之論也然深求之則正有難言者何者名實之宜正爲一 正名之學淺言之本爲人人所共知亦爲百家所同韙蓋欲善其事必求名實相符名實不符,

淺者恆 **爪之談**。 書傳 然眞 卷个僅存六篇蓋已非完帙通志載陳嗣 司馬 所共韙而名家之學又爲諸家所共非孔穿謂「 則深求乎名實之原以求吾之所謂名實者之不誤是為純 以爲治而吾之所謂名實者先自舛誤則南 事吾之所謂名實者果否真確又為 言正名之可以爲治而其所謂名實者則不 絕無 者 談謂名家「專決於名而失人情」皆以常識難學 理必自此 此 極 為人人所共知語其深者則又為人 足觀 書雖亦 少墨經及經說皆極簡 讀 而 難通然 者如欲 明; 眞 理 深求當先於論 既 既明而一切措施乃無繆誤此 非若墨經之簡與又非如 質又 一事前說固夫人所共喻後說或皓首所難窮使 經錯 古賈士隱兩注皆不傳今所傳者為宋謝 理 學 人所 亂, 越乎常識 轅而 求深造然後參以名家之說散見他書者, 難讀。 共駭; 言減 北 其轍矣職品 此 外惟 人也夫學術至 兩耳甚易而實是言減三耳甚 此 之所知此可稱應用 亦無 固 見莊子天下列子仲尼雨 不容以常人之淺見相難矣今名家之 理 可 一派則名家之學是也天下 是故正名之學遂分爲二派(一)但 如何之事故正 高深處誠若不 寶也漢志十四篇唐志三 派儒法諸家是 名之理 希 深注。 篇 能 難 執 亦 直 雖爲名家 而 IE 全係門 東 接 實 事 也。 名之術 應用; 非; 語其

經

思 之也。

性誦注所履為迹迹 此篇先總敍 與 跡 同。 下諸篇 公孫 皆 龍之學術次段龍與孔穿辨難與孔叢子略同愈樾日 其言, 獨 此 篇是實 學 事故謂之跡府者聚 心言 其 事 楚辭

雜集。樓

白馬論第二 此篇言白馬 非馬, 他 稱 引 者最 多。

之是 也。 案莊子「指窮於為薪火傳也不知其 指物論 無 非,至 第三 非之非無是此 此籍言 眞是非也若夫是於此而 「物莫非指 m 盡 指 也。 非指。 歷來 4 注家, 非於彼非於此 指 也 者天下之所無也物也者天下之所 皆不得確解今案淮 丽 是於彼者此 南齊 之謂 俗訓 是 至 是 有

則非 也。 也。 文也 故 此 東 是非, 向 爲文者則 iffi 望 隅 不 曲 非武 見 也, 夫 西 也文武 牆; ____ 是 南 非字 面 更 而 相 宙 視, 非, 也; 不 覩 | 山通於異時異地而言之則又不然 而 北方惟無 不知時世之用也此見隅曲 派所嚮者則 一 無所不 氾論訓 通。 之 以 指, 隅 而 曲 今世之為武 不 知八 計 指 極 與 之廣

非

大

極

對言則隅曲當作

地方指字當作一

方向解莊子「指窮於爲」四字當斷句言方

向

迷於

變化耳此篇之[指]字亦當如此解言人之認識空間乃憑藉實物天下只有實物更無所謂空間

破常人實物自實物空間自空間之經想耳。

蓋言統類之名均非實有。 通變論第四 此篇言「二無一」「羊合牛非馬牛合羊非雞」「靑以白非黃白以靑非碧」

堅白論第五 此篇謂「視得白無堅拊得堅非白」蓋辨觀念與感覺不同。

之則「天地位萬物育」之理亦寓乎其中已故知詆名家為詭辯之學者實誣詞也。 其說甚精淺言之則法家「綜聚名實」之治儒家「名不正則言不順言不順則事不成」之說深言 物而不過焉實也實以實其所實而不曠焉位也位其所位焉正也以其所正正其所不正」云云, 名實論第六 此篇述正名之旨乃名學之用也其言曰「天地與其所產物也物以物其所

管子

營子一書最爲難解而亦最錯雜。 此書漢志列道家隋志列法家今通觀全書自以道法家

多然亦多兵家縱橫家之言又雜儒家及陰陽家之語此外又有農家言輕重諸篇論生計 縺 子 解 題

學理, 言 爲 最 商, 蓋亦農家者流也。 全書凡八十六篇與漢志合而亡其十四庫提要云「李

大率

重

農抑

後人 同處今檢管子近亡數篇恐是亡篇之內 附會多於仲之本書其他姑無論即仲卒於桓公之前, 而邃見之則唐初已非完本矣」又曰「今考其文大抵 而篇中處處稱桓公其不出仲手已無 恥 之現與惡人

疑

義

書中稱經言者九篇稱外言者八篇

稱內言者九篇稱短語者十九篇稱區言者五篇稱雜

矣。

者, 類孰為 篇者十一篇稱管子解者五篇稱管子輕重者十九篇意其中孰為手撰孰為 以 述 類 其 推。 逸 必由 事如家 後人混 傳之類熟爲推其義旨如箋疏之類當時必有分別觀其 而 之致滋疑竇耳。 予案某子之標 題, 本祇 取 表 記其緒言如 明 五篇 其為某派 明 題管子 學術, 語錄 非 之

謂書卽 為 後 人 其 所混 人 所箸。 亦理所可 (見前)管子之非出仲手 有然古代學 ·術多由 可以勿論古書存 П 耳相 傳。 一家之學 者大抵出 本未 |於叢殘| 必有首尾完具之書。 **級輯之餘** 原有 而 此

雜特甚與其隸之道法毋寧稱爲雜家則謂其必本 有條理亦尚未必然也今此書戒篇 有流

管子然則此書蓋齊地學者之言後人彙輯成書者耳法法篇有「臣度之先王」云云蓋治: 改革不盡與故事相符亦必有所原本此書所述制度固不能斷爲管子之舊亦不能決其 連荒亡之語與孟子述晏子之言同义其書述制度多與周官合制度非可虛造卽或 著書者意存 非原

此 學

度處頗多不能以空言解釋故極難治舊傳房元齡注晁公武以為尹知章所記四庫提要云 奏議而後人直錄之(尹注以臣為管子自稱恐非)亦可見其雜也 此書多古字古言又其述

書藝文志元齡註管子不著錄而所載有尹知章註管子三十卷則知章本未記名殆後 人微元齡名重改題之以炫俗耳」其注極淺陋, (甚至幷本書亦不相參校以致誤其句讀 人以知章 卽혪

誤文為釋)前人已多議之明劉績有補注今通行趙用賢桉本亦已擇要列入清人桉釋除王念

孫 讀書雜志兪樾諸子評議外又有洪頤煊管子義證戴望管子桉正章炳麟管子餘義三書然不

通者尚 多 也。

勢篇有解。 牧民第 形勢第二 此兩篇皆道法家言 道法家言者以後即不復出。此書以道法家言為主凡屬 理精深而文簡古。

{形

九敗關棄愛寢兵之說可知為

此篇言用其民以致富強之術(此術謂之權)

此篇凡八目多關涉制度之言其中九敗有解。

見古者立國之規模而仍歸其旨於無為則道法家言也。此篇難解。 乘馬第五 此篇為兵家言「七法」及「四傷百匿」二目言法為兵之本「為兵之數」言治兵

之術「瀝陳」言用兵之術也。 七法第六 此篇但言勝一服百而無彙幷之談蓋尚非戰國時語 此篇亦難

幼官第八 版法第七 復兩篇皆難解。 幼官屬第九(以上經言) 此篇言賞罰之道亦難解。 此篇有解。 此兩篇爲陰陽家言蓋本祇有圖後又寫爲書故二

五輔第十 此篇言王霸在人得人莫如利之利之莫如政文明白易解然仍簡質。

其解釋有在本篇之內者有仍別行者其仍別行者如有解諸篇是也即在本篇之內者如此篇是 宙合第十一 此篇先列舉若干句下乃具釋之案管子書中如此者多蓋經傳別行之體今

宙台有棗天地其義不傳」云云可見古哲學中之宇宙論。

也此篇篇首諸語蓋一氣相承而以末句名其篇注分爲十三目非也此篇極精深而

難解。

其

樞言第十二 理精而文簡質難解。

法禁第十四 八觀第十三 此篇言覘國之法文極質模卻不難解。 此篇言法禁其論法制不議與李斯主張焚書之理頗同種種防制大臣之術;

亦 必三家分晉田氏篡齊之後乃有是言殆戰國時物也。 重令第十五 此篇言安國在尊君尊君在行命行命在嚴罰說極武健嚴 以下三篇文皆樸茂卻不難解。 酷。 **案古言**

有別言法者主商君言術者宗申子見韓非子今商君書頗乏精義法術家言之精者皆在管韓二家 書中如此篇等者蓋皆主商君之法家言也 法術

法法第十六 此篇頗雜其言「鬭士食於功小人食於力」即壹民於農戰之意又云「令未

布而 民為之不可賞罰」云云則意與上篇同又云「民未嘗可與慮始而可與樂成功」則商君變

法之意蓋亦主商君之法家言也 篇中兩云「故春秋之記有臣弑其君子弑其父者」又云「政

者, 生規矩不能廢規矩而正方圓雖聖人能生法不能廢法而必治國」又云「凡民從上也不從口之 |也正也者所以正定萬物之命也是故聖人精德立中以生正明正以治國」又云「巧者能

其成功也」皆與儒家言相近。 所言從情之所好上之所好民必甚焉」又云「賢人之行其身也忘其有名也王主之行其道也忘 論廢兵數語與上下皆不貫疑下篇錯簡。 篇中有「臣度之先

兵法第十七(以上外言) 此篇爲兵家言文極簡質。

王者」云云疑直錄後人奏議(見前)

此篇蓋雜凑而成也。

大医第十八 中医第十九 小匡第二十 此三篇皆記管子之事其中大匡上半篇及小

匡「宰孔賜胙」一段與左氏大同餘皆戰國人語述史事多頗謬蓋傳述管子之事者之辭

以大事匡君」蓋認 至後半篇以下其事大略一貫大中小蓋猶言上中下因篇幅繁重分為三篇耳註釋大匡曰「謂医後半篇以下其事大略一貫大中小蓋猶言上中下因篇幅繁重分為三篇耳註釋大匡曰「謂

此三篇述史事不甚可據而中小匡中關涉制度之處頗多足資考證。

王言第二十一 霸形第二十二 此篇記管仲隰朋說桓公之事多與他篇複其文則戰國時之文也。 Ċ,

(禁說理頗精而此篇無甚精義疑原文已亡而後人以雜說補之也。

謀失第二十五 問第二十四 此篇列舉有國者所當考問之事可見古考政治之精密文亦簡質。 **飘言第二十三** 此篇多縱橫家及兵家言其文亦戰國時之文。 ť.

也(參思篇與晁錯言兵事曹多同蓋古兵家言而錯引之) 地圖第二十九 參惠第二十八 制分第二十九 此三篇皆兵家言其文則戰國時之文 戒第二十六(以上內言) 此篇與儒家言相似處最多其文亦戰國時之文也。

其文亦戰國時人之文。 君臣上第三十 君臣下第三十一 此兩篇言君臣之道道法家言為多間有似儒家言處。

小稱第三十二 此篇論敬畏民罍之理文頗古質。 末記管仲戒桓公勿用易牙豎刁等事 一百四十七

子 解 題

經

典戒篇大同小異與上文全不貫蓋亦他篇錯簡。

四稱第三十三 亡。 此篇記桓公問有道無道之君及臣而管子對文類古質。

正言第三十四 修靡第三十五 此篇極難解且與侈靡有關之語少而篇幅極長蓋亦雜漆而成也。

末段

章氏管子餘義以爲讖。 心術上第三十六

此篇亦言哲學文簡質難解。 心術下第三十七 兩篇皆言哲學文頗簡質。

白心第三十八

水地第三十九

此篇文尚易解語多荒怪然頗有生物學家言亦言古哲學者可實之材料

五行第五十一 此兩篇爲陰陽家言。 也。

{四

1時第四十

勢第四 正第四十三 + 此篇言道德法政刑相一貫之理道家之精誼也 此篇爲道家言文極簡質。

百四十八

九變第四十四(以上短語) 此篇爲兵家言文尙易解。

法有解。 任法第四十五 明法第四十六

正世第四十七

此三篇皆法家言文皆明白易解。

腿

明白易解。

又似有雜神仙家言處。 治國第四十八 內業第四十九(以上區言) 此篇言重農貴粟之理, 文簡質難解。 此篇蓋言治心之法故曰內業多道家言偶有與儒家言類處

小問第五十一 封禪第五十 注云「元篇亡今以司馬遷封禪書所載管子言補之」 此篇首節言兵次節言牧民此外皆記雜事無甚精義而頗涉怪迂

言與幼官四時五行相出入蓋亦他篇簡錯也。

七臣七主第五十二

禁藏第五十三

此兩篇亦法家言而甚雜兩篇各有一

節爲陰陽家

入國第五十四 此篇言九惠之政文甚明白。

九守第五十五 此篇言君人所當守文簡質然易解。

桓公問第五十六 此篇言嘖室之議頗合重視與論之意文亦明白。

先秦學術雖不尙迷信然哲學原出宗教故各種學術多與陰陽家言相雜 度地第五十七 此篇言建國之法於治水最詳。 「冬作土功夏多暴雨」云云亦陰陽家言 也。

地員第五十八 此篇言地質及所宜之物農家言也專門之學殊不易解。

涉; 亦 可見管子書之雜也。 言昭第六十 第子職第五十九 終身第六十一 此篇記弟子事先生之禮皆四言韻語蓋曲禮少儀之類與管子書全無 此篇莊述祖有集解別為單行本一卷。 問霸第六十二(以上雜篇)

牧民解第六十三 以上四篇皆亡。

亦未必韓非所作蓋老子書本有此傳耳。

臣乘馬第六十八

管子解)

以上四篇爲解與

形勢解第六十四

立政九敗解第六十五

《原文別行者文皆明白易曉 尹注疑:《九敗解第六十五 版法解第六十六

疑為韓非解老之類吾謂解老

明法解第六十七

以上

乘馬數第六十九 問乘馬第七十

事語第七十一

海王第七十二

第七十三 山國 軌第七十 四 山 權數第七十 五 山至 製第七十六 地 數第七十七

揆度第七十八 國 准 第 七十九 輕重 甲第 八十 輕 重 乙第八十 輕 重 丙第八十二

輕重丁第八十三 兩篇諸篇文字大致明白而 輕重戊第八十四 亦間 有難解處所言皆生計學理大致可分爲三端 以上皆管子中所謂輕重之篇其中亡第七十及八十二 (一) 畜藏斂散

(二)鹽鐵山澤(三)制民之產蓋法者正 也正之義必有取 於平而致民之不平莫大貧富之懸隔。

故法家欲以予奪貧富之權操之於上其言最與近世之所謂國家社會主義者近此義未必可行於今

輕重己第八十五(以上管子輕重) 此篇以輕重名 而皆陰陽家言蓋誤 入 、輕重

也。

韓非子

韓非子

百五十二

治以 物 者, 之威 桕 實當東周之世競爭 自廣義言之法蓋可以該 藉 之實 應 與 國. 以 以治治民之人言法者宗商君言術者祖 綜 虐民。 則 刑 治於 權, 莫不以治 一聚名實, 亂就 狀, 名 不 在古 加 法 能 人者之分然同 以 速下; 通常之言論察 術; 稱 世 代國 人者別 則法家之學 謂之謂 毎連 民 旣 俗 小 亦日益 稱不加分別, 烈, 成 民 術故 也。 求存 寡, 是 **人也治於** 凡言 也。 階級 風氣 其名實是否相 沿是學 澆瀉。 其國, 故形名二字實爲名法家所共審 理 醇 爲 音名質相容 其實非也的 樸之時, 故往 固不 息。 者, 其所 人者 但稱 得 往 應, 不 謂 되 固 法令滋章則姦詐 以求 應則是名實不 刑名之刑本當作形形者謂 以嚴 申子兄本書定法篇法家之學, 須 不 法家若分別言之則仍各有其 利, (治) 是得 上不 如 是天 知 肅之法整齊其民且後世 識 颠 下無政 之精確是爲名家之學操是 國 謂 合: 治 相 益 下 人 應則 不與 者 治 甚; 而名法二字亦 國家愈 ÉD 則 皆自 非; 民同。 三 既 言治者名實相 事物之實狀名則就事 有政 多所 行 善 政治, 義。 政官 世多以刻薄 而 法者所 可連稱。 治, 興 無 放任 吏然, 待於 作, 卽 術 不 官 以治民 以 應 治今 旣 法 民 能 吏 · 訾之 其 用 則 選 亦 久; 術 無 諸 治,

之議會亦未嘗不然世界之紛擾由於治於人者之蠢愚者固不能免出於治人者之狡詐昏愚嗜

立

世

界

治

入

愈

可

君 主

術

利 申子書已不傳世所傳商君書雖未必僞然偏激太甚, 無恥 切原本道德之論管子最精發揮法術之義韓非尤切二書實名法家之大宗也。 者殆有甚焉術家之言固猶不可不深長思也。 而精義顯少遠不逮管韓二書道法 韓非謂言法者宗商君言術者祖申子今

傳注之何犿謂出李瓚太平御覽事類賦初學記諸書已引之則其人當在宋前然其注頗不備且 有好誤何孙本刻於元至元三年明趙用賢以宋本校之知有缺脫用賢刻本與明周孔数大字本 韓非書漢志五十五篇隋新舊唐書宋史志二十卷皆與今本符唐志有尹知章注今亡今所韓非書漢志五十五篇隋新舊唐書宋史志二十卷皆與今本符唐志有尹知章注今亡今所

同四庫 沙王先謙合諸家梭釋而成韓非子集解一書實最便觀覽也 為梭而靡刻之(顧氏識誤三卷刻原書之後)顧氏而外盧文弨王念孫兪樾於是書亦有梭 據周本著錄而校以趙本然趙本實多誤改清吳顯得朱乾道刻本爲趙本所自出。 見戰國策為張儀說秦惠王之詞蓋編韓子者誤入之司馬光以此譏非 魔廣圻 識。

存韓第二 韓非子 此篇載非說秦毋攻韓次以李斯駁議請身使韓秦人許之斯遂使韓未得見因 欲

· 覆宋國非

也。

初見秦第

此篇

上書韓王蓋編韓子者存其事以備考也

難言第三 此篇**即說**難之意。

愛臣第四 此篇言人君防制其臣之術術家言也。

主道第五

此篇言人君當虛靜無為以事任人可見法家言之原出於道。

有度第六 此篇言君當任法以御下多同管子明法篇。

此篇十之九爲四言韻語蓋法家相 此篇言無為之旨君操其名而使臣效其形去智巧勿授人以柄可見刑名法術, 此篇言刑德為制臣之二柄不可失又言人君不可以情借臣當去好惡 傳誦習之詞 也。

而任法。

十過第十 八姦第九 此篇言人臣所以成姦者有八術亦術家言。 此篇無甚精義。

皆原

於道。

楊權第八

二柄第七

實

人主相反術家之精言也。 此篇言智能法術之士與權奸不兩立智能法術之士恆難進然權奸之利,

奥

孤憤第十一

龍難第十二 此篇先陳說之難繼言說之術極精。

和氏第十三 此篇言法術爲人臣士民所同惡可見「法」之與「術」雖名異而理實相 通。

驗名實次節言學者不知治亂之情但言仁義惠愛世主不察故法術之士無由進皆言用人之術, 姦劫弑臣第十四 此篇言君以同是非說其臣於是臣以是欺其主而下不得盡忠故 必參

亦術家言也未節「厲鱗王」國策荀子皆作荀子答春申君書。

之界說也 (二) (1) (1) (1) (1) 此篇列舉可亡之事而曰「亡徵者非曰必亡言其可亡也」乃自下亡徵二字

三守第十六 (一)戒漏言(二)戒假威(三)戒不自治事而假手於人亦術家言。

故其說事切也大抵人類惡濁之性恆人不甚樂道出而法術家務揭舉之故常爲世所嘗然其 之死故有因后妃太子以成其姦者看似刻覈然於後世權奸宮闈之禍若燭照而數計其見 備內第十七 此篇言人臣之於君非有骨肉之親故窺覘其君無已時而后妃太子亦利 理明,

理則甚精而於事亦多驗固不可不措意矣。 又言王良愛馬為其可以馳驅勾踐愛人乃欲用以

說

戰鬪則法家刻酷之論矣建國原以為民欲保國者有時原不能曲顧人民然若全忘人民之利益, 視若專供國家之用者然則流連而忘本矣此則法家之失也。 百五十六

甚精。

南面第十八 此篇言人君當任法以御臣不可任甲以備乙亦術家言也末節言變法之理

應百事韓嬰之作詩外傳卽如此凡古書之有傳者實皆如此 解老第二十 飾邪第十九 此篇皆釋老子之言義甚精然非必老子本意蓋治學問者原貴推廣其意以 此篇主明法以爲治戒信龜策恃外援可考見戰國時迷信及外交情形。 也。

日 說林也此可見古人「多識前言往行以畜其德」之義。 喻老第二十一 上篇釋老子之意此篇則舉事以明之。 說林上第二十二 說林下第二十三 此篇列舉衆事藉以明義史記索隱謂其多者林故

觀行第二十四 安危第二十五 守道第二十六 用人第二十七

體第二十九 以上六篇皆法術家言大體篇亦及因任自然之旨與道家言通篇幅皆短 功名第二十八

伏

內儲說上第三十 內儲說下第三十。一 外儲說左上第三十二 外儲說左下第三十三

難勢第四十 難任勢爲治之論。 難之四則旣難之後更有難難者之語剖析精微可見法術家綜覈名實之道。

難一第三十六

難二第三十七

難三第三十八

難四第三十九

問辨第四十一 非民以學議法李斯焚書之理如此。

家游說之士雖盛然多出自疏遠能執國之柄者蓋少故韓非發憤屢言之術家言之所由與也。 問田第四十二 此篇言法家不憚危身以嬰暗主之禍案戰國之時大臣跋扈率多世祿之 此篇言法與術之別。

說疑第四十四 此篇亦言人主御臣之術多引古事以明之。

定法第四十三

龍使第四十五 此篇言利與威與名所以爲治然眞能用之者少。

題

之精義已具於此及五蠹飭令制分三篇已 六反第四十六 此篇舉姦偽無益之民六謂其皆足以毀耕戰有益之民又關輕刑商君書

人寡而物多故輕利而易讓後世生計窮蹙則不能然天下無有利無害之事但在權其大小治國 八說第四十七 此篇舉匹夫之私譽而爲人主之大敗者八事又言法令必人人所能古者

者不可恃愛皆法術家之精論。 八經第四十八 (一)凡治天下必因人情人情有好惡故賞罰可用(二)力不敵衆智不盡

物與其用一人不如用一國故君當用人之智而不自任其力(三)言臣主異利(四)言參伍之道。 於官法不貴法外難能之行亦法術家極精之論。 (五)言明主務周密(六)言參聽及言必責實之道(七)言寵必在虧利必在祿(八)言功名必出 此篇言聖王不期修古不法常可論世之事因爲之備卽商君變法之旨。

又言文學非急務取嘗於糟糠不飽者不務粱肉短褐不完者不待文繡可見法術家言雖 重實利然自為救時之論非謂平世亦當如此也。 五蠹第四十九 **篇末關縱橫之士謂其徒務自利。** 此外大旨 刻

羅學第五十 此篇闢儒墨亦精。

忠孝第五十一 此篇非尙賢。

人主第五十二 此篇戒大臣太貴左右太威亦術家言。

書靳令篇同商君帮亦有

竹介第五十三

此篇言人君任人當以功而不可聽其言又主重刑厚賞利出一孔與商君

者嚴酷而其意實主於利民而尤足為民治時代之藥石蓋求利是一事真知利之所在又是一事 心度第五十四 此篇言聖人之治民不從其欲期於利之而已其說甚精可見法家之治雖

人民自主張其利益者往往不知利之所在欲求利而適得害故先覺之言不可不察 制分第五十五 此篇言相坐之法亦商君所以治秦也。

也。

商君書

商君書

百六十

一十八篇亡其一。 3志法家商君 殿萬里得元刻本凡二十六篇而中亡其二實二十四篇史記商君列傳: 書二十九篇隋新舊唐志皆五卷通志謂二十九篇山其三直齋 書錄解題謂 一太史

君警有此名。 義與今書開塞篇不合晁公武謂司馬貞未嘗見其書妄爲之說今案開 恩惠則政化塞其意本於嚴刑少恩又爲田開阡陌及言斬敵首 公曰余讀商君開塞耕戰書與其人行 非專指一 兩篇索隱意亦如此晁氏自誤解也尉繚子兵教下「 事相類」索隱「 \neg 案商君書開謂刑 賜虧是耕戰害也」 塞耕戰 嚴 開塞謂 峻則 蓋總括全 政化開, 所 分 地 釋 工書之旨, 以 開 寒 限, 布

於農戰 而 、其職 疑今書爲僞亦非也今商君書精義雖 7一語 其中 而 堅守。 此開塞二字古義索隱庸或誤釋然謂其未 可考古制及古代社會情形處頗 不 逮管韓之多然要爲古 多亦可貴也此 見商君書固非或又以 口書非偽撰 書有朱師轍解計 全書宗旨 與索隱不 最 便 盡於 觀覽。 民

W與與史記 便法 第 商 君列傅大同。 此篇主抑商廢學以重農說多偏激。 此篇 記孝公平畫公孫執甘龍杜摯三大夫御於君鞅主變法甘龍 杜摯難

農戦第三 此篇言官虧者人主所以勸民而國以農戰奧當使民求官虧以農戰又論絕學

及去商買技藝。

去強第四 此篇主峻刑法金粟互生死一節亦涉及生計。

各舉其職人君不可下侵臣事法家多重「鄉治」由此。 說民第五 此篇言任地之法亦及重刑賞以一民於農戰之意。 此篇亦主嚴刑重農戰之論其云[家斷有餘官斷不足君斷則亂]則言人臣當

他篇互見。 刑之論。 開塞第七 算地第六 壹言第八 此篇背爲原君之論其言以亂而求立君頗合歐西民權論中之一派下爲主嚴 此篇言尚農戰下辯說技藝絕游學杜私門又言不法古不修今因勢而治皆與

錯法第九 戰法第十 附君書 立本第十一 兵守第十二 三篇皆論兵事多闕誤難讀。

此篇論賞罰。

一百六十一

之所 爲天下治天下今則不然公私之交存亡之本也」亦廓然大公之論。 治不勝其民此謂六蝨勝其政也」其詞錯亂未知其說。 仁義曰非兵曰羞戰國有十二者上無使農戰必貧至削十二者成羣此謂君之治不勝其臣官之 刑約第十六 **被民第十五** 第十七 此篇言任人當以功不當以言又言重刑輕賞利出一孔去強篇曰「蝨官者 亡。 此篇言聖人之爲國也壹賞壹刑壹教壹賞謂利祿官舒專出於兵壹刑謂刑 此篇言秦患上滿三晉反之當利其田宅復其身以徠三晉之民頗有精論。 此篇言國所以治者三(一)曰法(二)曰信(三)曰權法與信君臣所共權君一雖勝其政也」其詞錯亂未知其說 此篇同韓非子飭令篇本書標題亦

書策第十八 此篙言勝敵必先自勝亦主壹民於戰。

無等級壹教謂富貴之門專於戰。

境內第十九 此篇言戶籍及軍爵

弱民第二十 此篇言民強則國弱民弱則國強乃以人民為國家機械之論

111第二十一 亡。

外內第二十二 此篇言重農戰之理。

禁使第二十四 君臣第二十三 此篇言君不可釋法亦及重農戰之論。 此篇主勢治。

以效其能則雖險不得爲詐」二語乃一篇主旨也。 慎法第二十五 此篇言人主御下之術「使吏非法無以守則雖巧不得爲姦使民非戰無

定法第二十六 此篇言立法行法及司法之官吏可以考見古制。

尹文子

此書言名法之義頗精然文甚平近疑經後人改竄矣按漢志尹文子一篇隋志二卷四庫提 尹文子

百六十三

氏不知為誰李淑邯鄲書目以為仲長統然統卒於建安之末與所云黃初末者不合晁公武因此道上篇下篇與序文相符而通為一卷蓋後人所合幷也序中所稱熙伯蓋繆襲之字其山陽仲長要云「前有魏黃初末山陽仲長氏序稱條次撰定為上下篇文獻通考箸錄作二卷此本亦題大要云「前有魏黃初末山陽仲長氏序稱條次撰定為上下篇文獻通考箸錄作二卷此本亦題大 而疑史誤未免附會矣」案四庫著錄之本與今通行本同此序恐係偽物羣書治要引此書上篇

篇實包含若干短章因排列失次其義遂不易通蓋條次撰定者於此學實未深造此篇蓋漢志之 題大道下篇題聖人與今本不合則今本尚定於唐以後也今本兩篇精要之論多在上篇中然上

舊其文字平近處則後人所改下篇由雜集而成蓋後人所附益非漢時所有故漢志一篇隋志]。 二卷也今略料揀上篇大意於下學者依此意分節讀之便可見此書之意矣。 此書之旨蓋尊崇道德故謂道貴於儒墨名法非法術權勢之治所得比倫夫所貴於道 者為

矣然此非可安坐而致故必藉法以致之所謂「道不足以治則用法法不足以治則用術, 治也天下之所以治以物各當其分也蓋天下之物固各有其分物而各當其分則天下固 無為 而治也 無為而治非不事事之謂乃天下本 無事可為之謂天下所以無事可為者以其 已大治 術不足

無用, 者不騙; 備能 行法; 事」之一事不 非能舉天下之物爲之強定其分而使之守之也能使之各當其固有之分而已所謂 以治則用權權 雖 富貴富貴者不敢陵貧賤愚弱者不敢冀智勇智勇者不敢鄙愚弱道行於世則貧賤者不怨, 術與勢皆所以行 者簡之至進法者易之極」也夫任法之治固尚未能合道所謂「 經 於一 則 使不得用」也夫如是則「形以定名名以定事」之術不可不講矣天下萬事不 轉而轉不得不轉方者之止非能止而 後人重定失其次序,亦或有其文字疑亦有改易然諸書言形名之理未有如此篇 斷 愚弱者不懾智勇者不陵」是也然必先合於法而後可以蘄至於道欲蘄至於道 人賢者其猶病諸今也人君以一身任天下之責而其所操者不過 然 矣。 亦簡而易操乎故曰「以簡治煩惑以易御險難萬事皆歸於一百度皆準於 不足以治則用勢勢用則反權權用則反術術用則反法法用則反道」 欲定法 法; 法則所以斬致於道也法之蘄致於道奈何曰使天下之物各當其分 則必先審形名此形名之術所以為致治之要也上篇之大旨 止不得不止故因賢者之有用使不得不用 法行於世界 「形以定名名以定 則 貧賤 可備能 也。 夫 圓 之明 如 者 因 者之轉, 此。 者, 不 愚 而 法歸 此篇 已。然 必先 責其 敢

耀

六十六

學者宜細觀之。形名二字本謂因形以定名後世多誤爲刑

又此書上篇陳義雖精然亦有後人竄入之語如「見侮不辱見推不矜禁暴寢兵救世之關」

篇則決有偽竄處如「貧則怨人賤則怨時」一節斷非周秦人語亦全非名家之義也。 不肯如後人之逐條分列必以己意爲之聯貫識力不及者遂至首尾衡決亦非必有意作僞也下 乃莊子論尹文語此篇襲用之而與上下文意義全不相涉卽其竄附之證蓋古人之從事輯佚者,

愼子

列傳: 論環鴻著上下篇而田駢接子皆有所論焉」集解「徐廣日今愼子劉向所定有四十一篇」| 此書亦法家者流而闕佚殊甚漢志法家「慎子四十二篇名到先申韓申韓稱之」史記孟荀 慎到趙人田駢接子齊人環淵楚人皆學黃老道德之術因發明序其指意故慎到著十一

子有見於先無見於後」謂其物來順應更無他處即莊子「不師知處莊子以愼到與彭蒙田駢並稱謂其 正義「慎子十卷在法家則戰國時處士「按荀子謂「慎子蔽於法而不知賢」又謂

日至於若無知之物而已豪傑相與笑之曰愼到非生人之行而死人之理也」觀首莊二子之論, 棄知去己而緣不得已笑天下之尚賢非天下之大聖不師智慮不知前後推而後行曳而後往。

其學實合道法爲一家故史記謂其學黃老道德之術漢志以其書隸法家也。韓子難勢篇呂覽愼勢篇

辨德立君人五篇與今本合然今本每篇皆寥寥數行四庫謂叉出後 其書唐志十卷與史記正義合崇文總目三十七篇校漢志已損其五王應鱗謂惟有威德因循民 然如威德篇謂「古者立天子而貴之非以利一人也曰天下無一 人捃摭非振孫所見之舊已。 貴則理無由通通

則莫可得而用。」此化字實爲老子「化而欲作」之化字之確話雖闕佚亦可實也。 以天下自私又如因循篇謂「因則大化則細因也者因人之情也人莫不自爲也化而使之爲我, 天下也故立天子以為天下非立天下以為天子也」可見法家雖尊君權實欲藉以求治非教之 理以為

鄧析子

此書漢志二篇在名家隋志一卷四庫提要云「今本仍分無厚轉辭二篇然其文節次不相

子 解 題

粒

為如「在己為哀在他為悲」「患生於宦成病始於少瘳禍生於懈慢孝衰於妻子」等皆決非周秦 以足之歟」愚案此書有采掇先秦古書處又有後人以己意竄入處核其詞意似係南 屬似亦掇拾之本也」又云「聖人不死大盜不止一條其文與莊子同或篇章淺缺後人摭莊子 人語也偽竄處固已淺薄采掇古書處亦無精論無甚可觀。 北朝人所

呂氏春秋

篇次之」是也史記呂不韋傅謂不韋使其客人人著所聞集論以為八覽六論十二紀號曰呂氏 春秋」而自序及漢書遷傳載遷報任安書又云「不韋遷蜀世傳呂覽」案序意云「維秦八年歲 出民春秋爲維家之始畢沅所謂「書不成於一人不能名一家者實始於不章而淮南內外

繩 據本傳「號曰呂氏春秋」之語則四字當爲全書之名故漢志亦稱呂氏春秋然編次則當如梁玉 在浩灘」是時不韋未徙故有議史公之誤者然史公本謂世傳呂覽不謂不韋遷蜀而作呂覽也 初說先覺後論而終之以紀世稱呂覽蓋舉其居首者言之序意在十二紀之後尤其明證 畢氏

中專 以春秋名書由首十二紀之意古人著書以春秋名者甚多豈皆有十二紀以爲之首邪古書自序, 史通自序在內篇之末外篇之前因疑 論紀又各分爲若干篇亦後 前 篇今第一覽止七篇正 《 考作二十則又脫六字也玉海引王應麟謂「書目是書凡百六十篇」與今本篇數同盧文弨曰 例在篇末呂覽本無內外雜篇之名何得援唐人著述鑿空立 「序意舊不入數則尚 一十六篇自漢志以下皆同庾仲容子鈔陳振孫書錄解題史記索隱作三十六三蓋誤字文獻 半篇 作康 輒加之以求合其數而, **冰孝與此篇** 亦簡 氏 脱, 後人遂相附合幷序意為一篇以補總數之闕然序意篇首無六日二字後人 更無涉即豫讓亦難專有其名因疑序意之後半篇俄空焉別有 少一考序意本明十二紀之義乃末忽載豫讓一事與序意 少一篇此書分篇極為整齊十二紀紀各五篇六論論各六篇, 人所為非不韋書本然也此書諸覽論紀義皆 不 知 其迹有難 紀為內篇覽與論為外篇雜篇皆非 掩 也。 案盧說是也予謂此 立說乎。 此書合八覽六論十二紀凡 書篇數實止廿六今諸院 也禮連鄭注 百六十九 綫相承(說見後)固 不類且 所謂 八覽當各八 康孝者其 本無呂氏 舊 校云

泥禮運注疏

謂以十二紀居首為春秋之所由名(說本王應麟見玉海)四庫提要謂

唐

劉

知

別加標題四庫提要謂「惟夏令多言樂秋令多言兵似乎有義其餘絕不可曉」繆矣。 經

家言」實為卓證案書大傳「古者諸侯始受封則有采地其後子孫雖有罪黜其采地不黜使其此書雖稱雜家然其中儒家言實最多。今人指為道家言者實多儒道。四庫提要謂其「大抵皆儒 子孫賢者守之世世以祠其始受封之人此之謂輿滅國繼絕世」史記秦本紀莊襄王元

章所為不韋其能行儒家之義矣不韋進身誠不由正然自非孔孟孰能皆合禮義伊尹負鼎百里 與滅國繼絕世之義也史又稱是年「大赦罪人修先王功臣施德厚骨肉而布惠於民」亦必不 周君與諸侯謀秦秦使相國呂不韋誅之盡入其國秦不絕其祀以陽人地賜周君奉其祭祀。 元年。 東 ご郎

自鬻王霸之佐皆有之矣高似孫曰「始皇不好士不韋則徠英茂聚畯豪簪履充庭至以千計始

機始皇也」方孝孺亦稱其書「詆訾時君爲俗主至數秦先王之過無所憚」 皇甚惡書也不幸乃極簡册攻筆墨采精錄異成一家言春秋之言曰十里之間耳不能聞帷牆之 備天地萬物古今之事」(史記本傳語)原不為譏切一時然其書立論甚純而不章又能行之使 目不能見三畝之間心不能知而欲東至開晤南撫多鷃西服壽靡北懷儋耳何以得哉 夫不韋著書意在 此所以

此書之存焉亦可謂藝林瑰寶矣要之不韋之爲人固善惡不相掩而其書則卓然可傳譏其失而 除儒家言外亦存道墨名法兵農諸家之言諸家之書或多不傳傳者或非其眞欲考其義或轉賴 秦終相不韋或能行德布化以永其年不至二世而亡使天下蒼生亦蒙其茶毒未可知也今此書

忘其善已不免一曲之見因其人而廢其書則更耳食之流矣。

云注此書已成然未刊布今通行者仍為畢沅校本。 於稱引故實之間也高引楊雄語以詆呂氏畢沅卽摘高注誤處轉以是語相譏宜矣近人孫德謙 士賓客有能增損一字者予千金」高注多摘其書誤處謂楊子雲恨不及其時車載其金(見愼 {孟春 《 。 {紀 此 書注者惟有高誘其注誤處甚多史記謂不章書成「布咸陽市門縣千金其上延諸侯游 十二紀皆與禮記月令大同按此所述為古明堂行政之典淮南時則訓管子幼官

圖皆是物也此蓋同祖述古典參看論墨子處自明或以呂覽載之疑爲秦法誤矣。 孟春紀下標目凡四 日本生言養生之理。 曰重己言人當順性之情使之不順者爲欲故

題

必節之。 日貴公曰去私義如其題。 蓋天下之本在身春爲生長之始故孟春仲春季春三紀之

便識 下皆論立身行己之道而孟春紀先上本之於性命之精焉(諸覽論紀下之分目雖後人所爲 |別故今皆仍之而又說明其一綫相承之義,以見此書編次之整齊焉。

道家者乃徒欲修煉服餌以求長生其說不攻而自破矣。 迫生為下。」此言生活貴有意義尊生者非苟全其生命之謂其說極精後世神仙家言之自託於 仲春紀 紀下亦標四目 日貴生義與莊子讓王篇同又云「全生為上虧生次之死次之 日情欲言欲有情情有節聖人修節以

染前半與墨子所染篇同 止欲故不過行其情此情字當作誠字解今所謂眞理也不主絕欲而務有節實儒家精義。 交友之道而及人君用人之方也。 季春紀 下標四目: 而後文議論處異又云「古之善為君者勞於任人而佚於官事」蓋因私 日盡數言自然之力莫不為利莫不為害貴能察其宜以便生則年壽 曰功名言立功名必以其道不可強為。 臼當

其道而身善治其身而天下治是為無為可見所謂無爲者乃因任自然而不以私意妄爲之謂非 得長又云「長也者非短而續之也畢其數也」此可見求長生之謬矣 日先己亦言貴生之理反

職; 謂 無所事 主 執圜臣處方貴各當其職。 事也。 日論人前半言無為之理後半言觀人之法。 仲春、 季春二紀因修己之道旁及觀人用人之術 日圓道言 天道圜地道方各有分 而 極之於君

分職之理。 下標四目: 日勸學日尊師義如其題。

孟夏

夏紀

弟子事師之理

曰誣徒言教學當反諸人

平」鄭注「於讀為正五獨廣也大也」 故論為學之事。禮記文王世子「現於其君以善其身 故論為學之事 所生長者不可耳。」即今教育當重環境之說也。 情, 之本然 極精。 仲夏紀 下標四目 日用衆言取人之長以補 日大樂言樂之所由生並 己之短其日「吾未知亡國之主不 孟夏爲長大之始人之於學亦 | 駁非樂論頗精。 可 所以廣 以爲賢主 (大其身, 心其

侈大侈則失樂之情。

曰適音言大小淸獨之節蓋

卽

所謂

明禮 所自始末節 季夏紀 言亂國之主不知樂多侈陳災群之言「樂盈而進」故於夏長之時論之仲夏紀論樂之原 呂 氐 同樂記。 下標 記典 語處 禮 日制樂言治厚則樂厚治薄則樂薄下引湯文宋景公之事, 一曰音律言十二律相生及十二月行政。 日音初言東西 百七十三 無甚 南 深 北之音

日

緁 子 題

精季夏紀所論 或為專門之言或雜怪迂淺薄之論。

頗 孟秋紀 下標四目 曰蕩兵推論兵之原理謂有義兵而無偃兵極精。 日振亂日禁塞皆

儒家言此篇所述蓋亦儒義(予別有論)

闢

非攻之論亦精。

去

兵儒家經世之道備於春秋而孟子曰「春秋無義戰」則義戰二字乃儒家用兵標準也呂覽多

口懷龍此篇論所謂義兵者卽儒家所謂仁義之師案儒家崇尙德化而不言

心三軍一心則合無敵士民未合而威已諭敵已服此之謂至威」又曰「兵欲急疾捷先幷氣專; 仲秋紀 下標四目: 日論威言立威之道其言曰「死生榮辱之道」則三軍之士可使一

教卒則非。 精心無有慮一諸武而已」皆兵家極精之論。 智必勇兵貴因因敵之險以為己用因敵之謀以為己事兵貴不可勝不可勝 必在彼者亦兵家極精之論也。 日決勝言民無常勇亦無常怯有氣則寶實則勇無氣則虛虛則怯兵有本幹必義必 日愛士言行德愛人則民親其上民親其上則樂爲君 三篇選言簡選不可專特然因此遂謂市 在己可勝在被必在 人可勝

季秋紀

下

標四目

曰順民日知士義如其題。

日審已言凡物之然也必有故不知其故,

咸飭其仁。 雖當與不知同其卒必困。 秋主則殺故論用兵之事順民知士乃用兵之本審已則愼戰之理精通亦不戰同其卒必困。與書作事當通法 日精通言精神相通之理聖人所以行德乎已而 日精通言精神相通之理聖人所以行德乎已而四荒 屈

之意心。 寶言古人非無寶也所寶者異耳以破世俗之惑。 孟冬紀 下標四目 曰節喪曰安死皆言厚葬之禍可考古代厚葬及發墓者情形。 曰異用言人之所以用物者不同爲治亂存亡 日{異

仲冬紀 下標四目 日至忠言忠言逆耳非明主莫死生所由判意承上篇意人之愚皆由爲物所惑不爲物所惑而且能 當務言辯而不當論局 信而不當理勇而不當義法而不當務大亂天下必此四者卽孟子 曰至忠言忠言並耳非明主莫能聽。 曰忠廉言忠廉之士難得。 非禮 日

之禮非義之義大人弗爲」之說亦所以惡「執中而無權」也 長審今可以知古審古亦可以知後故為後人所非之事不當作因知而推之於行 季冬紀 下標四目: 曰土節言定天下國家必由節士不可不務求。 曰長見言知愚之異在所見之短 日介立言貴富有人 也。

易貧賤有人難晉文公貧賤時能有介之推而貴富時不能有所以不王。 A K 春 秋 日誠康言誠康之士視 百七十五

經

子

解

題

葬之理。 誠 廉重 乎其身出乎本性。 曰不侵言寫富貴大不足以來士必知之然後可。 人能 多所蓄藏則 冬主別藏故言喪 必智 而智莫大

於知 序意 升紀於覽論之前故序亦在紀與覽論之間 人; 、故諸篇多論求智之事及知人之方焉、主原鄰秦始皇等特其尤甚者耳故戒原葬之談實其時當務之急也。 此篇爲全書自序十二紀本列六覧八論之後此書在十二紀之後亦即在全書之末 [也序語似專指十二紀者以其已非完篇 也見前。

應同言 引惠施之說 有始覽 赬 辩 成應之理。 記同可見此句 首節言天 爲古代哲學家之公言非莊別惠施等二三人之私論也。 日去尩言心有尩則 地開闢中與淮南地形訓同末言「天地萬物大同衆異」與莊子天下篇 聽 必悖故必去之然後能聽言。 日 日聽言。 下標七目: 言 聽言者 日

者多故以是 大言小之定必恃大大之安必恃小 必先習其心於學 論, 而及於君若臣所以自處之道及其所當務也。 戒 之 問。 也。 古人 日謹聽戒人自以 論 政原 (諸天道) 小大貴賤交相恃然意偏 爲智。 而 日務本言人口 國之政君若臣實 (此篇從天地開闢說 於務大則 臣當 共 反身自省不 司 之。此 因人之蔽於 起亦可見八覽當列 篇 可徒 因 論 取 小 天 地 而 開 不 闢 知 日 渝 之 大

全書之首。

成敗之道。 由於適然。 亂存亡安危強弱亦有外緣湯武非遇桀紂不王姓紂非遇湯武不亡。 功名之本在得賢。 爲功因者易爲力之理。 恩之事言人主當博求士。 修德不必獲報無論如何無必免患之法可破修德獲報之說。此覽承上覽言治國之本及總論 成雖由於天然因是而不慎人事則不可亦及不得時則不可強爲之義。 上之所以使下也賞罰所使然人則成習而安之若性故賞罰之所加不可不慎也。 **愼大覽** 孝行覽 日必己承上篇言外物不可必故君子必其在己不必其在人者多同莊子山木其言 言為天下國家必務本本莫貴於孝多同孝經及禮記祭義下標七目 言強大當愼居安思危之義。 日首時言成功在於得時。 日察今言先王之法不足法當法其所以為法因言察己可以知人察今日 田順說言說術 日不廣言智者之舉事必因時 日貴因言創者難 下標七目: 曰義賞言一事之成皆有其外緣使之賞罰之柄, 日下賢言人主當下賢。 日愼人承上篇言功名之 曰遇合言外緣之相值, 日長攻言治 日報更舉報 日本味言

呂氏

省

可以知古法隨時 變之理極精。 此覽亦承上覽孝行覽論成功之術蓋就國家開創 時立言此覺

縺

子

解

題

有道之士少不可不求。 則 可自以爲智。 就 先識 國家 () 旣 成立後言之皆守成之道也。 日悔過此篇承上篇上篇言耳目有所不接此篇言心智亦有所不至因引秦穆公 言國之與亡有道者必先知之故有道者之言不可不重。 日知接言知者所接遠愚者所接近所接近者告之以遠亦不喻戒人不 日知接言知者所接遠愚者所接近所接近者告之以遠亦不喻戒人不 下標七目: 日觀世言

可不察 日察微言治亂存亡始於至微能察之則大事不過事遂以悔過題篇實非本意也如見各紀各覽各論 日樂成言 不可不察。 言 此覽亦承前言之。孝行愼大二覽皆就行事立言此覽則就 君臣異職人主不 可下同羣臣之事。 下標七目: 日去宥宥同囿。 日君守言人君所處之分以 成知識立言也 「知識立言也」

日樂成言民可與樂成難與慮始。

胸胸之論不

無 治 日 不為為。 學與哲學一貫之旨。 知度言治要存乎除姦除姦之要存乎治官治官之要存乎治道治道之要存乎知性命可見政 日任數言御下之術當修其數耳目智巧不足恃。 日愼勢言以大畜小以重使輕此勢不可失。 日勿躬言人君不可躬親事務。 日不二戒聽衆議以治國

此篇有脫文。 日執一言天下之本在國國之本在家家之本在身開爲身不聞爲國亦道家養生

此覽言臣主之分而仍歸本於性命之情可見形名度數皆原於道。

名實不副者上不可無以察之。 曰不屈言察士應物其辭難窮然不必爲福。 言言人主之言不可不慎。 士應物之辭 曰具備言立功名者自有其具說與治之務莫若誠。 審應覽 言人主應物不可不審其道在因人之言以責其實而不爲先 日精喻言愼密之道。 曰離謂言名實不副為亂國之道。 此覽言人君聽說之道多難 下標七目: 曰應言蓋即舉察 日淫辦言 日(重

罪人之度量相越甚遠不可不熟論言以求衆人之道馭非常之人則必失也。 際不能相合戒作極端之論也。 言世以高行為貴然以理義論則神農黃帝猶有可非微獨舜禹蓋極言理 下標七目: 日高義言君子之所謂窮通與俗異故不苟受賞逃 曰上德言用人者 論 與實

名法家之言以其能變亂是非也而歸結於臣主之務莫若以誠可謂得爲治之要矣。

不可徒恃罰。 立法必爲民所能行管子所謂「下令於流水之原」也。 봄 氏 曰用民言用民者亦不可徒恃威其理甚精足箴法家過任威刑之失。 春 日為欲言民之可用因其有欲治亂強弱, 日適威言

經 子 解

使民之術不同甚精。 日貴信言信立則虛言可以賞六合之內皆為己府而不患賞之不繼

矣。 甚精。 由其 日舉難戒求全此篇承前覽前覽言聽言之術此覽則言用人之術

言人之生恃乎羣羣之所以不渙恃乎羣中之人皆以羣爲有利羣之能利其羣之

也。

也。 德 人以君道立也此等原君之論法家常主張之然又曰「君道以利立故廢其不然而立人以君道立也此等原君之論法家常主張之然又曰「君道以利立故廢其不然而立 ·衰世亂然後天子利天下。」則又儒家「湯武革命應天順人」之說矣固知九流之學, 下標七目 特君覽 日長利。言天下之士必慮長利利倍於今而不便於後弗爲也安雖長 工其行道者。 久以, 流異 私 原

其

之分, 子孫, ,弗為也又謂賢者不欲其子孫恃險久存以行無道亦廓然大公之論。 則利害存 亡弗能惑理頗近莊列。 日召類。 言禍福自來, 衆 人不 知則以爲命其實皆有以召 日知分言達乎生死

然故以此篇繼之以見事雖有非人力所能爲者然人事仍不

可失

也。

日

之紫上篇

言理,

偏

重自

便時不利則當事讎以或之意鬱言人身精氣鬱則病 日屬恣言亡國之主之失。 求 病, 存; 國亦然鬱則萬惡並起。 何者執民之命不得以快志為事 日觀表言· 人心難測聖人過人以先知先知必審徵表衆 理極精。 也可破宋以後氣矜之隆 日行論言人主之行 與布 "衣異勢不 不 論 人以 利

因博論利害之理及人所以知利害之術并及立君 為神以為幸而不知其為數之所不得不然也此覽推論國家社會所以成立之原由於衆以爲利 所以利民戒人主不 可以國自私眞廓 然大公

民之道此論言賢人皆以利民為務因及人君用人之方。 民則天下歸之。 主多關人君有明德則士必歸之。 開春論 言賢主不必苦心。 類故先及此也。 言賢主不必苦心焦思在能任賢。 日貴卒言智者之異於人以其能應變於倉卒之間此 日愛類言仁者必愛其類賢人往來王公之朝非求自利欲以利 日審為言身重於天下令人多趨利 下標五目: 日察賢義如其題。 論承前論前論言 而忘其身蓋因 民放人主 日期賢言世 下篇 言愛 主 能 利 務

日求人上篇言壹行在己故言求人以該其義也。 巨木人以為期易知故也乘船者為其能浮而不能沈賢士君子為其能行義 日察傳言得言不可不察數傳而白 而不能行 爲 邪 僻 黑 也。

必求其審放疑似之務不可不察。

[個行論

言計利者未必利惟盧義則利。

日壹行言人之行義當昭然與天下以共見使人信之如陵上證歲義則利 下標五目 日無義極言義之利 日疑似言知

氏 春 秋

몸

百八十一

為

利易見義之為利難知故極言知之貴審旣知義則必行之故又極言行之貴壹也。 破除迷信之根此論承前二論前二論皆言利恐人誤見小利故此論極言以義爲利之旨利之爲 白矣故聞言必熟論必驗之以理如「夔一足」「穿井得一人」等皆可以理決其無者也此論實爲 貴直論 言直臣之可貴。 下標五目: 臼 直諫言非賢人不肯犯危諫諍故人主當容察之。

行必藉人以自輔故此論承之極言直臣之可貴也。 亡國之主不可與直言。 日 士。{不苟論 知化言惡直言者至其後聞之則已晚。 言賢主必好賢。 曰原亂舉嗣亂因壅塞而生者以爲戒。 下標五目: 日贊能言進賢之功。 日過理言亡國之主皆由所樂之不當。 前 論言知貴審而行貴壹 曰自知言人主欲自知則必 日雍塞言 知及

害之者賢者之無功不肖者害之也。 固不徒貴知之必貴能用之也而以用人之本歸結君心則孟子所謂「惟大人爲能格君心之非, 自然之道也。 日當賞言賞罰爵祿人臣之所以知主所加當則人爲之用。 此論亦! 承 前 論前論言 直臣之可貴此論 曰貴當言治國之本在身治身之本在得其性所謂 則言人主當用賢去不肖人主之於賢臣, 日博志言有所務必去其 性者則

得直

[一正君而國定]者

也。

篇承前, 各異能, 事,因 物治所謂性命之情者卽今所謂 推論智識 似順 合衆異正所以為同故貴因材授任然立法 前論以知 {論 有限故聖人不恃智 言事 人用人歸東於君故此篇又總論 有貌相 似而質相反者因言循環之道。 眞 理 m 也。 因任自然極精。 日分職言君當守無為之道使衆為之。 君 則必爲人之所共能。 道 也。 日有度言必通乎性命之情 下標五 目: 日愼小義 日別類言剖 日處分言物 如 則 其題。 執 析 疑 似之 iffi 萬 此

土日審時皆農家專門之言不易解。 戒 頗合於孟子言制民之產之法又與儒家言大同亦 樸則易用農則 人臣欲貴其身而不知貴其主於天下與諭大篇有頹複處。 士容論 重重 言誠則人應之無待於言言亦不足諭人。 |則少私義少私義則公法立可以戰守義與商君書同下言男女分職之理義 子爲書蓋取諸此。 此論亦承前前五論皆言人君之道此論 可見九流之學之本無不合也。 下 -標五目: 日上農 言導民莫先於農農 日務大言務大 日任地日辨 則 小 則言 自該。 則樸,

占

氏

民之務也。

)

詳說當 个按尸子書晉人也名俊秦相衞鞅客也商君被刑俊恐幷誅乃逃亡入蜀自爲造此二十篇書凡 孔氏之術」 本(一)為震澤任氏本(一)為元和惠氏本(一)為陽湖孫氏本汪繼培以三本參校以羣書治要 志考證李淑邯鄲書目存四卷館閣書目止存二篇合為一卷其本叉不傳於後清時所行 六萬餘言。」索隱謂「<u>尸子名俊晉人事具別錄」按裴駰司馬貞及見別錄及尸子全書所</u>知較 君師之鞅死佼逃入蜀」史記孟荀列傳「楚有尸子」集解「 收者別為存疑附於後實最善之本也今所傳劉向校上荀子語謂尸子著書「非先王之法不循 所載為上卷諸書稱引與之同者分注於下其不載治要散見諸書者為下卷引用違錯及各本誤 此書雖闕 不誤晉魯形近今漢志作魯人蓋譌字也其書二十篇隋唐志皆同宋時遂殘缺王應鱗漢 劉勰謂其「氣總雜術術通而文鈍」據今所輯存者十之七八皆儒家言劉向校序本 佚特甚然確為先秦古籍殊為可寶按漢志雜家「尸子二十篇名俊魯人秦相· 劉向別錄曰楚有尸子疑謂其在蜀。 凡 有三

偽物, 審一 之枉 身逸 日義 之裁物以制分便事以立官」「君臣父子上下長幼貴賤親疏皆得其分曰治愛得分曰仁施」 分成 荷能 詞 斷 不足信。 碎義足以取 之紀百事乃理。 Œ 而 虚 焉, 也。 者有罪措準則地之險者有罪審名分則羣臣之不審者有罪」「是故曰審一之」 也是非之可辨名定 遠者治矣明者不失則微者敬矣」實足以通儒道名法四家之郵又如分篇「 ·名愚智盡! 得分日智動得分曰適言得分曰信皆得其分而後為成人」「明王之治民也, 必不多矣」「明君 三「明君之立也正其貌莊其心虛其視不躁其聽不淫審分應辭以立於廷, 國治言寡而令行事少而功多守要心身逸 此書蓋亦如呂覽兼總各家而偏於儒其文極樸茂非劉勰所解耳今雖闕 證 情執一以靜令名自正令 經子者實屬指不 名實判爲兩合爲一是非隨名實賞罰隨是非是則有賞非 不用長耳目不行間諜, 也過其實罪 勝屈今姑舉 也弗及愚也是故情盡而 事自定賞罰隨名民奠不敬」 不強聞見形至而觀聲至而 其最要者數條如分篇: 而國治用賢也言寡而命 不僞質素而無巧。 一發蒙篇「天下ウ **令行**, 「天地生萬 聽, Œ 事 則 有罰。 則隱 名 至 也。 經百事 事 夫弩機損若 丽 故 佚已甚然 物聖 陳 少 應。 匿 人君 -之可治, m 君 疏 繩 近 之所 · 乃成; 功立, 得 遠難 民 人 者 則 木 不

獨

經

7

黍則不 舜無為也而天下以為父母愛天下莫甚焉」亦足與論語「無為而治者其舜也歟」相補足此 君子之樞機」一節絕好注脚又如仁意篇「治水滾者馬也播五種者后稷也聽獄折衷者旱陶 鉤盆若口則不發言者百事之機也聖王正言於朝而四方治矣」實易繫辭傳「言行者,

 騙 冠子 典制故實足資考證者尚多不及備舉也。

赌其全佃 三卷四庫所著錄為宋陸佃注本卷數同提要云「此本凡十九篇佃序謂韓愈讀此稱十六篇未此書歷代著錄篇數頗有異同漢志道家「鷃冠子」篇楚人居深山以鷃爲冠」隋唐志皆 此注則當日已不甚顯惟陳振孫書錄解題載其名晁公武讀書志則但稱有八卷一本前三卷全 北宋人其時韓文初出當得其眞今本韓文乃亦作十九篇殆後來反據此書以改韓集。

同墨子後兩卷多引漢以後事公武削去前後五卷得十九篇殆由未見佃注故不知所注之本先 爲十九篇歟」 按漢志止一 篇韓愈時增至十六陸佃注時叉增至十九則後人時有增加已決非

漢志之舊然今所傳十九篇皆詞古義茂決非漢以後人所能為蓋雖非漢志之舊而又確 為古書 於龐

媛第十九篇稱趙武靈王問於龐媛則龐子即龐媛賜冠子者龐媛之師也全書宗旨原本道德以也第七第八第九第十四第十五諸篇皆稱龐子問於陽冠子第十六篇稱趙卓 博之襄王問於龐 切治法皆當隨順自然所言多明堂陰陽之遺儒道名法之書皆資參證實爲子部瑰寶。

著希第二 博選第一 此篇言天文地理等皆有可驗「有所以然者然成隨而不見其後迎而 此篇言賢者處亂世必自隱戒人君不可不察。 此篇言君道以得人為本得人以博選爲本

子幼官篇「若因夜虛守靜」之夜亦當如此解。 天則第四 此篇言「天之不違以不離一天若離一反還爲物」「人有分於處處有分於地

首成功遂事莫知其狀故聖人貴夜行」夜者暗昧之意第十九篇「陰經之法夜行之道」同義管

不

·見其

夜行第三

得衣饑者得食冤者得理勞者得息聖人之所期也」「同而後可以見天異而後可以見人變而後 地有分於天天有分於時時有分於數數有分於度度有分於一二一列地而守之分民而部之寒者

뙲 子 題

其分斯為至治物所當處之分出於自然能知其所當處之分而使之各當其分斯為聖人合天然 可以見時化而後可以見道」蓋言天地萬物同出一原然既為萬物則各有其所當處之分各當

無非類動靜無非氣」「物極則反命曰環流」蓋古哲學中宇宙論又云「一之法立而」 環流第五 此篇言「有一而有氣有氣而有意有意而有圖有圖而有名有名而有形」「物 萬物皆來

奥

人治為一貫乃哲學中最古之義也。

亦人事當遵循自然之意又云「命者自然者也命無所不在, 屬「言者萬物之宗也是者法之所與親也非者法之所與雖也是與法親故強非與法 **無所不施無所不及」「命之所立賢** 職故亡」

道耑第六 此篇原本自然逃治世之法與第八篇皆多明堂陰陽之言。 不必得不肖不必失」則定命機械之論

也。

仁義之師異夫專以殺戮爲威者矣。 云: 近迭第七 兵者禮義忠信也行枉則禁反正則舍是故不殺降人王道所高得地失信聖王弗貴」 此篇言當恃人事不當恃天然之福, 而人道則以兵爲先頗合生存競爭之義然

則仍

此篇言度量法令皆原於道。

度量第八

法與管子大同。 泰鴻第十 王鉄第九 此篇言「天地人事三者復一」多明堂陰陽家言。 「王鈇」二字義見首篇此篇中亦自釋之此篇先述治道亦法自然之意後述治

亡然知天地之終。」「知先靈王百神者上德執大道凡此者物之長也及至乎祖籍之世代繼之君, 泰錄第十一 此篇亦言宇宙自然之道又曰「神聖之人後天地生然知天地之始先天地泰錄第十一 此篇亦言宇宙自然之道又曰「神聖之人後天地生然知天地之始先天地

君者之學矣。 有也」按學記一篇多言人君之學漢志以道家爲君人南面之術觀乎此篇則可以知古代爲人 身雖不賢然南面稱寡猶不果亡者其能受教乎有道之士者也不然而能守宗応存國家者未之

世兵第十二 此篇大致論用兵之事。

備知第十三

時 命非人力所可强為因言「費仲惡來知心而不知事比干子胥知事而不知心聖人者必兩備 。 此篇先言渾樸之可尙有意爲之則已薄與老子頗相近繼言功名之成出於

百九十

而後能究一世。

蓋其所謂備知者也。

兵政第十四 此篇言兵必合於道而後能勝。

事有終始」論語「一以貫之」「有始有卒其惟聖人」之義也 鹖冠子答以「始於初問終於九道」蓋學問必全體通貫而後可謂之有成此卽大學「物有本末, 學問第十五 此篇載龐子問「聖人學問服師也亦有終始乎抑其拾誦記辭闔棺而止乎」

世賢第十六 此篇借醫爲喻言治於未亂之旨。

天權第十七 此篇言安危存亡皆有自然之理又曰「道者通物者也聖者序物者也」 此篇先論自然之道而推之於用兵亦多陰陽家言。

叉

曰: 「聖人取之於勢而弗索於察勢者其專而在己察者其散而之物者也」與第四篇義同。 武靈王第十九 能天第十八 此篇亦論兵事。

淮南子

著其文也富物事之類無所不載然其大較歸之於道號曰鴻烈鴻大也烈明也以爲大明道之言 言其大也則震天載地說其細也則淪於無垠及古令治亂存亡禍福世間說異褒奇之事其義也 諸儒大山小山之徒共講論道德總統仁義而著此書其旨近老子淡泊無爲蹈虛守靜出入經道。 十一篇其為內篇似無疑義然高誘序謂「與蘇飛李尚左吳田由雷被毛被伍被晉昌等八人及 書二十一篇外書甚衆又有中篇八卷言神仙黃白之術亦二十餘萬言」今所傳淮南王書凡二 終有可疑案漢志易家有淮南王道訓二篇注曰「淮南王安聘明易考九人號九師法」今淮南 九卷卷數與誘所述外篇篇數卻符然舍漢志外三十三篇不言顧以其為雜子星者當外篇於理 定撰具名之雅南又有十九篇謂之外篇。」述外篇篇數與漢志不合漢志天文有雅南 也故夫學者不論淮南則不知大道之深也是以先賢通儒述作之士莫不援采以驗經傳劉向。 要略爲全書自序其言曰「言道而不言事則無以與世浮沈言事而不言道則 「今專言道則無不在焉然而能得本知末者其惟聖人也今學者無聖人之才而不爲詳 淡志雜家「淮南內二十一篇外三十三篇」淮南王傳「 招致賓客方術之士數千人作 無以 與 化游 雜子星十 為內

經

則 終 身頗頓乎混漠之中而不知覺寤乎昭明之術矣」可見淮南此書實以道與事相對舉今要

其大也, 矣。{略高兩 名後人既混其論兩者之語而一之乃妄臆「其餘十九篇」不在本書之內遂又加入「謂之外篇」 **詭異褒奇之事其義也著其文也富物事之類無所不載」等爲論其餘十九篇之語本無外篇之** 兩稱著二十篇云云蓋以本篇爲全書自敍故不數之若更去其首篇道訓則所餘者適十九篇 注入非故物此序詞意錯亂必爲後人竄改無疑頗疑高序實以十九篇與原道訓分論「言 」則燾天載地說其細也則淪於無垠」等爲論原道訓之語「及古今治亂存亡禍福, 世間

漢志雖采此篇入易家而於雜家仍未省又或漢志本作二十篇而為後入所改邪書闕有間更無漢志雖采此篇入易家而於雜家仍未省又或漢志本作二十篇而為後入所改邪書闕有間更無 之學可作一人論則合豁蘇飛李尚等適得九人矣得毋今書首篇之原道訓卽漢志所謂道訓者, 四字也漢志言安聘明易者九人高敍所舉大山小山或亦如書之大小夏侯詩之大小毛公一家

教故其流雖異其原則 然稱有冀焉者九流之學同本於古代之哲學而古代之哲學又本於古代之宗 同前已言之儒家哲學蓋備於易易亦以古代哲學爲本其雜有術數之談,

越未敢,

自信。

固 無足怪然遂以此爲易義則非也今所謂漢易者大抵術數之談耳西漢今文之學長於大義東

道家稍一 王書引易之處最多, 漢古文之學則詳於訓詁名物之間今施孟梁丘之易皆亡今文家所傳易之大義已不可見淮 易悉皆數術之談當時之人豈易創通其理與老相比其時今文易說 道二家哲學之說本無大異同自易之大義亡而儒家之哲學不可得見魏晉以後神 中者邪淮南雖號雜家然道家言實最多其意亦主於道故有謂 所有之義也魏晉間人談玄者率以易老並稱即其一證其時言易者皆棄數而言理果 道二家公有之說而自附於道於是儒家哲學之說與道家相類者儒家遂不敢自有悉舉而 與易無涉何以能推之而皆合且又可以之演範乎然則此物亦儒家所固 漢學多過當誤會之語然此說則平情也) 極攻之然所能言者圖書 於東西晉問) **援引即指為援儒入道矣其實九流之學流異原同凡今所指為道家言者** 其理 人間泰族諸篇 固與老子相通也河洛圖書之存於道家亦其一證宋人 在儒家無授受之迹耳如何與易說不合不能言 皆包舉大義無雜術數之談者得毋今文易義轉 西諺云「算帳祇怕數目字」 此書實可稱道家言者予則謂 未亡, 圖書皆言數之物果其 也。 有而後為神 (施孟、 好以圖書言易清儒 (方東澍 梁丘之易皆亡 有存 干, 仙家又竊 說方 使漢 九固 仙家所竊 於此 儒家 歸 氏

攻

者耳明乎此則知古代儒道二家之哲學存於神仙家(卽後世之所謂道家)書中者必甚多果能 就後世所謂道家之書廣爲搜羅精加別擇或能輯出今文易說使千載湮沈之學渙然復明(卽

學之士共詳之。 道家之說亦必有爲今日所不知者)而古代哲學亦因之而益彰者也應見所及輒引其端願承 此書今所傳者凡二十一篇漢書所謂外篇及中篇者蓋久亡佚矣。漢志於內外篇皆僅稱淮

於許注仍云二十一卷高注則云十三卷晁公武讀書志據崇文總目云亡三篇李淑邯鄲圖志則 皆作二十一卷許慎高誘雨注並列舊唐志又有鴻南鴻烈音二卷何誘撰新唐志亦題高誘宋志 。 南今題作淮南子子字蓋後人加之(今所謂某某子子字為後人所加者甚多)隋書及新舊唐志 云亡二篇而洪邁容齋隨筆稱所存者二十一卷與今本同蓋其書自宋以後有佚脫之本而仍有

完本高似係子略云二十篇者以要略為淮南自敍除去計之四庫亦以為非完本非也(提要又 云白居易六帖引烏鵲塡河事云出淮南子今文無之則尙有脫文案此必不出內篇四庫此言亦

誤也) 音二卷實出何誘新唐志幷題高誘者誤今本篇數仍完而注則許高二家删合爲一矣(以

上並據莊達吉敍) 向所行者為莊達吉梭本原出錢站所校道藏本近人劉文典撰淮南鴻烈集

解用力至勤法亦嚴密(讀胡適序可見)實佳者也。 原道訓 此篇言道之體用皆世所謂道家言也極精(淮南書中世所謂道家言予疑其實------

多與儒家言合个從衆所稱名仍稱爲道家言)廿一篇惟要略下無訓字姚範云疑訓字乃高誘

自名其注解非淮南篇名所有。

地形訓 此篇頗似荒怪然古實有此說特今尚未能大通耳。 此篇為古代哲學中之宇宙論因推論及於事物變化無極生死無異極精。 言天文律歷度量衡等事亦推論及於哲學 凡古書言地理之荒怪有可

信有不可信者為後人竄造最多者為山海經穆天子傳等書如此篇及楚辭等則其較可信者也。

秦制者非矣。 (時則訓 麗冥訓 前述十二月行令與月令同下多五位六合篇末明言為明堂之制可見以月令為 此篇大旨言物類之相感應非人所能知故得失亦無從定聖人之所以不恃智而

淮南子

百九十五

末節闢儒家之言禮樂

貴無爲者以此亦哲學中之精論。 經

精神訓 此篇大旨言我本自然之物故當隨順自然所以不能隨順自然者以嗜欲害之也。

不能使人無欲而徒事強制亦有精義。 故當去嗜欲又言天下之不足欲死生之無異以見嗜欲之不足慕極精。

本經訓 此篇言仁義禮樂之不足行世所謂道家言也。

末言制民之產同王制又有同公羊禮記孟子處則儒家言也。

{主 ~術訓

此言人主所執之術。

首言無爲道家言也。

次言任人任法勢治名實法家言也。

經稱訓 此篇首言道滅而德用德衰而仁義生世所謂道家言也下言治貴立誠則世所謂

儒家言心。

齊俗訓 此篇言禮俗皆非本性不得執成法以非俗亦不得以高行爲俗頗精。

道應訓 此篇解故事而以老子之言結之頗似韓非之喻老又引驻子管子慎子各一條。

此篇論變法與商君之言同蓋法家言也其論因迷信而設教一節極有見又言聖

経言訓 此篇言無欲則無繆舉故治天下之本在身身之本在心愛身者可以託天下又言


無為之旨又言合道術者但能無害不必能求利亦養生之論也。

龍山訓 兵略訓 說林訓 此篇先論兵之原理次及用兵之利用兵之術兵家極精之言。 此兩篇以極簡之言說明一理與他篇之議論縱橫考文體頗異而味彌

修務訓 人間訓 此篇首言無爲非不專事下皆勸學之語又箴砭學者眩於名而不知眞是非論亦 此篇極言禍福倚伏之義多引故事以明之。 永。

切,至。

雅南子



編主五雲王

庫交有萬 **種干一集一第**

題 解 子 經

著勉思呂

路山寶海上

者刷印兼行發 館書印務商

埠各及海上 發 館書印務商 死 行

版初月十年八十國民華中

究必印翻機作者有害此

The Complete Library Edited by

Y. W. WONG

A GUIDE TO CHINESE CLASSICS AND

PHILOSOPHICAL WORKS

Ву LU SZU MIEN

THE COMMERCIAL PRESS, LTD

Shanghai, China

1929

All Rights Reserved

